




Ex 11. (Kön 168)





101.7

8.19.13.19

10/10

XVII. 1. 6.

DD-21.

241


# VINCENTII LITTARAE DOCTORIS THEOLOGI

*De Rebus Netinis Liber.*

**I**N QVO VRBIS, AGRIQUE  
descriptio, Netinorum Origo, res militia, togarum  
praeclarae gesta, habita à Regibus privilegia, illu-  
strum virorum monumenta, & quicquid historia  
dignum legi potuit, luculentè, perinde ac breuiter  
traditur.

Additæ sunt Netinorum Consuetudines, iam olim sub  
Petro Secundo literis traditæ,

Adiecimus etiam Beati Conradi Placentini histo-  
riam ab eodem authore compendio perstrictam.



PANORMI, M D XCIII.

*Ex lib. D. An. Morfieri*

# VINCENTII LITTARAE DOCTORIS THEOLOGI

De Rebus Notis Libris.

IN QVO NOTIS, AC REBUS  
descriptis, Notionum Originis, et militie togare  
præclaris gestis, habita à Regibus principibus, illu-  
strum virtutum monumentis, et quicquid historis  
dignum legi potuit, inclementis fortibus ac breuiter  
traditur.

Adiuxit sunt Notionum Consuetudines, iam olim lib-  
ro Perio Germano hæc tradita.

Adiunctum est etiam Brevis Concordiæ Dissertatio  
tam ad eodem auctore compenditè pertractata.



PANORMI, MDCXIII.

# FRANCISCI IOANTHOMASII

ALLEGORICAE CARMINA

**N**on atavis natura parens fecunda vetustis,  
 Et sterilis nobis saeva nouerca fuit:  
 Cum Sophia culmen Littaram, dogmatis almi,  
 Pierium vatem secula nostra ferant,  
 Illustres prauros, vrbis primordia Neti,  
 Qui genus, & seriem, qui monumenta refert,  
 Littora, pyramides, turres, delubra, colossos,  
 Flumina, prata, lacus, mœnia, castra, situm.  
 Si Arpinū, si Smyrna, Samos, si Mantua, Athenæ,  
 Non defraudantur munere quæque suo:  
 Ingeniosa suis Netus letatur alumnis,  
 Fertilitate loci, nobilitate virum.

PETRI BOREAE NETINI  
 Distichon.

**C**odice in hoc Neti robur, decus, arua, vetustas,  
 Aedes, iura, situs, nobilitasq; vigent.

DO. PETRI MILANENSIS  
 Panormitani Epigramma.

**Q**uædum cognitio Historiæ, monumēta priorū  
 Proficiat, cunctis notius esse reor.  
 Nam paucis collecta patent tot gesta virorum,  
 Quæ perpes nostra ad tempora fama tulit.

**Historicis multum debent populi que, loci que,**  
**Per quos sub memori nomine clara vigent.**  
**Nec minus vrbs Netum Littara debet alumno,**  
**Tempora qui claudit codice longa breui.**  
**Vrbis natales, heroum illustra facta**  
**Tradidit, & Cines patria iura docet.**  
**Vine igitur felix, Netum, latare vel vno**  
**Cine, memor facti fac tibi prosit opus.**



VINCENTIVS  
LIT T A R A  
SPECTABILIBVS VIRIS.

BALTHASSARI CAPPELLO  
DOMINO BONFALLVRAE,  
IOANNI LANDOLINAE, SIBI  
ET GOTTERRAE DATO  
Patriæ patribus beneme-  
rentissimis.  
S. P. D.



V A M meritò (cla-  
rissimi viri) iustissi-  
mus quisq; pro pa-  
tria tuenda æquè,  
ac exornanda labo-  
ret, & vetustissima  
ipsius naturæ lege, & officiosissimi



cuiusque consuetudine cognoscimus. Namque si parentibus debemus, & parem illis gratiam referre non possumus, non ineuidenter, nec absurdè idem de patria concludimus, quæ generationis principium est, quemadmodum, & pater. Patriæ (licet plærunque ingrata) hominem debere, cum prophætarum sacrae literæ testantur. pro patria plurimos, & animi præstantia, & generis antiquitate celebres gravissimis se periculis exposuisse, imò alacriter horrendo mortis genere, & sanguinem, & vitam effudisse, nulla est historia vel latina, vel græca, vel Barbaræ, quæ non memoret. Nolo in alienis exemplis, quæ nulli sunt ignota, adducendis immorari: habemus in hac nostra vrbe, quæ & nos afferamus, & quæ posteris quoque

que cum summa vestrae laudis acclamatione meminerint. Siquidem inter saevissima seditionum, & bel-  
lorum discrimina; inter asperissima indomiti Martis, & insanæ Erinny-  
os tempora; Netum urbem Cap-  
pelli, & Landolina tutati sunt; ex-  
ornarunt autem mitiori tempesta-  
te, sedatis penè furoribus, inter cæ-  
teros Dati, non minus opibus, quàm  
ingenuis artibus præpotentes. Iam  
à Manfredi Regis imperio legimus  
Joannem Cappellum (à quo, mi-  
Balthassar, perducta per tot secula  
nobilitatis successione, paternum  
regnum ducere, etsi materno san-  
guine, eodemque ex præclarissima  
Cappellorum familia, feudatari-  
um, consentaneum est credere) in  
legitimorum Regum fide, obo-  
dientia, & pietate. Netum patriam

pro viribus confirmasse. Vnde etsi  
impotentissimo Gallorum domina-  
tu, expulsus, animum tamen, & vir-  
tutem cælo non mutauit: ad Petri,  
Iacobi, & Fvderici Regum obser-  
uationem, & stabiles animos fir-  
mauit, & aliquando vacillantes re-  
duxit: vt non immeritò & opes vi  
interceptas recuperauerit, & pristi-  
næ dignitati fuerit restitutus. Quid  
verò de te? Quid de maioribus tuis  
dicam nobilissime Ioannes? quibus  
ego verbis illustria tuorum gesta re-  
censeam? non modò fortissimis il-  
lorum studijs hanc vnā ciuitatem  
Netum, sed & totam Siciliam à se-  
ditiosorum hominum inuasiōe cō-  
perio fuisse liberatam. eos nanque  
à Nortmannia profectos, & sub inui-  
cti Rogerij ductu, per quem sub  
Christiana Religione Trinacria per-  
seue-

seuerat, à Barbarorum sordibus insu-  
lam expurgasse, vetusta ipsius Comi-  
tis diplomata, & veterum traditio te-  
statur. A Friderici verò secundi hoc  
nomine Siciliae Regis temporibus,  
à quo ditissima fœuda, dignam mi-  
litaris fidei mercedem, sunt consecu-  
ti, peculiari istorum incolatus mu-  
nere, & generosæ stirpis natalibus  
hanc urbem legimus illustratam.  
Hinc Ioannes ille Landolina, qui  
pro Ludouico, & Friderico tertio ne  
noctu quidem arma deposuit, tan-  
tumq; eis militari præsidio profuit,  
quantum à fidelissimo, & constan-  
tissimo Duce inter varia incertæ for-  
tunæ Ludibria suis principibus va-  
luerit præstari. Taceo Mutium, Ri-  
naldum, Rogerium, Ioannem alte-  
rum, Antonium, aliosq; Landoli-  
nas, quos tum integræ Regum literæ

commendant; tum Siculi annales  
memoriae prodiderant. Hos enim  
Regum Confiliarios, Duces, orato-  
res, à secretis, rogæ, & militiæ claris-  
simos, summiq; heroibus commen-  
datissimos, ex Sicanicis historiis, &  
vetustis ciuitatis scripturis, priuatil-  
que etiam monumentis non igno-  
ramus. Datos vero (sive veteri voca-  
bulo Deodatos nomenentur) insigni-  
bus disciplinis, & iustissimo fori  
ciuium regimine non minori Neti-  
nis utilitati, & honori fuisse non du-  
bitamus. quantum enim ab illis ar-  
morum potentia, regalibusque stu-  
dijs splendoris, & gloriæ sibi, & po-  
steris est acquisitum, tantum ab his  
inclytissimarum scientiarum profes-  
sione, & politica gubernationis of-  
ficiis est comparatum. Explicat Ni-  
colai Dati laudes Lucius Marineus  
orator

orator, & historicus luculentus: æter-  
na memoria dignum faciunt nobili-  
tatis incrementa, patre diuitiæ, &  
plurimi proceres ab ipsis lethi fauci-  
bus medica opè liberati. Explicat,  
nobilissimæ Gotterra, Ioannis Dati  
suauissimi tui aui, encomia: qui ut  
erat in eloquendo lepidissimus, in  
rectè sentiendo prudentissimus, ita  
in omnium historiarum cognitione  
diligentissimus, Fazelli, studiosi re-  
rum Sicularū scriptoris Illustre præ-  
coniū. Prætermittam equidem ve-  
stras singulorum laudes, ne cui inui-  
do videar assentari: sed tamen hoc  
vnum dædico silentio non patiar in-  
uolui. Dū nostram hanc, qualif-  
cunque est, de rebus Netinis histo-  
riolam edendam iubetis, & curatis,  
quid aliud planè facitis, quàm eo-  
rundem laudibus, præclara in Rem-




pub. merita, & grata Regibus officia suscitando, impertiri? non minoris enim est operis parta tueri, quàm noua acquirere. Interirèt quidem, quemadmodum plurima ex hominum memoria deleta frustra querimur, tot illustrium virorum monumenta, & plæraque alia Netinæ vrbis insignia, nisi diuturnioribus literis mandata, & perennem famam adiuuarent, & à labentis temporis iniuria faciliùs vindicarent. Quamobrem plærique huius vrbis principes rogatum me voluere, vt aliquid de nostra patria scriberem: quam licèt scirem à Siculis fortissimo virorum genere ædificatam, à Græcis Gymnasio, & ædificijs excultam, Romanis (vel Cicerone teste) fœdere coniunctam, ab omnibus Christianis Sicilia Regibus laudatam,

datam, plurimisque gratiis donatā,  
& inter montanas Ciuitates potissi-  
mum locum tenere, cœli salubrita-  
te, soli quē hubertate, nemini cede-  
re: quanti tamen laboris esset, vel in  
vno populo, veterum historiam cō-  
texere, non me latebat. Vicit tādē  
laborem pietas; & charissimorum  
hominum voluntati morem gerens  
inter multiplices occupationes me-  
as aggressus sum opus, & compen-  
dio quodam cuncta perstringēs om-  
nem moui lapidem, quæ vel publi-  
cis instrumentis, vel priuilegijs, vel  
historicorum monumentis, vel lapi-  
dum inscriptionibus, vel saltem pro-  
bata seniorum traditione colligere  
potui, non prætermisi, dummo-  
do aliqua memoria digna existima-  
rem. Siquid nostros oculos effugit,  
annotent alij. Siquid enim in ma-  
nus



nus nostras non venit; integra piera-  
tis fructum; quem vnum; contem-  
pta populari vel aura; vel inuidia;  
quærimus; nō debuerit auferre. Om-  
nia præstitit; qui pro viribus est eni-  
sus. Suscipite igitur nobilissimi viri;  
bellum vestro auspicio in lucē pro-  
deuntem; & auctoris animum; opel-  
ram; diligentiam; pluris; quàm opus  
pendentes à raucō obtrectantium la-  
tratu defendite. Nec enim mihi vna  
quam vel rerum; vel verborum cal-  
umniatores defuerunt; quid dicet ini-  
uria non lacerasti (quem enim ali-  
quando prudenter offendi?) graui-  
ter obesse conentur. Nec in hac etiā  
editione defuturos prælagio. bom-  
bilat liuido susurro ignauum vul-  
gus; inutile fucorum genus; & vel  
alienum laborem depasci; vel laudes  
obscurare conatur. At ne characterus

horum strepitu à recte sentiendo, &  
operando deterritus, nec deinceps  
quidem pro patria, & optimorum  
ciuium (inter quos illos non habeo)  
virtutibus recolendis perinde, ac tu-  
endis opes, industriam, & sangui-  
nem (si res tulerit) effundere recusa-  
bo. Vos interim valete, & cum cæ-  
teris sanæ mentis ciuibus, de patria  
non malè merentibus vestri Littaræ  
studium æqui, bonique iudicate. Pa-  
normi anno à Christi Natali 1593.  
Calendis Maij.



*[The page contains faint, illegible handwriting, likely bleed-through from the reverse side.]*



# NETINAE VRBIS

## TOPOGRAPHIA.



E A M veterem urbem  
in hanc molem, in qua  
nunc visitur, secundo  
que omine durabit in  
columis, Ducetium  
Siculorum Regem,  
patriaque Netinum  
transulisse Diodorus

Agyrensis testatur. Loci naturam præru-  
ptis, & editis undique rupibus præcipitis,  
altissimisque vallibus, vnde dulcissimi fon-  
tes emanant, muniti, auctori in Græcos  
continua bella gerenti patriæ transplanta-  
tionem persuasisse credimus. Clariorem  
hinc maris Ionij prospectum, & faciliorem  
ad oras maritimas descensum assequeba-  
tur, adde, & tutiora collis propugnacula,  
qui nisi ab Isthmo (moles enim peninsu-  
læ formam reddit) nulli tum fuerat per-  
uius. Hic igitur iecit prima Netinæ Urbis  
fundamenta Ducetius: vt qui Menas in edi-  
to loco struendas locauit, patriam in hu-  
mili solo, & facile obsidionibus obnoxio  
non pateretur. sectis, quadratisque lapidi-  
bus

bus eam præcinxit, quemadmodum vetustissima monumenta, & aliqua adhuc vestigia visuntur. ab Isthmo ad carcerem veterem, quem prope nouum olim stantem nos vidimus, protendebatur: & hinc rectà ad Orientem ad Diui Thomæ templum descendebat. proditum est memoria, vbi nunc Paschasius Gazara habitat, socerū eius Palmenterium ædificando vetera mœnium ædificia eruisse. Forensia negotia in ea Vrbi parte agitabantur, quæ hodie via plana nominatur, tota quæ fornicata deambulatur, ingentibus saxis fulta, & super præcipitem locum fundata. Patebat illic amplissimus circus, ibi theatra constructa, ibi etiā Gymnasia Philosophorum Academia deferuentia: nam ad nostra vsque tempora quædam literarum græcarum fragmenta sunt reperta, quæ Fazellus accuratissimus rerum Sicularum scriptor transferenda in eius rei testimonium curauit. Ad Christianorum tempestatem, nempe ad Apostolorum conciones, & paulò vltius locus ille fuit Vrbi præcipuus. nam vetustissimū templum Diuo Ioanni dicatum habuit, in quo antiquæ Religionis vestigium Baptismalem fontem, sicut & succedenti seculo in Diui Theodori pueri vidimus. adaucta est subinde prosperiori fato populo foecundior,

dior, & ad meridiem longius protensa in  
cordis figuram duobus collibus, quasi hu-  
meris innititur: vbi verò veteris oppidi li-  
mitem fixerant extremum; ibidem modo  
est vrbis meditullium, longior quidem,  
quàm latior, patet circuitu circiter duo-  
bus milibus, quingentis passibus, non pau-  
cioribus mille in longitudinem producta;  
inexpugnabili quidem situ admirabilis, sic  
ab Aretio Syracusano commendatur, sic à  
Fazello pluribus in locis describitur, sic à  
Leandro Bononienfi collaudatur: cuius  
verba vt apud eundem legi, ita excipfi:  
Più oltre e, il nobile Castello di Noto, fra  
Monti, da gl'antichi detto Netum. ilquale  
credo che fusse fabricato per la ruina d'He-  
loro, ch'era posto sopra il fiume Orino,  
del quale poi dirò, & cio mi fa credere la  
pittura di Tolomeo, & la descrizione de  
gl'antichi, ne meno il luogo, doue e, po-  
sto. Di cui fa mentione Silio nel quarto-  
decimo libro, quando dice: & Netum, &  
Minte, pubesque liquentis Acheti. & se-  
condo Pietro Marso vi fu mutata la lettera  
e, in o, onde si dice Noto. Per certo que-  
sto Castello e d'annouerare tra nobili, &  
ricchi Castelli non tanto di Sicilia, ma anco-  
ra d'Italia. Et però si dice, Crema in Lom-  
bardia, Prato in Toscana, Fabriano nella

Marca, Barletta in Puglia, & Noto in Sicilia: quando si vuole dire della grandezza di Castelli, che hora si retrouano. Et ben se gli conuiene il nome di Noto, cioe conosciuto. egli e, pieno di popolo, & ha il paese deletteuole, & fertile. Et sono quiui nati alquanto huomini Illustri, che gl'han dato fama. Paulò Post. Da questo nobil Castello tutta questa regione ha tratto il nome di Valle di Noto. Hæc ille: Cuius vnũ non approbamus, quòd ex Elori ruinis Netum credat extructum. nam vt Plinius est author, stabat Elorum sub Cæsare, Netti verò multò ante Cæsarem Silio, Cicero-ne, Diodoro testibus, extant monumenta. Ex vrbiũ maritimarum reliquijs, quarũ arua Netino cesserunt, creuisse, vt multorum est opinio, non imus inficias. Huic naturali Situs munimento addiderant veteres, & arces, & mœnia, quæ Paulò superius additis propugnaculis. Anno salutis 1542. fuerunt instaurata. in cuius rei memoriam in porta inferiori, quã ad mare patet descensus, à quo vix octo milibus passuum recedit, hoc distichon legitur.

*Cæsare sub Carolo cernis sita mœnia. præstat*

*Hoc tibi Gonzaga prouida cura Ducis.*

Nostra etiam ætate mœnibus alijs, & publicis, priuatisque ædificijs feliciter accreuit:



uit: adeò vt plures 3300. laribus (vt publicis professionum tabulis constat) habitet. potest etiam maiora incrementa suscipere, si in reliqua molis parte, quæ ad Orientem, & quæ ad Austrum vergit, ædificetur.

Nobilissimas habet Diuorum ædes, & *Lycæum* ecclesias: quarum maior, Nicolao Mirreensi Episcopo dicata in primis effulget, sed cuius author præ vetustate ignoratur, sub Alphonso, & Ferdinando Catholico Regibus Sæctis tectis, & lateribus amplificata, & ex ornata est. Sunt ibi trium Illustrium virorum sepulcra, vnum Ioannis Tamagnini Medici, & Astrologi celeberrimi quem Ioannes Aurispa, suo carmine commendauit: Alterum marmoreū, Antonij Carusij domini Inspicæ fundi in Sacello eiusdem sumptibus condito, tertium Nicolai Syracusæ è simili lapide, & idem in Sacello Nicolai liberalitate ædificato: quæ omnia præsulis iussu depressa vetus ornamentum deplorant. Sed quid memorem abiecta hominum cadauera, & derelictos araneis cineres? Continet, & pretiosum Beati Conradi tumulum, qui Netinos aureo munere donaturus iam viuens in Diui Nicolai sibi sepulturam elegit, quam superiori ætate, & peculiari ædificio, & auratis lapidibus in sublimi loco erectam no-



strates honorificētissimè condiderunt. ibi  
hos versus legimus.

*Conradi sacrum est, quod conspicias, ossaq; eodem*

*Hoc veneranda viri contumulata loco.*

*Tercentum Lustris iam se cumulauerat annus*

*Terdenus; fuit his bis quoque iuncta seges.*

Aedes Crucifixi Virginis Mariæ à Castro  
dicebatur olim, vnde sub Iordano Roge-  
rij Comiti filio, qui parentis mandato Ca-  
strum illud molitus est, fundata existima-  
tur. Sacræ tamen Crucis Imagine, quam  
Euāgelistæ Lucæ manibus depictam tra-  
dunt, quamque totus terrarum orbis inuo-  
cat, sub nomine Crucifixi Netini, ob fre-  
quentem populi pietatem iam ad hæc se-  
cula permanentem nomen mutauit, rem  
tamen adhuc seruat. nam & vetusta ibi Vir-  
ginis Imago è solido marmore anno Do-  
mini 1471. opus Francisci Lauranæ, qua  
debet religione colitur, & ipsa Crucifixi fi-  
gura in suum Sacrum ex antiquiori loco,  
qui sub media templi testudine residebat,  
est translata: super quem simul ac pontem  
miro quodam artificio superba Campana-  
rum moles extructa conspicitur, & hoc di-  
stico commendatur;

*Quid iuuat antiquos Asia memorare colossos?*

*Quod stupeant Siculi, prouida Netus habet.*

*Administrantur in hac Ecclesia Sacra-  
menta,*

menta, & à multis diuinis laudibus canen-  
dis religiosè incumbitur. adoratur ibi veræ  
Crucis fragmentum, cognito, vt dicemus,  
à Dalmatio Episcopo rei experimento. Ce-  
lebratur quinto Idus Maij eius solennitas,  
Crucifixi verò festis diebus Pentecostes,  
quando celebres sunt Nundinæ. Sacratum  
habuimus hoc templum, & dedicationis  
dies à Sacerdotibus recolitur: à quo verò  
Pontifice, & qua tempestate nondum cō-  
perimus. Ascripti sunt etiam Sacris popu-  
lo exhibendis in Michaelis Archangeli  
Præsbyteri, & Clerici, qui eius iurisdictio-  
ne, & paræcia continentur. quod sub  
Ioanne Horosco, & Castellano Syracusa-  
no Episcopo, viro quidem non minus lite-  
rarum peritissimo, quàm ecclesiarum, &  
omnium, quæ subditis gubernandis confe-  
runt, prouidentissimo cœptum est. Ibi mar-  
morea Michaelis imago cū paruulis signis  
subtilissimæ sculpturæ opus veneratur.

Sunt, & plura regularium Cœnobია:  
quorum antiquissimum Cisterciensi fami-  
liæ ab Isimbardo Comite, vt dicemus,  
an. sal. 1212. est conditum ibidem eius se-  
pulcrum mōstratur: in quo etiam reliquiæ  
Beati Nicolai Netini Cisterciensis ordinis,  
quarum nonnullæ Thecis argenteis clau-  
duntur, sunt honori. Vetustum est, & am-

plum Neti Diui Francisci templum, vbi  
 nobilissimus quisque sepeliendum se man-  
 dabat. Meminit illius Fazellus, vbi sub Re-  
 ge Ludouico præfectum ex secta Claramo-  
 rana ibidem sepultum tradit, quo tempore  
 Ioannes Landolina Urbem Regi restituit:  
 ibidem ipse Ioannes an. sal. 1358. testatus  
 tumulandum se iussit meminit Bartholo-  
 mæus Pisanus author libri, cui nomen Di-  
 ui Francisci conformitates, anno 1385. vbi  
 de Prouincia Sicilia agitur, ponit: Cœno-  
 bium Netinum sub Prouincia Syracusana.  
 Nobilitatū est Fratrī Ioannis Riccæ Theo-  
 logi Natali, qui cōmentaria in magistrum  
 sententiarum quæ ab Angelo citantur, edi-  
 dit, & sub Rege Martino floruit, habuit sub  
 Alphonso nobilissimos Theologos, & no-  
 stra ætate eloquentissimum perinde ac stu-  
 diosissimum Iosephum Bonasiam: de qui-  
 bus singulis infra suo loco dicetur. Stat  
 adhuc integrum Nicolai Specialis marmo-  
 reum sepulcrum, qui multos annos Sici-  
 liam pro Rege gubernauit. Tradunt non-  
 nulli Fratres minores primò locum elegis-  
 se in conuicinio, cui Porticaliū est cogno-  
 men, sed Diui Antonij persuasu alio tran-  
 slatum esse templū, nempe vbi modò fun-  
 datum colitur. Conseruatur apud hos Re-  
 ligiosos vna ex Christi Corona spina.

Est

Est extra mœnia ad quingentos passus  
 Cœnobiū Fratrum Minorū ab obseruantia,  
 cuius templū perfectū iā est an. Dom. 1451.  
 Perystilia verò, & claustra 1481. extat vtriusque  
 subscriptio literis maiusculis in lapide  
 incisa, alterius in foribus, quā in domos ex  
 æde patet introitus, alterius autem in pri-  
 mo angulo, & columna perystiliorum.  
 Habet Sicilia ex ordinis prouincijs locum  
 vndecimum, hoc autem Cœnobiū in-  
 ter quinquaginta decimumseptimum. an-  
 notatum est vtrunque in Chronicis à Fran-  
 cisco Gonzaga tum Generali totius ordi-  
 nis Ministro exinde Episcopo Cephalœdi-  
 tano, nunc (vt aiunt) Papiensi. & dignissi-  
 mo, qui ad maiora promoueretur. Sed in  
 curia (vt plerique Religiosi testantur) An-  
 tonini à Sancto Angelo tum Prouincialis  
 factum est, vt pleraque memoratu digna  
 omitterentur: imò (quod authori culpæ  
 nonnulli falsò tribuunt) Fratris Antonij  
 Aethiopis tertiarij vita, & mors miraculis  
 Illustris, cuius reliquie in eiusdem templi  
 Sacello quiescunt, Cameratae tribuuntur  
 habetur pulcherrimum Beatæ Virginis è  
 marmore signum, iacet ibidem Frater Do-  
 minicus Laicus Melitenfis, homo Religio-  
 sissimæ vitæ, & cuius multa, dum viueret,  
 miracula, & prædictiones traduntur. Ibi,

vel nobis pueris cognitus diem clausit extremum Frater Archangelus homo vsque ad vltimam senectutem Sacrarum literarum studiosissimus, vir in disputando acerrimus, & in tota Sicilia celeberrimus complura condidit volumina, sed ea tum confusis characteribus scripta, tum monachorum inertia non excerpta non prodire. Iacet ibidem Ioannes Quattrus vir sub Ferdinando Catholico in Regis Aula Clarissimus, vt qui multos annos fuerit Epistolarum Magister, cuiusque in Regni Constitutionibus crebrò nomen subscriptum legatur. Suos huic Cœnobio libros legauit: adaucta est subinde Bibliotheca Archangelii, & aliorum Theologorum voluminibus, quæ inter plenissimas haberetur, nisi plurimorum cupiditate, vel potius sacrilegio, & cœnobitarum negligentia lectissimi quique libri fuerint asportati: quorum tamen nonnulli pontificio anathemate restituuntur. Ornatissimus est Diui Domini Conuentus, de quo Sanctus Antoninus suis in historijs meminit, & nonum ex Siculis locum attribuit: multorum Theologorum, & Prouincialium Natale domiciliũ, in dies patrum virtutibus, Sacris Imaginibus, & excultis ædificijs accreuit. Et quamuis eius mentionem inueniam iam ab an-

no Dom. 1344. in actis Nicolai Carobeni,  
& multò antè constructum esse nulli sit du-  
bium: maior tamen eius porta, opus artifi-  
ciosæ structure, vt super quam Campana-  
ria Turris, & ea non parua, sit ædificata, cõ-  
dita est authore Nicolao Marino, anno sa-  
lutis 1399. altera verò, quæ nunc est clausa,  
quam maiorem veteres appellant 1395. pa-  
tet ex super liminarium super inscriptioni-  
bus. Ibi Rinaldus Sortinus, qui Messanen-  
sium fuit Strategus tumulatus iacet: ibi  
stat adhuc marmoreum sepulcrum, politif-  
simè, exculptum: vbi hoc epithaphium le-  
gitur, D. Opt. M. Beatrix à septimo, atque  
Landolina Priorum Principum liberalita-  
te, optimis parentibus suis in equestrem  
ordinem titulumque Cammaratini, ac Mi-  
selini succedens, Ioannellæ dulcissimæ fi-  
liæ heu superstes Mater sibi quæ, ac poste-  
ritati. Vixit filia an. xxiiij. mens. vnum, dies  
xvj. eodem ferè die cum quatrienne filio  
rapta hic humanatur. M. D. xxiiij. Continet  
insignes Diui Blasij, & aliorum Sanctorum  
reliquias. Sunt, & in Vrbe Eremitæ sub Di-  
ui Augustini regula militantes: quo tamẽ  
tempore Ecclesiam hanc inceperint, non-  
dum exploratum habeo: illud nostra æta-  
te vidimus, inferiorem locum destituisse,  
& paulò superius in collis vertice, vbi anti-  
quus



cinitus Diui Mauri, & mox Beatæ Virginis  
ab Antro ædes extitere, confedisse. Sunt, &  
Carmelitæ intra urbem nostra. tempestate  
in vetustum Diui Martini templum rece-  
pti. namque an. salut. 1586. mense Iunio,  
translata est imago Deiparæ Virginis, à fre-  
quenti populi pietate venerata, dirutis iam  
ædificiis ædibus, quibus à gratia extra mœ-  
nia fuerat cognomen, quanquam superio-  
ritate Iacobo Apostolo dicatis: Vnde sub  
Rege Martino nundinarum celebritate co-  
lebantur. Demum anno Christi 1553. Re-  
gulares, qui vulgò Capuccini nuncupantur,  
apud Netinos sedem sibi elegerunt in Ma-  
ria à pietate, authore Fratre Ludouico Ne-  
rino Ministro Prouinciali: cœli tamē gra-  
uitate, & noxijs subiacentis amnis vaporibus  
mutatis domicilijs eò loci sunt rece-  
pti, vbi Manfredi Alagonæ Castrum inha-  
bitatum squallebat qui fuit annus à Virgi-  
nis partu 1584. in ostij super liminari hoc  
Petri Boreæ carmen omnium temporum  
compendium exhibens est incisum.

*Hactenus extiterat castrum, mox antra malorum.*

*Ecce Cœnobium fratrum nunc domus ara Dei.*

*Ille Comes Motycæ sceptri grauitate retenta.*

*Hoc statuit superis, vrbs tamen auxilij opus.*

Monialium Monasteria sunt multa, quo-  
rum nobilitate, vetustate, ac opibus ceteris

*eiusque*

*præstat*

præstat Sacratissimi Seruatoris quod olim  
 erat sub vocabulum Sanctæ Catharinæ, in  
 eius claustris, & ædibus situm: loci verò  
 angustijs, & Dominicanorum Regulariū  
 propinquitate translatus est, in ædiculam  
 Seruatoris: Vnde nunc cognomen habet  
 fundato tamen sub eodem titulo ampliori  
 templo, adiuuante in primis violanta Ca-  
 ramanna, translatio fuit circiter annos Do-  
 mini 1450. consecratum est ab Antonio Fa-  
 netto Archiepiscopo Nicosiensi 1464. 18.  
 Cal. Martij erat adhuc Sæctimonialibus præ-  
 fecta soror Antonia Specialis, quæ multo  
 superioribus annis rexerat iam inde à Di-  
 uæ Catharinæ sedibus. Eius enim nomen  
 in Basi Imaginis Diui Benedicti legitur in-  
 scriptum, an. Do. 1443: quin ad annos 1470  
 eandem præpositam lego. anno salu. 1564.  
 peractum est maximum illud cubiculum,  
 quod dormitorium nouum vocant, præfe-  
 cta sorore Archangela Ioāpicciula. Secun-  
 dum à Seruatoris est Monasterium Diuæ  
 Claræ, cuius tamen authorem exploratum  
 non habeo. A Ferdinando Catholico, dum  
 adhuc fabricæ indigeret, adiutus est, & cer-  
 ta pensione annua donatum. fuit eius tem-  
 plum consecratum à Iacobo Humana, epi-  
 sce Netino, Episcopo Scuterenfi dec. mo  
 Cal. Martij, hoc procurante Antonio Caru-  
 si



fio domino oppidi Inſpicæ fundi, & Albi-  
ræ Patre tunc eidem Monafterio præfe-  
ctæ. ſub eadem completum eſt nouum  
dormitorium; quod duobus angulis ab  
exteriori pinna protenſum ſub altero hoc  
Sigifmundi Cappelli diſtichon habet.

*Albira æternis poſt ſtruſta palatia Diuis.*

*Hæc quoq; Virginibus teſta, domoſque dedit;*

*In altero verò.*

*Albira antiſtes largo caruſia ſumptu*

*Hoc pia, quod ſpectas nobile ſtruxit opus.*

Rexit eius moniales cum maxima San-  
ctitatis admiratione Soror Thomasia Cap-  
pella æquè virtutibus, ac ſanguine nobilis;  
cuius cadauer adhuc integrum perdurat,  
Iam ab an. ſal. 1433. in actis Iacobi Cana-  
rellæ eius mentionē inuenio veneratur pul-  
cherrima B.V. marmorea imago. Tertium  
Monafterium ſub vocabulo Annuntiatel-  
læ, vulgò Abbatia noua, quod Patrum no-  
ſtrorum memoria edificaretur, appellatur,  
opibus Ioannis, & Bernardi Vrſorum Fra-  
trum extructum Ioannes enim teſtatus iuf-  
ſit ædes ſuas in Monafterium ſub Sancti Be-  
nedicti ordine, & Beatæ Virginis ab Annū-  
tiatione titulo erigendas mandauitque (ſi  
per præſulem liceret) vt Brigida Caietana,  
aut Conſtantia Alagoniā eidem Sanctimo-  
nialium Cœnobio præficeretur, quod cum

vtraque

vtraque recusaret: electa est Beatrix Bernardi Vrsi Filia, quamvis legitimo matrimonio non suscepta, quæ inter Diuæ Claræ Monachas, quamvis tertium lustrum non excesserit, professionem emiserat, & mutato de more nomine Soror Victoria appellata, Coram Albira Carusia eisdem præposita tertio nonas Iulij, an. Dom. 1518. Leo autem Decimus indulgit, non obstante Natalium defectu. Victoriam ipsam in Abbatissam (liceat his nominiibus vti) eligi posse. Datum est diploma Romæ, an. sal. 1519. 6. Cal. Decem. vidimus eius professionem plumbeo sigillo munitam. Mortua verò est quinto Cal. Ianu. 1589. cuius tumulum Franciscus Ioanrhomafius hoc epitaphio exornauit.

*Bis septem Vrsaregens soror hic Victoria lustris*

*Prima monasteri præsul, & author adest.*

Quartum Sæctimonialium Cœnobium à Monte Virginum cognomen assumpsit, nec immeritò. Vigent enim ibi honestissimæ omnium, & diuinæ legis obœdientissimæ Virgines, quæ à Diui Benedicti institutis, & Bernardi cultu ne latum quidem vnguem discedentes in contemplationis Montem Celeri gradu feruntur, & euidentis charitatis vinculo connexæ omnia habent communia, cælestemque Montem felicissimo progressu

progressu conscendunt. Aleonoræ Zarbaris opibus est extructum: quæ Petro Caietano Tripis, & Xuthini oppidorum domino nupta, absq; liberis decedens Xuthini pridie Idus Febr. 7. Indit. 1567. testata legauit, vt ex Aedibus suis, quas olim Neti habitarat, in quibus, & nata est, Monialium Monasterium ædificaretur sub Montis Virginû appellatione: eidemq; centenâ aurivncias singulis annis ex eo prouentu, quem Menei exigebat, assignauit coeptum est sub Ioanne ab Arze Episcopo Syracusano 6. idus Maij an. sal. 1570. habitari fuit prima eius Præsul Soror Seraphina Caietana Syracusana nostrates autem virgines 9. Iunij illuc ingredi coeperunt: sed à maligno quodam spiritu agitatae, qui nocturnis, diurnisque laruis erat horrore, coactę sunt mutare sedes, & in locum, vbi nunc habitat, quinto nonas Iulij an. sal. 1585. altero Ioanne Horosco Anistite permittente demigrarunt. Anno autem Domini peractum est Monasterium cōuersarum, quas Repentitas vulgò nuncupant, opus collectis ciuium eleemosynis fabricatum, & breui Ioannis Maccæ Sacerdotis nulli probitate, & pietate secundi, qui iuueniles, senilesq; annos in piorum operû studijs exegit, ad apicem perductum. Illustrissimi nostri Præsulis Ioannis Castellani, cuius

ius in extruendis, regulariq; disciplina insti-  
tuendis Monasterijs opera vigilantissima  
conspicitur, permissu ingressæ sunt primò  
moniales, tertio Calendas Decemb. anno  
prædicto. Conditum est iam Monasterium  
Sanctæ Mariæ ab Angelis, & ædificio planè  
exactum: sed à virginibus nondum habi-  
tatur. Sunt etiam plurimæ minoris nomi-  
nis ædes intra Urbē, & extra moenia, quas  
tacendas arbitror: illa tamen vna nō præ-  
termissa, Helix inquam, quæ superba, &  
vetusta mole, quāvis exiguo sub loco nulli  
in Sicilia cedit. immanibus enim. eisdemq;  
quadratis saxis fundata est, fama est à pri-  
mis insulæ huius colonis, vt illinc Pachyni  
littora prospicerent, superimpositis sine cæ-  
mento saxis ædificatam. ea modò sub  
Helix Prophetæ auspicio colitur. quam-  
obrem nostrum in lapide incisum hoc di-  
stichon legitur.

*Quæ fuerat quondam moles operosa gigantum,*

*Captus in hac viuens Helias adecoli.*

Habet arcem ab Isthmo munitissimam,  
quæ à Iordano Rogerij Comitis filio cum  
Diui Georgij æde constructa est. in eadem-  
que Dux Petrus turrim maiorem erexit,  
de qua suo loco, a Manfredo etiam Alago-  
na altera arx ab inferiori Urbis parte funda-  
ta est, in quam nostra ætate Capuccini sunt

*Arce*

*See map**Ager**Land**Survey**Pyramid*

recepti. Urbis stemmata sunt crux candida  
 in purpureo campo. Ager Netinus patet  
 circuitu circiter passuum milibus 70. trigin-  
 ta quidem mari ambiuntur tum Ionio, tū  
 supra Pachynum Lybico, cætera autem  
 montanorum oppidorum limitibus clau-  
 duntur. Sunt in Netino octoginta fœuda,  
 quorū sexdecim sunt reipublicæ, quatuor  
 Regiæ Abbatix ab arcu, cætera verò alio-  
 rum dominorum. Sunt & plures turres,  
 quarum vna est Reip. ad Pachyni fauces si-  
 ta illius custodię fabricata. à Draguto Ma-  
 gni nominis Pyrata diruta fuit an. sal. 1562.  
 sed longè firmior à S. P. Q. N. intra tres an-  
 nos erecta. Altera identidem Regia est ad  
 portum Puniceum in sinu Macharensi pp  
 emporij emolumēta, sub Duce Petro 1346.  
 incepta, Philippi demum Regis mandato  
 perfecta an. sal. 1584 tertia est Stampace sub  
 Rege Ludouico à Blasco Alagona funda-  
 ta 1353. Sunt totidem vetustissimæ Pyrami-  
 des vna montana propè turrim ab hedera,  
 vbi Neam veterem sterisse tradūt: altera pro  
 pè ostium Assinari fluminis à Syracusanis  
 condita, vt scribit Plutarchus propter victo-  
 riam in Athenienses habitam: tertia ad Elo-  
 riæ amnis ripam, victoriæ argumentum, quā  
 do Hippocrates rex Gelenium Siracusanos  
 fregit, annis ante Christum natum circiter

640. Hæc autem in Saculino feudo olim fita ruinam fecit.

Et quoniam hic ager innumeris, eisdemque dulcissimis fontibus irrigatus, clarissimis, fecundisque amnibus intersectus, omnigenis, gratissimisque arboribus copiosus, solo ferax, cœlo saluber, auicularum concentu suavis, mellifluis apibus celeberrimus, pecudum diues, cæterisque humano victui, & vestitui necessarijs abundans plene à Fazello describitur: ne cui inuido videar mentiri, patrieq; blandius æquo adulari, nevè sua laude diligentissimum hominẽ fraudemus, illius verba placuit in medium afferre. Cacyparis (ait) fluvij ostium sequitur Thucydidi lib. 7. quem Hasibilem Sarracenicè hac tempestate vocant. paulò post (sequentia enim ad Netinum pertinent.) Oritur Cacyparis fluvijs non longè à Palatiolo oppido ex fonte, cui hodie Bauli est nomẽ: vnde delapsus augetur ex fontibus Anillũ, Arcu, Baiduni, & Bellæ, auctusque Manghisi nomen suscipit, vallemque deinde ingentem (quam hodie cauam grãdem vernaculè vocant) proscindens ex pluribus etiam fontibus, qui in ea iucundo aspectu scatent, quorum complures hodie terra absorbentur, sed olim per aquæ ductus, quorum vestigia clara visuntur, in eundem Sy-



racusanum deducebantur agrum, incrementa suscipit: atque percurrens Hasibilim arcem inter angustias rupium dextera sui parte alluit. paulò post. Proximum deinde est Affinari flu. ostium Thucyd. libr. 7. & Plutarcho in Nicia, Falconara hodie, sed intus Noti appellati, Syracusanorum mira contra Athenienses victoria insignis, Thucydidi, Diodoro, & Plutarcho. Ortum habet ad latius occidentale Urbis Neti in Valle, quæ urbem munit, ex fonte magno, cui vernaculè fontana grandis, hodie est nomē, vnde adeò affluenter erumpit, vt continuò fluuium gignat, qui ad voluendas molarum rotas tantis impetus ferat. Ad paucos deinde passus incrementa suscipit, è fonte Guadarrumo: vbi & Notensium Coriariorum sunt officinæ: & ad quingentos postea passus augetur ex Gintuardo fonte, nec adeò inde procul aquas fontis Nucifori recipit. Tot itaq; fontibus abundans plurimas habet frumentarias molas, troctasque etiam præbet & anguillas sapidissimas, atque ad hortis, & domesticarum fructuum

dat: ex

ciunt

iectis

Pos

verbo  
sacell.  
17 p. 27 f. 33.

dirutum Castellū tota ferme littoralis ora,  
 quæ ad p. m, 4. extenditur, Lauphis hodie  
 vulgò dicta, clamorosa est ob id, quod ex-  
 sas habet speluncas, & asperas concauitates  
 in quas Flante Euro, atque Africo frequēti-  
 bus procellis delata maris tempestas refrin-  
 gitur, ac refracta maximum edit fragorem,  
 & quandoque tonitruī similem. Hinc Elo-  
 rum amnem non alia ratione clamorū  
 lib. 14. appellat Silius. Vbi Lauphi clamoro-  
 sæ specus desinunt; locus est m. vix p. à ma-  
 ri recedens, Muri vcci roccari, à domino lo-  
 ci vulgò vocatur: vbi ingens, sed iam pro-  
 strata vrbs, quam à theatris, quæ ibi ætate  
 paulò superiori extabant, quorumq; adhuc  
 fundamenta cernuntur, Coliseum, & San-  
 ctum Philippum vulgò appellant, Valle nō  
 nihil depresso cincta, & mille passus habens  
 in circū. Cuius tametsi moenia ia-  
 centia sunt, & olivæ, & maximis lapi-  
 dibus ædificiorumq; me-  
 mora. Cuius tamen nomen, (siquidem  
 agro ab auctori-  
 vel ob id fortasse  
 am posuit, quam-  
 Civitatem appel-  
 cinā sequitur eius-  
 Plinio) incertum  
 B 3 mihj



mihi est. Nam si scriptores insignem hanc urbem, & non longè à mari olim stantem præterijissent, iure omnes repræhèdendi forent. Hinc Syracusas vsq; via erat antiquitus plano lapide strata, quam Elorinam appellabant, Straboni iuxta mare lacus est. Gurges Lauphi vulgò dictus: à quo non longè abest Pyramis orbicularis, & in acutum surgens, quadratis, & eis ingentibus lapidibus structa cui nunc Turri pizzutæ nomen accessit: Lapidicinæ Elorinæ ad iactū lapidis à mari recedentes statim sequuntur: & mox Elorus Castellum Plinio, prorsus iacens, ad littus occurrit, tricentos in ambitu fermè passus olim habens. Cuius ruinæ, & si pro magna parte sub terris, toto circuitu hodie videntur. Vbi turris est, cui sta in pace vernaculum nomen obuenit, à Blasco Alagona, Mistrettæ olim Comite suis ad apicem circumqua; insignibus memorabilis an. sal. 1353 excitata. Ad occidentem verò, & meridiè Cæsaris piscina adhæret, multis adhuc vestigijs clara. Gradus nanque in viua ipsa urbis rupe excisi, quibus Elorin; ad Scaphas simul, & piscinam descendebant; aquæductus præterea solo excavati, quibus ex Eloro fluuio in piscinam aquæ deducebantur, integri adeò adhuc sunt, ut quàm facillime etiam nunc in eam reduci possint.

possint. Hanc piscinam à Cæsare factā lib.  
 32. ca. 2. his verbis Plinius testatur. Et manu  
 vescuntur pisces in pluribus quidem Cæsa-  
 ris Villis: sed quæ veteres prodiderūt in sta-  
 gnis, nos in piscinis admirati in Eloro Sici-  
 liæ Castello, non procul à Syracusis. Hæc  
 Plinius. Hinc Elorum arcem ad iactum sa-  
 gittæ plano, atque arenoso itinere Elorus  
 fluuius, & eius ostium Virgil. Ouid. Plin. &  
 Stephano sequitur, Abisus hodie vulgò di-  
 ctus, qui per p. m. ad ostium vsque adeò le-  
 ni, ac placido tramite incedit, vt stagni in-  
 star vix loco moueri videatur. Hiernalibus  
 quoque imbribus clauso ostio maris flucti-  
 bus adeò frequenter excrescit, vt agris mo-  
 re Nili superfundatur, stagnetq; vnde pin-  
 guescunt plurimum. Qua ratione 3. Aen.  
 Vir. Exupero (inquit) præpingue solùm sta-  
 gnantis Elori. Hinc ad vtranque ripam tri-  
 tici, lini, cannabis, ac domesticarum arborū  
 feracissimus est. Scribit lib. 8. ex Apollodo-  
 ro Athenæus, & ex supra citatis Plinij ver-  
 bis compræhenditur quibus, & vsus suffra-  
 gatur, in hoc Eloro Fluuio Cicurum, hoc  
 est mansuetum genus piscium, qui mugiles  
 sunt, reperiri, qui in clamati accedere, & ex  
 porrigentis manu capite extra aquas pauli-  
 per erecto, placidissimè cibum capere con-  
 sueuerunt. Sunt, qui hunc amnem Olorum

appellent, quòd in eius ostio Olorum multitudo frequentare soleat. Enim verò ager hic Elorinus, vel hac etiam etate, prospectu & terræ, & maris iucundissimus, ac venatu, aucupio, piscatuq; Fluviali, ac Marino gratissimus est. Quem quoq; ob varietatē Florum, avium concentum, loci amœnitatē, & planitiem semper virentem, Eloria tempe, quòd quasi perpetuum ibi sit Ver. lib. Fa-  
 storum 4. appellat Ovi. Insignis fuit hic am-  
 nis Chromij generi Gelonis, qui socerū ad-  
 iuvans hic Carthaginienses fudit (vt in Ne-  
 meis Pindarus, & eius Scholia ex Timæo re-  
 ferunt) & Hippocratis, qui iuxta eum Syra-  
 cusanos superavit, & cœpit memorabili vi-  
 ctoria. Oritur non ex Pachyno Promonto-  
 rio (vt Strabo, & plures veterum scribunt)  
 sed inter Cerratani, & Palatiolum oppi-  
 da ad latus Orientale Cerratani Montis ex  
 Gallo Fonte, & augetur à Fonte Chiappi,  
 & à Fonte Ilcis. Dilapsus deinde Atellari,  
 nomen vsq; ad Bayhachemum Pontem su-  
 scipit, retinetq;, ac ad p. m. 8. sub arce Ren-  
 dæ ex Fluvio Bilemisi, ex agro Grampolo  
 in Valle servorum oriundo, incrementa re-  
 cipit, & excurrentes in loco, cui Saccollino  
 est nomen, ad dexteram ad iactum lapidis  
 amidem relinquit orbicularem vetustis-  
 simam, visuq; nobilem ex quadratis lapi-  
 dibus

dibus erectam. Sed paulò post ad dexterā dirutum Hadedi; Sarraceni nominis oppidum, & super colle eiusdem nominis sepulcra frequentia: ad sinistram verò in loco aliquantum edito, cui Ioie est nomen, plures relinquit veteris habitationis ruinas: & desluens pontem ipsum Bayhachemum, qui eius ripas vtrique colligat alluit: & inde neglecto priori nomine Abisus appellatus ad passus ferè mille lenissimo, ac subaquaneo cursu in mare illabitur. Post fauces Elori fluuij p. ferè m. pyratarum est statio, fundus Muscarum cognominata, atque vterius ad p. 1500. altera est statio, quam porticellum vocant: cuius littori fons proximus Buhutus, Sarracenicè dictus aquam laxandæ aluo vtilem eructat. à quo deinde ad passus quingentos lapidicinæ (perreriæ hodie dictæ) sunt, quas Macharentes fuisse, & saxa construendæ, conseruandæq; Macharæ vrbi non procul inde distitæ vetusto tempore suppeditasse neutiquam est ambigendum. Et totidem passuum interuallo salina 2. p.m. ambitu Caudalupi cognominata distat, in qua effuso mari sal gignitur. & paulò inde longius altera salina, ampla quidem, Ruuettus appellata instat, quæ peninsulam quādam efficit. Ad cuius ostium Phæniceus Portus est Ptolomæo, Nauſtathmus Pli.

Plinius. Vindicaris hodie dictus, Macharen-  
 sis proculdubio olim sinus, quem eiusdem  
 nominis insula quingentorum passuum cir-  
 cuitus progignit, quam illi ab Austro, Afri-  
 coq; ad tutelam natura obiecit. Vbi & fru-  
 menti emporium, licet ignobile, & Turris  
 recentis ad eius custodiam à Petro Arago-  
 nio Alphonfi Hispaniæ, & Siciliæ Regis Ger-  
 mano Fratre, & Neti olim Duce structura  
 eleganterectæ imperfectum extat opus.  
 Vindicari portui ad occidentem, & in ea,  
 quam Ruueti Salina facit, peninsula, Ma-  
 chara vrbs Ciceroni in Verrem, Ptol. & lib.  
 3. Plinio, miris lacerata cadaueribus ad iac-  
 tum fundæ imminet, & à Netinis, & Villi-  
 cis eius agri accolis, & senioribus, ciuitas  
 Macharis incorrupto adhuc eius nomine,  
 sed vulgò Cittadella appellata. Vnde etsi  
 neque à quo diruta sit ex græcis, latinisque,  
 quos hætenus vidimus, authoribus cõper-  
 tum habeamus, soloque nomine à Plinio,  
 Cicerone, Ptolomeo attracta sit: hanc ip-  
 sam tamen semirutam Macharam esse no-  
 men ipsum, & Urbis, & sepulchrorū, quod  
 hucusque perseuerat incorruptum, liquidò  
 demonstrat. Erat autem eius ambitus (pro-  
 ut clare ex eius vestigijs constat) p. m. &  
 quingentorum, habitabaturque non mo-  
 do ea Peninsula, sed & depressus ille, & sub  
 iacens

iacens locus, qui iactu lapidis à portu distat  
vt antiquitatis monumenta confirmant. Vi  
suntur tota vrbe plurima ædificiorum tum  
priuatorum, tum etiam publicorum vesti-  
gia semidiruta passim obuia, viæque, vt la-  
tæ, ita & proportionē longæ. Templum est  
in ea orbiculare, & testudinatum prisco  
ædificio ex quadratis lapidibus elaboratū,  
adeò adhuc integrum, vt non vetustum, sed  
Christianis temporibus, Seruatori, cui nūc  
inseruit, extructum esse videatur. Fanū itē  
est alterum eiusdem penē formæ, sed vetu-  
state collapsum: balneæ quoque antiquæ  
architecturæ in ea, quæ ab imperitis tem-  
plum fuisse censentur. In medio etiam Vr-  
bis specus longissimæ, & pro tractus ratio-  
nē latæ, vijs, & frequentibus vtrinque sepul-  
cris distinctæ non sine voluptate conspiciū-  
tur, quòd subterraneæ quasi Ciuitatis spe-  
ciem præferunt. Extra moenia verò ad  
passus ferè mille occidentem versus specus  
sunt aliæ ingentes, & eodem penē modo  
in rupe excavatæ, quæ ab accolis hodie,  
Gruttæ Macharis appellantur, tumulorum  
frequentia insignes, & totidem passibus ad  
meridiem refugiens collis depressus ab vr-  
be distat: ad cuius verticem alia multa Ma-  
charensum sunt sepulcra, passim terræ ex  
quadratis, & miris lapidibus constructa. an-  
tiqui-



tiquitates herbæ blancæ vulgò hodie dicta, quæ speciem oppidi longo tractu iacentia præ se ferunt. Ager Macharenfis, qui Ciceronis tempore totus erat frumentarius, vt in Verrem ipse testatur, hodie ob id maxime, quòd Colonis ea Regio tota deserta sit vepribus plenus, & incultus, pluribusq; extra Urbem ad dexteram veterum Vicorum ruinis horridus conspicitur. Macharam Urbem, & eius portum, ad 4. p. m. statio Saracenici nominis sequitur Marzamenus: vbi duæ eiusdem nominis sunt insulæ. Supra quam paruo interstitio occidentē versus iacentis oppiduli, & interiùs in agro, cui Burgio est nomen, loco præsertim quē Misitellum denominant, à littore p. m. 2. sc. moto complura priscae habitationis cernuntur cadauera, à quibus ad lapidis proiectū ædes abest magnis excita lapidū molibus, columnitque, & fornicibus subnixa, Diuo Andreæ hodie dicata. Nec ab ea procul cōfusa prostrati oppidi viscera calcantur. Vbi ædicula Diuo Basilio Sacra, & deinceps tumultus est Diuo Hyppolito cognominatus: circa quem nihil integrum, sed iacens solū oppidum: cui vicinum est fanum vetustate celeberrimum, cuius tectum dumtaxat desideratur, Diuo hodie Laurentio consecratum. Sub quo ædes latet subterranea, testudinei

dinei operis columnis suffulta. huic fano vastæ, sed vsque ad fundamenta dirutæ vr-  
bis, quæ tota nunc aratur, præclara hærent  
vestigia. Aqua 400. ferme passus alterius  
magni prostrati oppidi admirandæ adsunt  
ruinæ: vbi & Diuo Petro nuncupatum ex-  
tat tēplū ita totus hic ager, qui quatuor vix  
producit m. latitudine, veterū operū mo-  
numentis partim integris, partim semiru-  
tis, partim verò in rudera contritis, pro ma-  
xima parte occupatur. Quorū quæ dignio-  
ra sunt, Diuo Laurentio, & Diuo Petro, ve-  
terum nominibus prorsus obliteratis, in-  
scribuntur. Sed ad littus redeo: post Marza-  
menum farinae pyrataram statio occurrit,  
& specus apud inanes opum quæstores, fos-  
soreſque per celebris, ac demum ad radices  
Pachyni Moriella est salina: in qua ex im-  
bribus congregatæ aquæ æstuante sole in-  
salem concreſcunt. atque ita orientali clau-  
so Siciliæ latere, meridionale nunc aggre-  
diamur.

Pachynus ex tribus Sicilię promontorijs  
secūdum p. m. post Moriellam in sublime  
furgit: Vbi statim turrin habet, speculam  
mari prominentem. Vnde dictum longè,  
lateque duorum ferè miliarium spatio ad  
austrum in mare diffunditur, ac ibi demum  
paulū depressum ad orientem percurrit.

Cuius



Cuius quidem peninsula sexcentorum duntaxat passuum circuitum complexa tota petrosa, aspera, altisq; prærupta est cauitibus, isthmumque angustissimum viginti vix passuum habet. Quo fit, ut brumali tempore tumefcente mari, & fluctibus utrinq; sese obuiantibus in insulam plerunque habeat: Peloponnesum, Græciamque prospectat, à qua pass. m. paulò plus 400. distat. Nomen habuit ab aeris crassitudine (pachys, enim crassum significat.) qua nostra quoq; ætate eius frequenter ager tegitur. Cuius hodie nominis vix vna, aut altera retenta littera, mutato veteri prorsus nomine, Caput Passalum, vernaculè dicitur: ea fortassis ratione, quòd mare, quod hinc ad Melitam usque insulam centum ferè miliarium intervallo interfluit, (Cicerone 6. in Ver. teste) periculosum est. Nam cum ex Messanensi freto mare persæpe ad Pachynum concitatori cursu, quàm ad alia regionis huius littora peruoluatur, discrimini præternauitibus solet esse, & formidabile. Ad orientem nullus ei fidus est sinus: sed quàm meridiem respicit, ad Isthmi littus stationem habet, quam Cic. 7. in Verrem, Pachyni Portum, sed vulgus hodie Longobardum nūcupat, triremum tantum, paruorumque nauigiorum capacem: qui fauces multis reflexibus

bus tortuosas, & ob id obliquū difficilemq;  
ingressum habet. Mare ibi Thynnis, Echi-  
nis, Conchis, & omnibus mari nantibus na-  
tura pisculentissimus est Solino: sed hodie  
cūm deserta sint littora, & Colonis careāt,  
nobis in foecundum apparet. Portui Lon-  
gobardo prostrata hæret vrbs; passus ferè  
mille habens in circuitu, in qua nihil ædifi-  
cij cernitur, vel pulchrum vel integrum:  
sed iacentia solū antiquitatis vestigia, ru-  
dia, inelegantia, & coaceruata passim prote-  
runtur. Aedicula duntaxat non longè ab  
Isthmo semiruta extat, Diuo Ioanni hodie  
appellata, & extra urbem ad occidentē pri-  
scorum more in rupibus incisa sepulcra re-  
manserunt. Sita erat hæc vrbs in plano, eiuf-  
que longitudo ab Isthmo ad rupem vsque  
acutam, vernaculè Pizzutam hodie dictā,  
maris fluctibus ablutam, quæ iucundissi-  
mum in Pachynum, quem inde, quasi pictu-  
ram, discernere est, prospectum præbet.  
Hanc Motyen olim fuisse Pausanias lib. 3.  
his verbis scribit. Paulò post (nam omnia,  
quæ de Motye subiungit, omittimus opinā-  
tes illa potius ad Motycam pertinere.) A  
Motye vrbe diruta ad p. m. 2. statio quæ-  
dam occurrit, Alge, superiori ætate, sed ho-  
die Palorum portus appellatus, paruorum  
nauigiorum capax, cui ad totidem p. m.  
pro-

proxima est paruula quædam insula à litto-  
re 50. passibus recedens, Currentum insula  
dicta vbi mirum quoddam aliquando cer-  
nitur, quod & alijs Siciliæ locis notasse me  
memini. ante Solis nanque exortum dimi-  
cantium hominum, & classium imagines  
in aere conspiciuntur, quas paulò post illu-  
cescens sol consumit. Intus nonnihil ab ora  
se motum stagnum est à Comite Henrico  
cognominatum, ex pluuijs aggregatum,  
quod æstate in sal inarescit, cui & salina  
alia Dauila nuncupata ad mille passus suc-  
cedit, quam post duo circiter miliaria Salina,  
quam mucaxerum vocant, subsequitur  
interius ab ora p. m. 2. vetustæ vrbis p. m.  
ambitus reliquæ magnæ extant, quæ quòd  
testudinatam adhuc adiculam habet, cubâ  
appellant. Ad oram reuertenti ad quingen-  
tos passus alia quoque Salina occurrit Lon-  
garina nomine, rursusque introgresso ad  
passuum m. 2. locus cognomento Ramun-  
dinus, apparet, vbi diruti oppidi reliquæ  
spectantur.

Ad littus post Longarinam p. 500. sinus  
est ingens, cui Marza Sarracenicè, (quod  
Portum sonat latinis) est nomen, Odyssæa  
Ptolomæo, Edissæ Portus Ciceroni in Ver-  
rem 7. dictus, nauium capax, à cuius ora  
paululum recedit eiusdem nominis Salina.

Ad

Ad occidentale huius sinus promontoriū,  
 quod ad mare meridiem versus excurrit, in-  
 signis vrbis disiectæ ambitus mille, & quin-  
 gentorum passuum in præclarissimo, iucū-  
 dissimoque situ extāt monumenta, arcisq;  
 ad extremitatem à mari percussæ, ædiumq;  
 veteris architecturæ in subterraneis simul,  
 extantibusq; locis vestigia. Quibus & si cele-  
 brem olim fuisse ciuitatem satis argumen-  
 ti proferatur, quo tamen nomine apud ve-  
 teres steterit, affirmare quidem nihil audeo  
 suspicari verò Euboeam à Leontinis ad me-  
 ridionale latus conditam Straboni, vel Cal-  
 lipolim fuisse, nihil vetat. hodie autem ab  
 arce diruta Castellatium appellatur. Hæc  
 Fazellus, quæ intra Netinos limites conti-  
 neri nulli est ambiguum. Adijcienda quedā  
 alia essent, vt de Anco amne, qui Cardinalis  
 est hodie, cuius Vibius Sequester meminit:  
 & de alijs fluminibus, & fontibus, quorum  
 huberrima est apud Netinos copia, quibus  
 & fecundissimæ arbores irrigantur, & pan-  
 ni lanei, quorum maximus est quæstus, nā  
 ad centum vlnarum milia quotannis Neto  
 aliò exportantur, balneis astringuntur in of-  
 ficinis, quæ à re ipsa paratoria nuncupantur;  
 adijcienda querceta, & alia nemora odorife-  
 ris plantis, & sapidis fructibus affluentissi-  
 ma, quæ alijs etiam locis impertiuntur: inter

quæ memorabilior occurrit, quoniam in tota Sicilia non est secunda, ampla quædam regio 4. ferè p. m. ambita, in qua tanta arborum copia nascitur, licet hac ætate ob vineas ferendas plurimæ sint stirpitus euulsæ, ut omnes huius generis plantas huc natura congregasse videretur: non omittenda esset agri fertilitas, quam Petrus Ranzanus in sua Panormitana historia his versibus commendat:

*Et placuit Netum fecundis nobile terris. fl. 207.*

*Urbi certè claris nobilitata viris. fl. 208.*

Describendi essent, & copiosi fontes, qui salubribus undis ex Runede quatuoriam lapide ab urbe recedente deductæ mediam urbem interfluunt, & rigant, sed breuitatis causa cæteris omissis ad historiam ipsam enarrandam me conféro. Sed hoc vnum in calce subiunxerimus, quod fortasse potiorum locum habuisset in capite: Netum à Prologo in septima Europæ tabula sub longitudine gr. 38. 20. latitudine vero 37. 26. (quamvis codicum diuersitas hoc variet) collocari.

VINCEN:

DE R E B V S  
35  
VINCENTII

LITTARAE

DE REBVS

NETINIS.

LIBER.



**D**E Neto Sicularum urbium,  
& vetustissima, & inuictissi-  
ma (vt quæ vi capta legatur  
nunquam) locuturis à Siculo-  
rum aduentu, à quibus cum  
plures vrbes extructæ, tum in  
sula nomen est inditum, libuit  
auspicari; quò facilius ingeniosissima nostræ pa-  
triæ originem, & ætatem possimus agnoscere. Quã-  
uis autem in subducenda temporis ratione pluri-  
mum inter se dissentire veteres historici reperian-  
tur, certissimum tamen est, Netum inter primas  
ciuitates à Siculis constructum, & Sicularum ha-  
bitaculum semper extitisse, referemus, quæ his de  
rebus probatæ fidei authores Græcis latinisve lite-  
ris tradidere: Et quantum nostra valebit infirmi-  
tas, quæ veritati propiora à prudentibus iudican-  
tur, in his, quemadmodum, & in reliquis agendis,  
asserere nitemur. Constat quidem vñanimitati omniũ  
scriptorum consensu primos Trinacriæ incolas fuisse



se gigantes, quos, & Cyclopes, & Lestrygonēs, & Antropophagos nominarunt: hos subsecutos esse

*Sicani* Sicanos, ut mitius, ita utilius hominum genus: ut quibus excolentibus, agri Siculi fertilitas clarissima sui ipsius præstiterit experimenta: hinc Siculos, quos paucissimi Græci præcesserant, è Lyguria in orientalem insulæ regionem aduentasse, Græculis è suis domicilijs exclusis, & Sicanis ad occiduas oras horum impulsu secedentibus. Quod, ut omnes historici, ita luculentissime Silius lib. 14. his versibus meminit.

Post dirū Antiphata sceptrū, & Cyclopeia regna,  
Vomere verterunt primū noua rura Sicani.

Pyrene misit populos, qui nomen ab amne  
Ascitum patrio terræ imposuere vacanti.

Mox Lygurum pubes Siculo ductore nouauit

Possessis bello mutata vocabula regnis.

Vbi autem Siculos è Lyguria profectos legimus, nonnullis authoribus aduersatur, qui è Latio ab Opicis, vel ab originibus expulsos tradunt, quidam calumniam euitaturi vno vocabulo Italiam nominantes vtrunq; comprehendunt. At hoc tanti non est, ut diutius in eo immoremur, quamuis Philistum, & Silium sequamur. Illud vigilantiori cura indiget: quando Siculi huc appulerint. post Troianum excidium circiter tricentos annos, ante Chalcidensium, & Corynthiorum aduentum grauiissimus author Thucydides lib. 6. Belli Peloponnesiaci scriptum reliquit. Quod & Diodorus lib.



6. confirmare visus est cū de Sicanis locutus, multis (ait) deinde seculis Siculi ab Italia in Siciliā profecti loca tenuerunt ab Sicanis relicta. Opibus deinceps, ac viribus potentes, propinquis agris occupatis, cotidie magis imperium augebant: quoad bello sæpius cum Sicanis moto, certo postmodum fœdere agrorum fines inuicem statuerent. postremo à Græcis Colonia in Siciliam deducta sunt, vrbesque maritimæ conditæ: mutua postmodum consuetudine, vsuque, cū plures in dies Græci nauigarent, & linguam Græcam omissa barbara didicerent, & mutato nomine Siculi sunt appellati. Hec ille. At Philistus anno ante Troiam dirutam octogesimo Siculos in Siciliam traiecisse tradit. Antiochus septuagesimo quinto anno ante res Troianas Siculos à Pelagis pulsos Siciliam petisse refert: cui & Dionysius Alicarnassensis astipulatur: nec Silius dissentit, vt ex ea particula, Mox Lygurum pubes, colligimus. Ad hoc facit, quod Boccattius ex Paulo refert Siculum fuisse Chorithi filium. Electreque, & Dardanifratrem, Neptunni que filium ideo dictum, quod ex Thuscia in Siciliā transfretauit. & multa rudes homines docuit. Exploratum sanè est per Virgilium, aliosque scriptores. Dardanum Troiæ fuisse authorem hoc nominis per eiusdem posteros adeptæ. Quare Siculum suorum Italorum manu accinctum longè ante Troiana bella in Sicaniam venisse patet. Parui autem refert, quod Duce[m] Siculum alij Chorithi, alij Neptuni,

aly Itali, alij etiam Dædali filium dicant: ubi re-  
 rum gestarum seriem quærimus in peruetusta, &  
 fabulosis figmentis inuoluta parentum progenie  
 non decet immorari. Quin potius subiiciamus ea,  
 quæ Fazellus solertissima diligentia collegit. Sicu-  
 li (ait) vetustissimi Italiæ populi in Siciliam traie-  
 cti Sicanos confestim armatos obuiam habent: qui-  
 bus tandem donitis. & in partes meridionales, &  
 occidentales remissis, regionem, quæ ad orientem  
 extenditur, primò incolunt, mox optima quæque  
 insulæ loca peruadunt, insulamque ipsam ex Sica-  
 niâ Siciliam vocant. Vrbes eorum Zancle in fre-  
 to, Zanclo eorum Rege authore, & Orione archi-  
 tecto (vt præmeminimus) Catana præterea, Leon-  
 tium, Syracusæ, Neas, Centoripe, Hybla minor su-  
 præ Gelum, & pluraque aliæ, vt Diodorus, Thucy-  
 dides, Plutarchus, & Pausanias referunt. Sed cum  
 Siculi sæpius pro agris cum Sicanis bello decerta-  
 rent, certo fœdere, & quibsdam finibus, agris ab  
 Aeoli filiis, quibus propter parentis pietatem vtri-  
 que se subiecerunt, constitutis, quieuerunt. Extin-  
 cta deinde Aeoli Sobole, Siculi ad prudentiores vi-  
 ros magistratum detulerunt: quo euenit: vt opi-  
 bus, atque imperio adeò coaluerint, vt oblitteratæ  
 penitus priori appellatione Siciliæ impositum no-  
 men ratum, firmumque, ac perpetuum posteritati  
 effecerint. Hactenus Fazellus, qui propter prima  
 Zancle initia durum habet aduersarium Mauroly-  
 cum. Nos alienarum urbium cura suis ciuibus re-  
 licta,

lista, ad promissa nostræ patriæ exordia, & progres-  
 sus accedamus. Conditâ itaque est à Siculis aliquâ *Netin. ex-  
 tum*  
 to ante bellum Tricianum, (siquis aliam opinionem  
 sequendam contendat, circiter 140. annos ab Illo  
 diruto, ut ex his, quæ Maurolycus ex Eusebio re-  
 fert, exploramus) & eiusdem gentis populis ad  
 aucta: ut primum tricentos post annos Græci, Du-  
 ce Archia, Siculos Syracusis, & alijs maritimis vr-  
 bibus expulere, & mediterraneas habitare coege-  
 runt. Primum eius nomen, ut Diodorus est author, *nomen  
 Netin.*  
 Neas fuit: siue id à græco, naas, quod est noua, vn-  
 de Neapolis, noua ciuitas: Neophytus, nuper con-  
 uersus: Neoptolemus, nouus miles: siue à verbo  
 neo, quod sonat habitare, siue ab aliquo suæ gen-  
 tis, vel Opico, vel Osco vocabulo, incertum. Hinc  
 neenos ex Plinio gentile nomen, refert Fazellus.  
 Noæni, quidam Siculi populi apud eundem legun-  
 tur. Sed quos non credam ad hanc nostram urbem  
 pertinere. Quapropter ad Plinij mentem, cuius co-  
 dices sunt adhuc deprauatissimi, quamuis Hermo-  
 laus, & alij peritissimi viri non mediocri in eorū  
 emendationem sint vsi diligentia, cum Camerte,  
 ubi is loquitur de Nestinis, Netinos alibi susstuen-  
 dos scripsimus. Eadem nunc sententia confirmatur:  
 quod Noæni, siue (ut Thomas legit) Neeni, in-  
 ter stipendiarios à Plinio censentur, quales sub Ro-  
 manis Netini non fuere: ut Cicero in Verrem cla-  
 rissimè testatur. At quos Nestinos deprauata per-  
 s, literæ adiectionem ibi legimus, latinæ conditio-

nis admittuntur. Latina verò conditionis vrbes sub duplici differentia habebantur: quædam enim libera, vt Panormus, Centuripe: quædam fœderata, vt Messana, Taurominium, & Netum, quamuis tertiam omnino taceant Fezellus, & Maurolus. Concederem quidem Neenos à Nea denominatos, sed ita, vt inter stipendiarios à Romano auctore non annumerentur. Quamuis autem Neas græcè à Diodoro dicatur, latinis tamen Neetum, vel sub eadem Diodori tempestate, qui sub Augusto floruit, cæpta est nominari: Vnde eius possessum apud Ciceronem est Neetini, & quandoque, vt actione 4. Neetinenses, non multò pòst duabus in vnâ longam contractis, correptus est syllabarum numerus, ita vt Netum ad hæc vsque tempora diceretur, quod ex Silio lib. 14. licet inspicere, vbi habet.

Et Netum, & Mycite, pubesque liquentis Achata. ita legendum opinor, non Acheti, vt corruptè legebatur, qui fluius nusquam fuit: at Achates est, quem Gelam, vel Salsum vocant, vt scribit Maurol. (licet quidam falsò cantaram indicent) in cuius commentarijs Petrus Marsus, Netum oppidum (inquit) adhuc retinet nomen, mutata vna litera: dicitur enim Notum. Hic aduertas licet, veterem, & puriorem huius nominis Orthographiâ esse Neetinos, cuiusmodi apud antiquissimum Tul. codicem pargomeno scriptum vidi. Recepit tamen consuetudo Italici auctoritatem, vt etiam prosa

Netinos

Netinos scripserit: quod & ad nostra tēpora apud eruditiores obseruatum permanet: tametsi vulgus & nonnulli ex limatioribus, qui vulgaribus auri- bus obsequendum duxerunt, nominis nouitatem, & loquendo, & scribendo admiserunt, Notum, & Notenses dicentes, quod et Ioannes Scoppa in Spi- cilegio praecepit, sunt etiam, qui Netus in recto ca- su vsurpent: pessimè omnium quidam per diphthō- gum, vel per aspirationem malunt. Nos autem li- berum suum cuique iudicium permittentes vel cū Ptolomaeo Netum, & Cicerone Netinos, vel cum Silio Netum, & Plinio Netinos dictitamus. Sed iam relicta nominis ratione, rem ipsam prosequa- mur. Sita fuit hac vrbs prima sui genitura sexto la- pide altiùs (vt ciues peritiores coniiciunt) à loco, vbi nunc stat: quod è Diodori verbis colligitur. qui lib. II. de Ducetio locutus patriam è colle in plani- tiem, dum cum Syracusanis bellum gereret, tradu- xisse scribit. Ibi autem primò conditam opinatur, vbi ad aquilonem vetustissima turris vestigia ex- praeandibus, & eis sectis lapidibus adhuc semidi- ruta viatoribus occurrunt, cui proxima est Pyra- mis turris solida, & acuminata, cui, & faudo adia- centi Acus, vulgò Aguglia, est nomen. Quamuis Mendulam hic ponat Mauroli. quam paulò superiùs conditam scribemus.

*Sine  
ana. fuy*

Ceterum relicta illa vetustiori ciuitate, & so- lùm ante Ducetiū cognita, de adhuc stante, & per- petua incolumitate caelesti auspicio duratura lo- quendum

*Pucetio*  
*224*  
 quendum est. sed prius de Ducetio in veteri Noto  
 genito, & noui auctore verba faciamus. Ducetium  
 Siculorum Regem Nec natū græcis Diodori Agy-  
 rei monumentis docemur. Is vndecimo suæ biblio-  
 thecæ libro (falsò quidam secundo, referunt) spar-  
 sim eximia cum laude huius viri meminit. Nos ea-  
 dem colligentes, prout ille temporibus accommoda-  
 uit, sic referimus. A Posthumio Regulo, & Spurio  
 Furio Mediolano Coss. Ducetius Rex Siculorum,  
 vir nobilissimis Ortus natalibus, omnium eius æta-  
 tis & ditissimus, & potentissimus Menas Urbem  
 ædificauit, agros Colonia deductæ viritim distri-  
 buit: subinde in Morgantium urbem quidem non  
 ignobilem (quæ nunc funditus est deleta) exercitū  
 admouit, & post varios præliorum motus expugna-  
 uit, vnde clarissimum Imperatoris nomen, & illu-  
 strem gloriam apud suos sibi comparauit. quod eue-  
 nit ferme sub Olympiade 79. anno quarto. Anno  
 verò post sexto, Romæ Coss. C. Nautio Rutilio, &  
 L. Minutio Carutiano, iussit omnes Siculorum vr-  
 bes, præter Hyblam. Certum pecuniæ summam cor-  
 rogare, quæ bello gerendo satis esset. ut quæ erat  
 admirabili solertissimoque ingenio præditus, prom-  
 ptus ad quælibet Rege digna obeunda facinora, Sy-  
 racusanis quæ regno non cedens plurima, & maxi-  
 ma negotia animo secum cogitabat. huiusmodi ex  
 omnibus Siculis urbibus non ex æquo auri, argenti-  
 quæ pondere comparato, potentia opes, non minus  
 quam potentiam opibus adauxerat. Hoc igitur au-  
 xilia



*Exilio fretus Neam patriam suam ex colle in plani-  
 tiem traducendam, edificandamque curauit. Eodē  
 ferē anno (ea fuerat homini copia) iusta Palicorum  
 templum, urbem & eam admirabilem, cui Palica  
 à Deis ibi cultis nomen imposuit, fundauit. Hanc  
 modò Palagoniam esse multorum est opinio, sed  
 quam ex antiquæ illius urbis ruinis habitare ince-  
 perint. Scribitur enim à Diodoro hanc urbem for-  
 tissimis mœnibus à Ducetio cinctam, & distributis  
 in Colonos aruis breui tum agri fertilitate tum in-  
 colarum frequentia coaluisse: sed non multò post  
 funditus excisam, & ad Augusti vsque tempora ia-  
 centia domorum cadauera deplorasse. Hinc liquet,  
 quàm protul à vero scripserit Marius Aretius Sy-  
 racusanus, qui Neam illam censet esse urbē, quam  
 Ptolomeus Ménas appellat, & multa de Ducetio,  
 quem Durentium vocat, è Diodoro citans, quid nū  
 author ille dicat, non intelligit. Nec idonea dubitan-  
 di ratio fuit Maurolyco, qui de Policio loquens, for-  
 tasse (inquit) ex reliquijs Palicæ urbis habitatū,  
 plurima enim locorum distantia repugnat: nisi ve-  
 lit ciuium reliquias longius profectas alienas sibi  
 terras incolendas comparasse. Sed iam historiam  
 prosequamur. Postero anno Coss. L. Posthumio &  
 M. Horatio, Ducetius coacto Siculorum exercitu,  
 Ennam, quam primò Sicani, postmodum Græci te-  
 nuerunt, adortus, fraude eius tyranno circumuēto,  
 suæ ditioni adiunxit. Mox in Agrigentinorū agros  
 irruens Motyam, ubi Agrigentinorum presidium*



excubabat, oppugnauit. Re cognita Duces exercitū  
 mouent suos ab obsidione liberaturi. Ducetius, ut  
 erat, & armis, et animo inuictus è castris egreditur  
 horum impetum repressurus, consertaque manu fe-  
 liciter dimicans cum Motyenses ex oppido erum-  
 pentes, tum Agrigentinos acie fugat, & castris ex-  
 uit. Ad hyemis vsque principia belli reliquiae su-  
 persuere: cæli verò intemperie ad suas quique ci-  
 uitates Duces rediere. Interea Syracusani Siculis  
 infesti Ducetii potentiam, prosperamque bellorum  
 fortunam veriti arma contra capiunt, Bolconem  
 cum multa militum manu arduos mittunt, qui Si-  
 culorum insolentiam reprimeret. Sed nec horum  
 quidem pugnam detrectans Ducetius collatis signis  
 in aciem descendit, & ingentem Syracusanorum stra-  
 gem edidit. Rumor tamen fuit Bolconem pecunia  
 corruptum cum hoste conuenisse, & sua proditione  
 potius quam inertia exercitum cadendum adduxis-  
 se. quocirca Syracusis meritis suæ fraudis pœnas  
 luere coactus est. Acrioribus itaque stimulis Sy-  
 racusani irritati, ut primum per anni tempus licuit  
 alterum Ducem cum maiori exercitu mittunt, eiq;  
 omnino mandant Ducetium cum vniuersis copiis  
 delendum. Non erat huius inscius Siculorum Im-  
 perator, promptius incastris ad Nemas expectat, ibi  
 quæ graui animorum pertinacia diutius confligi-  
 tur, & quam plurimi utrinque cadunt. Tandem Si-  
 culi Syracusanorum viribus inferiores acie cedere  
 incipiunt, hostiumque insequentium telis percussis

trucidantur : donec maior pars cum suo Rege in munitionissima quæque oppida se receperunt. Dumque milites bellorum euentus, fortunæque mutationē formidant, Ducetium, quem pari fortuna cum Syracusanis concurrere non posse iudicabant, in maiori rerum discrimine turpiter destituunt, & in sua quisque loca regrediuntur. Non passi sunt Agrigentini præsentī occasione non uti: Motyon, quod pauldantè perdidierant, facile recuperant, cum paucos, qui resisterent, eductis à præsidio militibus eiecissent: mox copias suas cum Syracusanis iuncto fœdere in communem hostem bellum gesturi coniungunt. Ducetius autem à suis militibus derelictus, & qua erat ornatus prudentia prospiciens aliquos, qui in fide remanserant, eo esse animo, ut si qua ferretur occasio, in ipsum etiam Regem impias manus inijcerent, hac vna improbitate Græcorum animos sibi conciliaturi, incertis agitabatur curis. tandem desperatis rebus clanculum à suis discedens, incognitus Syracusus ingreditur, aras prima luce supplex amplectitur Deorum, hominumque fidem obtestans. Conuocato Senatu se, & oppida, quibus dominabatur, Syracusanorum potestati dedit. Quauis autem populus rei nouitatem admirans, & vix rei præsentī fidem habens pœnas ut de hoste sumendas insanis tumultibus clamitaret: procures tamē, ut qui prudentius omnia agerent, homini sese depositis armis dediti parcendum persuadere. Quasententia vulgò approbata, iussus est Ducetius Corinthy

rynthi exulare: eidem tamen omnia vitæ necessa-  
 ria communi decreto subministrarunt. At genero-  
 sus ille princeps, & si fortuna abiectus, suorumque  
 perfidia denudatus, animo tamen inuicto multa se-  
 cum machinabatur: donec exilij seruitutem abijci-  
 ens, Syracusanorum iussa contemnens, indictaque  
 pacta confringens in Siciliam nauigandum duxit.  
 Neve regressus ille insolentia, & pernicacia ascri-  
 beretur, Deorum oraculo compelli simulauit, Sici-  
 liam petere, & in pulcherrimo ad mare Tyrrheni  
 littore urbem condere iubentium. Sparsit Coryn-  
 thi huius rei famam, & plurimos ad nouam urbem  
 struendam incitauit. Ut verò in Sicaniam appulit,  
 ex omnibus Siculorum oppidis legati illū adeunt,  
 qui Syracusanorum impotentiam exosi amicā opē  
 primo, & legitimo Domino offerrent. Horum etiā  
 opera Ducetius adiutus eò peruenit, vt Calatam,  
 (sed quam alij Collatinam, vel Calactam, vel Gala-  
 tam vocent, Calatam Hieronis, quæ nunc Calatagi-  
 ro, ab instauratore nuncupari creditā scribit Maur.  
 sed quàm verè, ipse viderit, cum hæc vrbs sit medi-  
 terranea, nedum ad mare Tyrrhenum non sita: San-  
 ctum Marcum hodie vocari lib. 1. scribit Fazellus)  
 breui fabricarit. Qua iam tutò condita dum Agri-  
 gentini, & Syracusani dimissum ob Ducetium ar-  
 mis inter se decertant, Siculorum Rex à suis ille  
 salutatur: dumque vlciscendas superiorum tempo-  
 rum iniurias meditatur. fato prepeditus naturæ ces-  
 sit, Olympiade 85. anno vicesimo ab huius urbis.

Neti-

*Netina adificatione Romæ Coss. L. Iulio, & M. Geganio, quamvis hæc Diodori Coss. supputatio non in omnibus his consentiat, quæ latini scriptores literis tradidere: quod euenit ante Christi Natalem annis circiter 428.*

*ob Ducetio vita functio Siculæ vrbes iterum Græcorum cesserunt imperio: nec tamen omnino Syracusanis erant deditæ, quin prius suo Regi parerent, Vnebat adhuc Archonides Herbitæ princeps, qui Ducetio Coryntho regresso adhæserat, & in Calata struenda plurimo fuerat auxilio. Hic post Ducetiũ Siculorum Rex eligitur: qui tamen ita subditis iubebat, vt & ipse quoque Syracusanis obadiret. Legitur enim Gilippo Lacedæmonio aduersus Athenienses, dum tum Syracusanis bellum gerunt, auxiliares copias dedisse. Et quoniam nouissima huius belli victoria, quæ plurimis prælijs, conatibus, & studijs finem imposuit, in agro Netino parta est, vt celeberrima Pyramis adhuc demonstrat, non alienum à nostro stamine fuerit, paucis illam subtexere, prout à Thucydide, Plutarcho in Nicia, & alijs grauissimis Græcis, ac Latinis Historicis describitur. Athenienses desperata Syracusarum expugnatione, quarum ciues varia licet fortuna, tamen non minus strenue, quàm pertinaciter pro aris, & focis dimicabant, & in dies hostibus superiores à Gilippi Ducis aduentu, euaserant, obsidionem turpissimè soluunt, & dum Catanam nequeunt, Camarinam confugere contendunt, At Syracusani ob res prosperè*

sperè gestas audaciores effecti hostem propellunt, insequuntur, trucidant: deuictosq; prius Demosthene cum eius exercitu, alterũ Ducẽ Niciã ad Asinaria fluuij vada remorantur. Hic enim plurimi militum vel longa siti fatigati imprudenter demerguntur, vel hostilibus iaculis perfoſsi vulnera moriendo eluunt, vel vadum, traiectusq; ignari cæno, & limo præpediuntur: adeoque miserabile suæ calamitatis spectaculum tradidere, vt nusquam alibi vel simile dānum, vel peius Atheniensis populus multis alioqui prælijs, & victor, & gloriosus accepit. Hic tandem, vbi acerrima strage decem, & octo virorum milia procubuerunt, Nicias Gilippo Lacedæmonio se dedit fuitque ipsi etiam hosti miserabilis. Septem hominum milia cum Ductore capta Syracusas protrahuntur. Syracusani verò loco non ingrati altissimam quanque arborem flumini incubantem spolijs ornant, et consueta erigunt trophæa. Cumque felicissimè triumphassent, diem festum, perpetuum tantæ victoriæ monumentum, quotannis, vt Plutar. Mense Maio, vel vt Thucydides sub autumnum decernunt, festumque à fluuij cognomine Asinariū appellarunt. Et quoniam arborea trophæa breuius essent duratura, euidentius, & diuturnius rei posteris exemplum tradituri, turrim, quæ ad nostrã vsque tempora visitur, solidam Senatusconsulto extruendam voluere. Est ea Pyramis orbicularis in acutum verticem surgens, cui nunc à re ipsa Turri Pizzuta cognomen tribuitur,

ad

ad Aſſinaris fluuij Ripas, qui Falconara à ſeudo,  
 & fluuius Netinus appellatur: quoniam & in Ne-  
 tino ſit poſitus, & ex fluminibus, fontibusq; Neti-  
 nis adauctus in mare exoneretur. Conſlictum eſt il-  
 lo prælio, vt ex Eusebio refertur, nonagesimæ pri-  
 mæ Olympiadis anno tertio: ab vrbe condita 342.  
 vt ſcribit Maur. Parta verò victoria, diuturna,  
 vel potius (vt credebant) perpetua libertate Sy-  
 racuſani non ſunt latati. nanque non multò poſt  
 crudeliſſima Dionyſiorum tyrannis patris, & filij  
 eſt ſubſecuta: quæ immaniori clade, quàm ſi hoſtili-  
 bus armis premerentur, ſubditos confecit. Senior  
 quidem ante Chriſtum natum annis 404. Iunior  
 verò 366. tyrannidem ſuſcepere. Hinc Dionis fa-  
 ctiones, & Timoleontis integritas eſt ſubſecuta,  
 qui Siculis, Græciſque tyrannis domitis Trinacriæ  
 libertati reſtituit eamque non longo interuallo in-  
 terrupit Agathocles, qui obſcuro loco natus, nem-  
 pe ſigulo patre, & libidine, & factionibus clarus  
 Syracuſani regni arripuit habenas. ſædè tamen ex  
 Africæ reuerſus poſt multa licet ibi proſperè geſte  
 infelicem ſortitus eſt exitum, annis ante Chriſtum  
 natum 322. Sequuntur Hieronis Secundi tempo-  
 ra, cum Pæni in Sicilia proſperiori fortuna ſun-  
 t, & pluræ in ditionem oppida acceperunt. nam  
 Pyrrhi, qui Hieronem præceſſit, breuiſſimus fuit  
 principatus. Tum Romani in Siciliæ finibus con-  
 tra Carthaginenses naualibus prælijs decertabant,  
 & multas etiam vrbes terreſtri certamine ſuo im-  
 perio



Perio subdiderunt. Hieroni & Siculis gratissimè  
 & Romanis, vt Cic. etiam ipse testatur, commen-  
 datissimo Hieronymus nepos successit: qui iuuenili  
 insolentia inuectus fædo scommate Romanos irri-  
 tauit, & Punico astu deceptus auita præcepta con-  
 temnens meritum sibi, vt turdus, malum asciuit.  
 Nam Romanorum arma, quæ nondum visa Hiero-  
 nem (vt ipse testabatur) subegerant, & iam ante  
 seruatoris natalem annis 273. Siciliam à Messa-  
 nensibus accita peruaferant, habuit infestissima,  
 quamuis apud Leontinos à coniuratis ante eadem  
 Syracusanam esset interfectus, annis ante Christi  
 natalem, sc rectè Maurol. supputat, 258. Inter va-  
 rios autem Syracusarum motus ex tyrannica de, et  
 deffidia, vtrum cum Romanis bellum, an fædus es-  
 set inuoluendum, tum ciuium dissensionibus, tum  
 Africanis factionibus, vrbe infelicitè tumultuan-  
 te, Marcelli oppugnatio est subsecuta. Quo Consula-  
 ri Imperio Syracusas Pænorum calliditate, Hiero-  
 nymi Regis insolentia, & perniciosis seditionibus à  
 Romanorum amicitia alienatas obsidente, omnes  
 ferè Siciliæ populi alterutras partes sequebantur.  
 paucissima fuerunt oppida, quæ neutris accederent,  
 & in tanta bellorum asperitate quæta, & pacata  
 residerent. Inter eos populos, qui aduersus Marcel-  
 lum Syracusanæ propugnationi suppetias adhibe-  
 rent, Netini à Silio recensentur, qui 14. secundæ  
 belli punici libro scripsit: Et Netum, & Mycite,  
 pubesque liquentis Achata. At licet diligentissi-



ma fuisset Archimedis industria, officiosi aliorum  
Conatus, Syracusani Baccho indulgentes tandem  
sobrijs Romanorum armis perimuntur, vrbe ante  
Virginis partum annis 214 capta.

Quamuis autem, dum Marcellus consulari pote-  
state Siciliam administraret, plura oppida vi ca-  
pta, plura etiam dedita Liuius testetur, quod maio-  
rem insulæ partem penes Carthaginenses fuisse cō-  
stet: tamen maxima pars urbium in populi Roma-  
ni amicitiam & societatem ascita est: quod & En-  
nenses apud Pinatium, Liuium exposculant, &  
Cic. quinta in Verrem actione his confirmat: Sici-  
liæ ciuitates sic in amicitiam, fidemque recepimus,  
vt eodem iure essent, quo fuissent: eadem conditio-  
ne populo Romano parerent, qua suis antea paruis-  
sent, per pauca Siciliæ ciuitates sunt, bello à maio-  
ribus nostris subactæ, quarum ager, cum esset pu-  
blicus, populi Romani factus, tamen illis est reddi-  
tus: is ager à Censoribus locari solet. Fæderatæ ci-  
uitates duæ sunt, quarum decumæ venire non so-  
leant, Maumertina, & Taurominitana: quinque  
præterea sine fædere, immunes ciuitates, ac libe-  
ræ, Centuripina, Halesina, Segestana, Haliciensis,  
Panormitana præterea omnis ager Siciliæ decu-  
manus est, itemque ante Imperium populi Roma-  
ni, ipsorum Siculorum voluntate, & institutis fuit,  
&c. Nequem tamen moueat, vbi duas dicit esse fæ-  
deratas, Messanam & Taurominium, quod alias  
ab hoc privilegio exclusit, quemadmodum non-

*Neque  
fæderatæ  
sunt  
ciuitates  
Romani*

nullos sibi persuasisse opinor, siquidem ex eodem ac  
 cusatore habemus, & Netum pari cum Romanis  
 fœderum iure astrictum, quod actione septima plu-  
 ribus locis cum ingenua huius urbis laude testa-  
 tur. Verba eius sunt: Age porrò tu, qui te tam re-  
 ligiosum existimari voluisti interpretem fœderū,  
 cur Tauromitanis frumentum cur Netinis impe-  
 rasti? quarum ciuitatum vtraque fœderata est. at  
 Netini sibi quidem non defuērunt. nam simul ac  
 pronuntiasli libenter te Mamertinis remittere, te  
 adierunt, & eandem suam causam fœderis docue-  
 runt: tu aliter decernere eadem in causa non po-  
 tuisti: pronuntias Netinos frumentum dare non  
 oportere, & ab his tamen exegisti. Cedo mihi eius-  
 dem prætoris literas, & rerum decretarum, & fru-  
 menti imperati, tritici empti. Quid potius in hac to-  
 ta, ac tam turpi inconstantia suspicari possumus: iu-  
 dices, quàm id, quod necesse est, aut isti à Netinis  
 pecuniam, cum posceret, non datam, aut id esse actū  
 ut intelligerent Mamertini, bene se apud istum tā  
 multa pretia, ac munera collocasse, cum idem aliq̃  
 iuris ex eadem causa non obtinerent? hæc ille. In  
 eadem, dum Cleomenis Sicula classi præfecti igna-  
 uiam & Verris negligentiam, libidinem; auaritiam  
 incusat, cum pari huius urbis commendatione, &  
 præ cæteris celebritate Netinorum testimonium  
 producit. Ego (inquit) culpam non in nauarchis,  
 sed in te fuisse demonstro: pretio milites, remigesq̃  
 dimisisse arguo, hoc nauarchi reliqui dicunt: hoc

Neti-

Netinorum fœderata ciuitas publicè dicit: hoc Herbitenses, hoc Amesiratini, hoc Ennenses, hoc Agyrinenses, Tyndaritani, Locrenses publicè dicunt. Hactenus. Nec tantum Oratorem sibi contradicere opinamur, qui duas cum proposuerit, tres subinde enumeret. qui enim duo dicit, quæ tria non mentitur: siquidem ternario numerus binarius includitur. Stultum sanè foret, si qua duo tantum, trium nomine appellaremus: quoniam cum eis non conuertitur subsistendi consequentia, ut duo cum sint tria etiam necesse forent. quod & Aristoteles ipse tradidit. Est & illud oratoriae, & poeticæ artis documentum, ut quædam nunc dicat, quædā in præsens tempus omittat. Fœderatam igitur cum Romanis Urbem Netinam nemo inuidus inficiari audebit. Cuius alia rei causa esse non potuit, nisi quod inexpugnabilis loci natura à bellicis direptionibus immunem præstitisset: & cum inuitos, tum fideles ciuium animos dignos Romani existimassent, quibus cum sacra societatis, & fœderis iura percuterent. Quod post Syracusas à Marcello expugnatas contigisse, si prædicta rectè examinamus, non est dubium. In ea igitur Romani fœderis immunitate constituta ab improbißimi Verris immanitate se defendit, & sibi aduersus triennem tyrannidem non defuit. (Netinam, & nostræ tempestatis homines, qui Rempublicam gerunt, maiores suos in maiori necessitate, & aduersus minores ciuium immunitatum corruptores imitarentur) quamnis enim fru-

D 3

mentum

mentum decumanum *Netina* ciuitas non deberet, tentabat miluinus ille prætor à *Netinis* aut pecuniam, aut frumentum extorquere. illi tamen, & suas leges illasas fortissimè conseruauerunt, et *Cicerone* accusante, cum alijs populis legatos *Romam* miserunt, qui in *Verrem* publicè testimonium diceret. Venit autem *Verres* in *Siciliam* Prouinciã, vt ex *Liuianis* fragmentis, & his, quæ à *Cicerone* dicuntur, colligimus, anno ab vrbe condita, (quicquid alij scribant) 677. ante Christi Natalem, 75. & triennio, vt *Cicero* flebiliter æquè, ac iustissimè deplorat, furtis, rapina, sacrilegijs, stupris, cæde, ignominia, cæterisque flagitijs turpissime sædauit: quamuis iudicium corruptela, & perditissimis hominum moribus, quod & *Lactantius* *Ciceroni*, alia tamen de causa exprobrat, tot scelerum absolutione redemerit, nec me latet alios scribere *Verrem* conuictum sponte exulasse.

Quæ deinceps ad urbem *Netinam* pertineant, iam integra *Chiliade* ad *Rogery* Comitis tempora non legimus. Nihil enim est quod reperiam ab ullo ea de re literis mandatum. Plurima & scriptorum incuria, & temporum calamitate inuidarum delcuit obliuio. Sub *Romano* imperio cum eadem fœderis integritate persistisse opinamur, *Christiana* quæ fidem iam à prima ipsius per orbem terrarum satione cum cæteris *Siciliæ* populis accepisse non ambigimus. Nam si *Apostoli* ipsi huc appulere, vt de *Petro* nonnulli scribunt, & de *Paulo* cer-

tissi.

tissimus est Sacre pagine sermo, & ab ipso Petro missos, qui Syracusis, & alibi prædicarent, inuenimus; par est credere à primis ipsis temporibus Natum cum alijs Christiana religione imbutum, & sub acerrimas Imperatorum persecutiones & aliorum tyrannidem in Sacrosanctæ fidei confessionem effuso per illata supplicia sanguine terram irrigasse. nec enim sic repentè sub Grecorum imperio, & Africana oppressione tota, ciuitas Christiana effecta est. Quemadmodum multa, & de alijs ciuitatibus, & de martyrum historijs desiderantur, ita huius salutiferæ Religionis initia, & felicem sub infidelibus Imperatoribus progressum non legimus, quam rerum seriem, & tēporis incuriose lapsæ narrationem prætermittere sine dolore nō possum; cū præcipuè ad Dei optimi maximi cultum, & martyrum venerationem pertineat. Multa igitur secula silentio pertransimus, quibus Netinos parem cum cæteris Siculis calamitatē potius perpeffos, quàm vlla prosperitate subleuatos nō ambigimus. ea etenim tempora percurrerunt, vt inertia, libidine, ingluuie declinante Imperio Romano, nulla in Christianos crudelitas, nullum impij flagitiij genus sit omissum; cū improbiſſimus quisque tyrannus, & Deo, & Imperatoribus se obsecutum putaret, siquē Christianæ Religionis aut ad motis tormentis cruciasset, aut saltem prodidisset. Vbi verò sauiſſimi persecutionum fluctus resederunt, & facta imperij diuisione Grecis Imperatoribus Sicilia paruit, ali-

quantisper res Siculae quievere, & multa Sacella opere græco, quorum nonnulla in Netino adhuc vi sunt, sunt extructa: quamuis medio quodam tempore complura Getarum insolentia, qui 18. annis Siciliam tenuerunt, sunt polluta, & diruta: quemadmodum, & complures aliæ provinciæ eadem hominū face contaminatæ leguntur.

Succesit non minus fœda, sed et diuturnior Arabum colluies; qui licet superioribus temporibus vario Marte, & pluribus bellis Sicaniam tentassent, anno tamen Christianæ salutis 822. à Georgio Maniatio (ut vulgò perhibent) Sicilia præfecto, cum à Michaelē Imperatore defecisset, vel potius ab Euphemio, si veraciores sequi volumus, Saraceni in Trinacriam asciti fortius pedem fixere. Quāvis autem Christianis coactis tributa pendere vitā condonassent, reliqua tamen sub suam ditionem tenebant. multa tamen oppida condidere, multos horum conseruerunt, multa loca mœnibus circumdederunt, & hinc quàmplurima locorum, & fontium, nomina apud Netinos, quemadmodum & totam Siciliam ab Africa accepta perdurant, quorum plurima sparsim in opere recensentur, dum nostratia loca memoramus. Occupatam hanc isti provinciam ducentis triginta annis cum maximo Siculorum, imò & Christiani orbis dedecore tenuerunt, quam Rogerij Comititis industria, & Nortmānorum militum opera, in primis strenua anno à Virgineo par-  
ti 1060. deperdere inceperunt. Et quoniam non to-

tius



tius insula (quod huberrimè proinde ac facundissimè faciunt alij) sed vnus tantum, eiusque exigui populi historiam teximus, quæ ad illum vnum pertinent, calamum coercentes attingimus. sub extremis huius arabicæ tyrannidis temporibus, dum Rogerius Comes, ductor quidem ob Siculorum salutem à Deo missus, infidelium vrbes, & oppida feliciter expugnaret, Netum sub Bennaucrì qui Syracusanis etiam imperitabat, ditionem fuisse Siculi testatur annales. Eo autem submerso, dum nauali pralio cum Rogerio contendit, eius vxor cum liberis, & aliquot primoribus viris noctu Syracusis egressa Netum, vt in securiorem arcem confugit. Cumque sola hec ciuitas superesset, reliquis iam uel vi captis, vel in fidem acceptis, anno salutis 1090. Netinenses Christiani Bennaucrì vxori persuadere cøperunt, vt iam considerata punica calamitatis fortuna, & inuicta Nortmannorum potentia, ne vna totius Sicilia vires aduersus se excitaret, tanto oneri sustinendo planè impar, urbem dedi pateretur. Illa demum Barbarico fastu intumescens, & iam omni auxilio destituta, ne vbi prosperiori solio regnauerat, seruire cogeretur, in Africam cum familia vltro dimissa, Netini legatos ad Comitem mittunt, qui tum Mylis degebat, se, & urbem eidem committentes. Quod gratius Rogerio fuit, quàm vt verbis explicaret, totius Sicilia libertati iam diuina ope prouisum, & Sarracenico Bello iam finem impositum gratulanti. Tum Netum Iordano Filio, il-

legi-



*Jordanus  
Vry nre*

legitimis nuptiis generato tradidit, ei que per oppor-  
tunam arcem quæ etiamnum extat, in urbis verti-  
cem extruendam iubet, firmissimum aduersus defi-  
cientium, siqui forent, motus propugnaculum. Su-  
perest adhuc tum munitissima aggerum, & turri-  
series, tum intra arcem templum Diuo Michaeli Sa-  
crum, ingentibus lapidibus, & columnis mira arte  
erectum. Præficitur post hæc Iordanus vniuerso Si-  
cilia regimini, dum pater in Melitenses adhuc eo-  
rundem paganorum reliquis occupatos bellum ge-  
rit. tandem Syracusis, cuius urbis administratio-  
nem gerebat, anno ab orbe redempto 1093. morbo  
correptus decedit. post cuius mortem, quamuis quæ-  
dam oppida, quibus Iordanus imperauerat (nec id  
impune) libertatem conclamassent, Netini tamen  
sub Comitibus imperio, quem Dominum alacriter acci-  
uerant, & sub cuius ditionem oppida filio donata re-  
eiderunt necnon eiusdem successorum obædientia fi-  
delissime perstiterunt. Venerunt autem in Sicilia  
cum Rogerio, & Fratribus inter alios nobilissimos  
aque, ac fortissimos milites, qui & Sicaniam à pa-  
ganorum manibus eximendam adiuvcrunt, & ean-  
dem Illustrissimis familijs adhuc exornant Lando-  
lina, pars quidem tanti operis non exigua: quem-  
admodum, & ipse eorum ductor in privilegio Cala-  
tagironensibus pro agro, cui ab Hamo Petro cogno-  
men est, concesso testatur. Interim in perpetuam re-  
rum feliciter gestarum memoriam excussa sunt nu-  
mismata, quæ ex una parte cum his literis, Roge-  
rius

*And. d. n.*

rius Comes, virum armatum Cataphraëto insidentem ostenderent, ex altera verò Beata Virginis imaginem puerum Deum, hominemque vlnis complexam, cum hac inscriptione, Sancta Maria. Vidimus, dum hæc scriberemus, vnum, quod est penes Petrū Boream, virum tum nobili, & vetusto genere natum, tum omni virtutum integritate diligendum. Et quamuis rude illius tempestatis artificium redoleret, pluris tamen hoc vnum faciendum admonui quàm plurima, & Græcorum, & latinorum, quæ limatiori typo incisa, & spectantur, & in pretio habentur. Hic enim singulari pietatē præditus tantam collapsis Sæculorum rebus operam tulit, vt deinceps inter Christianos viuere acceptum nos illi referamus. Inter alia, quæ plurimis in locis (tanta inerat viro Christianæ Religionis observatio, & ardor augmenti) magnificentissimè templa fundauit, & munificentissimè dotauit, extat in Netino eiusdem diligentia nobilissima ædes Diuæ Lucie Romanæ viduæ sacra, quam cœnobitis sub Diui Benedicti regulam militantibus assignauerat, sed quam morte præuentus perficere nequijt. Naturæ Comes cessit Mileti, quod est Calabriae oppidum, mense Iulio à Christo nato annis. (vt. omnes scriptores consentiunt) 1101. annos natus septuaginta: sed cuius plures victoriæ quàm ætatis anni numerentur. Quare in re multos sibi contradicere perspicuum est, qui dicant Rogerium Boffum Tancredi filium fratrum Nortmannorum natum minimum cum fratribus,

& Maniaco anno salutis 1004. in Siciliam venisse, & 70. ætatis anno defunctum 1101. Propterea hunc Comitem, qui Siciliam devicit nonnulli alium esse Rogerium putant. Sed quoniam (ut Fazellus vidisse testatur) in quibusdam privilegijs eorundem Fratrum, parentumque nomina explicat, magis credimus mendum esse in eo, quod dicitur primo Nortmannorum in Sicilia congressui interfuisse, an. sal. 1004. natus enim ex hoc calculo invenitur, an. Domin. 1031. Sed adhuc restat alia difficultas, quod ex istorum annalibus Tancredum horum patrem iam ante illorum Fratrum in Siciliam aduentum mortuum dicunt. Quamobrem hæc studiosores viderint: nobis sat est monstrasse locum, & aliorum sententias expectantes ad nostram historiam properare.

Simonem Filium Rogerio successisse legimus, sed quem immatura fata paternam hereditatem, & videtur frui non permisere. eidem Frater Rogerius patriam cum inuito nomine animi generositatem gerens subrogatur. qui Comitatus titulo non contentus Regium nomen affectavit, & Panormi Coronatus est. Hoc Rege Tancredus eiusdem amicus, Gulielmi Syracusarum Comitis Filij, Diæ Lucie, quam ad Syracusanæ differentiam, Montanani vocabant, templo in agro Netino, ad Sylvam, quercetumque, cui nomen est Bauli, à Rogerio inchoato summam manum imposuit, & Gulielmo Episcopo Syracusano Rogerij Prasulis successoris dicandam mandavit.

Adrianus  
Lucius

mandauit . preerat cucullatorum Ecclesiæ Goffre-  
 dus Pictauensis . prior . Collatum est ecclesiæ scēu-  
 dum, cui à re ipsa Sanctæ Lucie cognomē perman-  
 sit: quin etiam inter latos agros , & alia eidem in  
 dotem attributa datus est viculus Sarracenico no-  
 mine Rabalharaois , necnon quidam rustici , reli-  
 quias opinor oppiduli, quam olim Mendulam dictā  
 legimus . Sic pleno iure exactum, est cænobiū, quod  
 vulgari quidem nomine, sed quo plerunque vten-  
 dum est, Abbatiam nuncupamus . ibidem sepultus  
 est Robertus Tancredi filius . Datum est diploma  
 Syracusis octauo idus . Augusti, vndecimæ inditio-  
 nis , anno à verbi in carnem aduentu 1103. vidi-  
 mus nos illud ex omni parte integrum in Netina  
 Curie Gazophilatio . prout sub Rege Alphonso Le-  
 ontij anno salu. 1445. exscriptum est, cura Fratris  
 Iacobi Constantij tum eius monasterij Abbatis . Et  
 quoniam Diuæ Lucie , cui ornatissimum templum  
 est fundatum, meminimus , operæ pretium est , &  
 historiam eiusdem texere, quomodo ea, & Geminia  
 nus martyres in eodem templo sint sepulti prout  
 apud nonnullos scriptores reperimus, quantum quos  
 dam aliter scribere non ignoremus . Lucia Vidua Ro-  
 mana à filio Christianæ Religionis accusata passa  
 est sub Dioclitiano . Romæ varijs supplicijs affecta  
 Geminianum virum nobilem conuertit, & Christia-  
 na fide imbutum è baptismatis lauacro suscepit .  
 Plurima illi quidem pro Christo tormenta subie-  
 runt, & in Vrbe Roma tecti lapsu, quo index, &

*De S. Lucie  
 Romana*

alij infideles sunt oppressi, quasi exanimis dimit-  
 tuntur. Vnde factum opinor, vt nonnulli Romæ  
 eius natalem ascripserint Sed inde erepti angelico,  
 ductu in Siciliam peruenere. Tauromenij dimissi,  
 postmodum in Alesino agro Eucrapionis. Filiam  
 decem iam annos obsessam à demone liberarunt.  
 Simethum flauium sicco vestigio pedites licet, &  
 ponte non traiectione pertransierunt. Demum Mendulā  
 oppidum assecuti plurimos firmitati restituerunt,  
 demones expellunt, & plurimos Christo Filios pa-  
 riunt. Qui verò ibi iura dicebat. Apophrasius re co-  
 gnita 75 viros ab inanimibus. Deorum simulacris ad  
 verum Deum conuersos impia securi percussit: do-  
 mum tamen reuersus diuina ultione æquo collap-  
 sus expirauit. facinus Syracusis nuntiatur: vbi Me-  
 gasius iudex, pater Paschasij, sub quo inuicta illa  
 Syracusana Virgo Lucia alias virtutes martyrij  
 palma cumulauit, residebat: Mendulam adit in San-  
 ctos animaduersurus. Lucie tamen precibus facto  
 hiatus mons crepuit, & Christi fideles abdidit, dum-  
 que triuosi ibi conficerentur, fons diuinitus è sa-  
 xo erumpens instar fluminis præterfluxit, eosque  
 refecit. Remanet ad nostram usque tempora puteus  
 iste in eadem spelunca effossus. & aquæ plures in-  
 firmos Dei, & Lucie nomine inuocato feliciter cu-  
 rant. Petijt autem à Domino Sanctissima illa Ma-  
 trona, vt tandem in pace quiesceret: quod euocato  
 in celestem patriam spiritu obtinuit. egressus autē  
 Geminianus, vt quoquo modo Lucie corpus sepeli-  
 ret,

ret, à Carnifice gladio percutitur, & in antrum deuoluitur. Quà eùm quædam mulier nomine Maxima pertransiret, odoris fragrantiam è monte redolentem sentiens eò se contulit, duoque marmorea sepulcra angelico ministerio condita comperit, in quibus Sanctorum corpora contexit, & templum (erat enim mulier prædiues) sub eorum nomine in collis vertice fabricauit: Illud autem esse templum, vetus est traditio, quod dirutum coram ade à Rogerio fundata iacet, & vix stantem portiunculam, quam Tribonam vocant, more græco erectam ostendit. est in eo fons ille multis gradibus subterraneus de quo meminimus loquuntur hac de re plures libri manuscripti, quorum vnus est apud Catinenses Pergameno exscriptus, & sua vetustate multis admirabilis, & penes Canonicos Diuæ Agathæ diligentissimè conseruatur: habentur & Neti duo manuscripti, eandem historiam plaribus verbis referentes, quorum vnum possident moniales Sacratissimi Seruatoris, alterum verò presbyter Vincen-tius Xacca: loquitur hac de re Petrus Natalis in vulgato Sanctorum Catalogo: scripsit Vincentius in suo historiali, & eundem refert Diuus Antoninus prima historiarum parte tit. 8. cap. 1. §. 37. meminere etiam quædam breuiaria, quibus Syracu-sana ecclesiæ iam à vetustissimis temporibus uteba-tur. Est adhuc apud Netinos, & Palatiolenses, aliosque accolæ celebre nundinum sub eius festum diem 16. Calen. Octob. Mendula verò diruta, eius

Mendula



ager sub Netino est, nec non & faudum in quo, & templum vtrunque, vetus à Maxima, & nouum à Rogerio edificatum. Confirmatur Fazelli testimonio, qui scripsit: Mendula oppidum iacet, vbi & templum est Diuæ Luciae, & paulò infrà pyramis, & vrbis antiquæ prostratæ ruinæ. hæc lib. 1. & in Abbatiarum Catalogo eam Sanctæ Luciae à Mendula appellat, quod in eius rei testimonium vergit, vt euidentius constet ibi olim oppidam, aut non procul extitisse tradit Cænobium à Rogerio Comite cōditum, idque eius diplomate dato Syracusis, an. salut. 1100. vbi licet animaduertèremendum esse impressorum. quod lib. 10. scripsit, 1110. Quod aliqui non attendentes vel ipsi temporum ignari decipiuntur, vel eius, quod author scripsit, incuriosi alios etiam in errorem inducunt. In quem lapidem impigisse video Dominicum; qui Fazelli opus Italo idiomate mutauit. Illud tamen nobis deplorandum. Quòd hæc Abbatia diutissime derelicta solo, & nudo adhuc titulo perdurat, prouentibus à Canonicis Sancti Ioannis Lateran. in Vrbe Roma exactis, & tanti operis ade (miserabile visu) delapsa testudinis parte in dies ruinas minante: Dum tamen hæc scriberemus, electus est Abbas Paulus Callares presbyter non minori vtriusque iuris scientia, quam virtutum synceritate præditus, hinc loci iustauratio, sancta tecta reficienda, & cætera in melius mittanda sperantur.

6 Anno verò Christianæ salutis 1154. (vt Fazellum



lum hic sequamur, quamuis, & ipse in subducenda temporis ratione plerumque sibi non consentiat. quicquid scribant Maurolycus, Matthæus Sylva-  
gius, Regni Constitutiones, & alij annales asserāt, nihil quidem Mendosius, & corruptius, quam Re-  
gum successiones continentes, Rogerio Regi ex hu-  
manis decedenti Gulielmus Filius successit sed cui  
avaritia, in clementia, crudelitas Mali cognomē in-  
diderunt. quem scribunt auro, & argento vndique  
collecto coriaceam monetam publicè expendendā  
iussisse. Sub hoc Rege (quod ad nostram historiam  
facit) Goffredus Montis Canosi Comes multis vir-  
tutum insignibus nobilissimus possidebat in Sicilia  
Netum, Sclafanum, Calatanissetam: sed Netum,  
quod & natura, & arte, & populi frequentia esset  
munitissimum, pluris faciebat: Quo tempore Maio  
admiratus, ut ex vilissima Barensum face, ita ad  
celissimam Regni dignitatem indignissimè proue-  
ctus, & cui Rex debito credulior acquiescebat, in-  
ter proceres, & Regem iniquissima dissidia seminās  
Gulielmo persuasit, ut Netum à Goffredo eripe-  
ret, & sibi in Regni tutelam deligeret, Comitemq;  
iucundissima sede spoliaret. Quod & contigit.  
Quippe ubi principes assentationi, & invidia, vi-  
tys optimæ cuique virtuti perniciosissimis faciles  
præbent aures, quid boni non excluditur? aut quid  
mali non committitur? Gulielmo Malo Guliel-  
mus filius à contrarijs patrimoribus Boni cognomē  
assecutus (ut rectissimè omnium refert Fazell-

lus ex Guiscarda Falcandi historia) salutis anno  
 1166. die nono Maij successit: eiꝛue sine liberis  
 mortuo 1189. à Siculis proceribus Tancredus Ro-  
 gerij Regis ex Concubina filius subrogatur: sed  
 quinto post anno morbo correptus Rogerium fi-  
 lium Regem declarat, & paulò post moritur. Ro-  
 garius tamen Henrici Imperatoris fraudibus Regno  
 spoliatur, & in Germaniam deportatus crudelissi-  
 mis supplicijs vita exiit. Henricus igitur, qui  
 Constantiam vnicam Nortmānicæ familie Sobolē  
 Pontificis maximi consensu è monialium claustris  
 extractam duxerat uxorem, eiusque iure Siculum  
 Regnum sibi ascuerat, anno 1195. Sicilia suscepit  
 Habenas, & regnavit ad annos Christi 1199. susce-  
 pto ex Constantia filio Friderico, quam annis gra-  
 uem, ne qua subditiua prolis suspicio suboriretur,  
 sub Conopæo in medio foro in Apuliæ enixam refe-  
 runt. Infans autem Fridericus in Siculo Regno Pa-  
 tris substitutus septimo suæ ætatis anno Panormi Co-  
 ronatur. anno huius Regni 14. & sub Adamo Epi-  
 scopo Syracusano, legimus Isimbardum Morengiā  
 Netinarum Dominum fuisse: qua autem concessio-  
 ne id obtinuerit, nescimus: nec tamen inde, quomo-  
 do eo defuncto, proleque extincta (habuit filios  
 Henricum, & Gutielmum) vel aliàs oppidi iura  
 amittere, ad Regem deuolueretur, inuenimus. Vnde  
 conijcimus Isimbardum, vel filios in eam con-  
 spirationem consensisse, quæ circiter an. sal. 1232. à  
 Messanenſibus, Syracusanis, alijsque populis exci-  
 tata.

tata est, nec multò post seditiosis pœnam multatatis cõ  
 pressa. Hic edificauit monasterium Sanctæ Mariæ  
 ab Arcu ad quintum ab vrbe lapide ad Aquilonẽ.  
 dotauit Ecclesiam quatuor feudis, quorum vnum  
 nomen retinet à loco, vbi templum est situm (dici-  
 tur enim ab Arcu) alia sunt Planetta, Gaitanini, et  
 Bulchalem. Omnia hæc fratribus, & Abbati Ro-  
 dolfo, eorumque in ordine Cisterciensi successori-  
 bus tradidit, & assignauit: & in eodem templo ip-  
 semet Isimbardus est sepultus. Vidimus nos perue-  
 tustum instrumentum, quod adhuc integrum serua-  
 tur à Netinis habitum Mense Nouembri, à Virgi-  
 nis partu anno 1212 leguntur ibidem multa oppi-  
 dulum nomina, quæ olim in agro Netino sita nũc  
 iacent: quorum vnum est Bulchalem, Africanum  
 nomen, cuius ager vulgò vocatur Buchachiemi.  
 fuerat olim Gulielmi Crosno, qui cùm à Rege Fri-  
 derico defecisset, oppido multatus est: idque Isim-  
 bardi precibus eidem ecclesiæ eius arua hodie pos-  
 sidenti est concessum. alia sunt. Hadedi, quod vulgò  
Hadedi, Mezuluirum, Lausi, Saccullini, Cellarini:  
 hæc omnia oppidula stabant sub Isimbardo, dum  
 Netinis, & horum populis dominaretur. Item Bul  
ful, cui modò Bursuni est nomen, vt eiusdem lite-  
 ris constat, temporis peruersitate dirutum dicitur,  
 ita vt sub Isimbardo iaceret. Mortuus est Frideri-  
 cus secundus eius nominis Imperator, & primus  
 Siciliæ Rex, ducentis quinquaginta Lustris à ver-  
 bo in carnem missò, quem non multò post sequitur

Conradus filius, cui pater Siciliam legauerat, ve-  
 neno à Manfredò fratre, eoq̃ue ex Concubina ge-  
 nito sublatus. Manfredus an. sal. 1256. Panormi  
 coronatur: sed Romanis Pontificibus ex sua, pater-  
 na, auitaq̃ue insolentia odiosus à Carolo Prouinciæ  
 Comite, Andagauensium Duce in Neapolitanum,  
 & Siculum Regnum accersito, collatis signis dimi-  
 cando interficitur, annis à Virgineo partu 1265.  
 Conradinus Conradi filius Regno auito, patrioq̃ue  
 successurus tertio post anno, & ipse à Gallico exer-  
 citu captus Neapoli securi percutitur. Tum Caro-  
 lus, infausto tamen omine, Siciliam suscepit guber-  
 nandam dicam, an populandam, contemnerandam,  
 delendam? Tanta enim immanitate, auaritia, stu-  
 pris, sacrilegijs, strage Galli Siculos nil tale meren-  
 tes premebant, vt tandem victa malis patientia, et  
 impijsimæ seruitutis iugo excusso, Panormi primò  
 mox in reliquis Siciliae vrbibus, & oppidis, hora  
 (vt in veteri prouerbio est) vespertina, omnes Gal-  
 los vnanimi consensu trucidarint, anno salutis hu-  
 manæ 1282. cum annis 171 à Manfredi morte saui-  
 simam in Sicilia tyrannidem exercuissent. Gallis  
 cæsis, Caroloq̃ue frustra secundò dominatum tentā-  
 te, Siculi Petro Aragoniæ Regi ad huberrimum,  
 & fidelissimum Regnum accito se dedunt, & in eius  
 protectionem committunt. Cui defuncto 1286. Ia-  
 cobus filius successit, per quem Regni Constitutio-  
 nes primò inceptas habemus: eoq̃ue in Aragoniā  
 ex paterno testamento profecto, Sicilia Friderico  
 Secundo

Secundo traditur, qui pro Siculis acerrima aduersus fratrem ad Callos inclinatum, & alios hostes gessit praelia, & Siciliam ad annos Domini 1336. ut limatiores annales Siculi, & Fazellus scribunt, fortissimè gubernauit.

Circiter autem nostræ salutis annos 1300. Roberto Caroli Regis filio, Duce Calabriae, Siciliam multis excursionibus, & insidijs infestante, Vgolinus Callares multis muneribus sollicitatus, minisq; etiam addictus animo ignaua formidine terretur, & Netum, quod pro Friderico Rege tenebat, à quo è Sacro Baptismatis fonte filius susceptus fuerat, eidem Roberto impia & nefaria produtione tradidit. Nec multò post sub Gallorum regimine perstitit. nam biennio ferè transactò inita est pax inter Fridericum, & Robertū, omneisq; Siculae Ciuitates Friderico sunt restitutæ. Dum autem hæc agerentur, Ioannes Cappellus nobilissimus miles (inclytasemper fuit Neti, ut & in Italia, vnde dicitur oriunda, Cappelloꝝum familia, & ad nostra vsque tempora continua nobilitatis successionē dignissima quæque officia, & præclarissima munera, & in hac vrbe, & in tota Sicilia gessit. quin imò cum primū Landelinæ, strenuissima Nortmanni generis soboles, Neti commoratum venissent, nobiliorem, quamuis multas fuisse legerim, quacum affinitatem contraherent, Cappellis familiam non inuenisse dicuntur) Ioannes inquam Cappellus Dominus oppidi, & faudi Chandasini olim in agro In-

spica fundi, nunc autem Netino, ut erat patriæ  
 amantiſſimus, & erga Aragonios Reges iuſtiſſima  
 pietate ornatus, plurimum laborauit, ut ad Regē  
 Fridericum, tanquam verum, & iuſtum Dominū  
 Netini redirent: ſed Roberti præſidio & eorum po  
 tentia, qui pro Roberto iura dicebant à tamulibus  
 excitandis abſterrebantur. Nec defuerunt Ioanni,  
 habitis Regum conuentionibus, digna ſuis labori  
 bus præmia. opes enim, quibus Gallorum iniuſti  
 tia, & atrocitate fuerat expoliatus, Friderici mu  
 nificentia recuperauit. Fuerat hic Manfredo Sici  
 liæ, & Neapolis Regi ut chariſſimus, ita etiam fi  
 deliſſimus. tanta enim inerat homini gratia, ut fa  
 ciliſſimè principum animos ſibi conciliaret. Cuius  
 inuidia à Carolo Rege, qui Manfredo ſucceſſit, &  
 eius amicos habuit inſenſos, bonis omnibus (quæ  
 erat Gallorum truculenta cupiditas) expoliatus  
 exulare compellitur. Cæterum, mutante fortuna ve  
 ces, Gallis è Siculorum dominatu eiectis, ſub Pe  
 tro Aragonia, & Sicilia Rege Netum redijt, &  
 in patria honeſtam vitam degebat: donec quorun  
 dam proditorum ſollicitudine Netini ab Aragonijs  
 deficerent. In ea tamen defectione Ioannes (ut di  
 ximus) ita legitimorum Regum obſeruantiffimum  
 ſe præbuit, ut pro viribus patriam ad illorum iuſtiſ  
 ſimam obædientiam, & regimen reducere conten  
 derit. Cuius rei non ignarus Fridericus, cui hic hu  
 militer voluit ſupplicatum, pagum illum et feudū  
 iam rebellionibus, & Regum conuentionibus Fiſco



Regio deuolutum, & Gombaldo Podio antea tradi-  
tum, Ioanni Cappello, quem inculpabilem, & inno-  
centem fatetur, Netinis officialibus restituendum  
mandauit, dum Catana adesset, Calen. Nouembris,  
an. sal. 1302. Vidimus nos literas Regias, quas Bar-  
ptolomæus Prouina, Iacobus Vassallus, Guido Fa-  
lesius, Franciscus Cacciaguerra, Iudices executi  
sunt, & quibus viginti testes subscripsere. Tum Io-  
annes Senio confectus lata, & felici pace in domi-  
no quieuit. Nec defuerunt ea tempestate alij nobi-  
les, qui Neti florere, & Sanctissima disciplina  
gubernarent, ut fama per omnes Trinacriæ vrbes  
diffusa prædicabat. Comperi Gerardum Bombaronē  
vnde opinor familiæ Baronum genus oriri, an. sal.  
1523. in pretio fuisse. lego & alterum Ioannem  
Cappellum iudicem cū prædictis Bartholomæo Pro-  
uina, Iacobo Vassallo, Guidone Falesto, & Franci-  
sco Cacciaguerra, anno Dominicæ Incarnationis  
1332. erant quippe Cacciaguerræ nobilissimi, &  
feudorum Domini, ut inferius patebit. inuenimus  
Rinaldum Cappellum Antoni filium Dominum  
feudorum Mulisinæ, Bumbuscuri, & Alfani. Flo-  
ruit eadem tempestate Gulielmus Buccherius, insi-  
gni vir sanctitate: qui animo, & viribus fortis in  
Friderici Aulam, & sodalitiū admittitur. Quo  
tempore contigit, ut venando ferocissimus aper Re-  
gi insultaret, eiusque vehementi conatu equus ab-  
sterritus parum absuit, quin sessorem deiceret.  
Quod ubi Gulielmus aspexit, equo desiliens Regi

Baronum  
familia

1523

see L. 1. c. 1. m.  
Buccherius



opem laturus accurrit, & vt erat animo strenuissimus, audet aprum obnitentem inermi manu adoriri audacius potius, quam prudentius bestiam superaturus. acerrimo illa impetu inuicta aduersario inter media femora infestos genuinos impingit, immanique rostro subducto iuuenem ingenti plaga sternit. & quamuis interea inuicta Friderici manus aprum felici vulnere peremisset. Gulielmus tamen sui corporis viribus fractus, & valetudinis inops è sylua semianimis deportatur. Cui Rege cetera benignè promittente, & vltro offerente idoneū reliqua vitæ subsidium: nil tamen aliud, quam domunculas quasdam prope Crucifixi templum, reliquias (vt in quadam Diui Conradi historia inuenio) Africanæ arcis postulauit. quò se recipiens abiectam, & tenuem sed ingenuam, & inculpata vitæ exegit, omnibus suis ciuibus præ generis antiquitate, & morum honestate charissimus. Huc admissus est (peregrinos enim, quotquot baculis sub alas submisus incedens poterat inuenire, hospitio inuitatos pro viribus sustentabat). Conradus miles Placentinus, cuius historiam inferius subiiciemus: & ad eius mortem, quæ fuit an. sab. 1351. dignissimam Christiana pietate vitam duxit. Nam deinceps patriam relinquendam ratus, vt commodius, & liberius Dei se obsequio prorsus manciparet, Siciliam profectus est: vbi in quadam Casula vilis, & ignotus requieuit, donec multis miraculis Illustris animam Deo redderet. eius hodie reliquiae magnæ sunt  
apud

apud Siclenses venerationi, & in Diui Matthæi religiosa pietate coluntur : eiusque festum Domini-  
 ca in Albis cum frequentialiorum populorum Cō-  
 uentu quotannis celebratur. Vbi tanti viri meritis  
 complures ab hernia, al- s-que morbis liberantur.  
 Extiterunt, & sub Friderico in armis inclytissimi  
 Landolina, strenuissimam rei militari operam na-  
 uantes, & cum bello clarissimi, tum suis Regibus  
 fidelissimi amplissimos honores, & ditissima sibi prę-  
 dia compararunt. Dum Rex Aedonem oppugnaret,  
 Bartholomæus Landolina propter res non minüs  
 validis viribus, quàm firmo animo erga Fridericū  
 gestas ab eiusdem principis munificentia profe, &  
 heredibus fœuda Frigētinis, & Grampolum, quę  
 fuerant Thome Piscis, qui à Rege descierat, obti-  
 nuit, necnon, & alias proditorum opes adeptus est.  
 Datum, est diploma in Castris, die 23. Ianua. an. sal.  
 1300. Quarto eiusdem Regni anno. Huic successit  
 Ioannes Landolina, qui decedens an. 1358. habuit  
 filios superstites Bartholomæum, & Vassallū, qui-  
 bus legauit fœuda Frigētinis, & Grampolum, &  
 Charciciram. lego etiam Bartholomæum Landoli-  
 nam Vassalli fratrem legasse fœudum Frigētinis  
 Mutio filio, & Accardo Grampolum. Conditum  
 est testamentum Neti die 18, Iulij, quintæ Inditio-  
 nis, 1382. Mutio successit Ioannes Landolina fi-  
 lius, qui sub Alphonso anno Domini 1440. Fride-  
 rici priuilegium exscribendum curauit. idem fecit  
 Rogerius Landolina magni nominis miles, Ioānis.  
 succes-

successor an. sal. 1465. Anno à Dei filio in terris nato 1333. Mense Decembri (vt in Ennensi historia copiosius explicuimus) Ioannes vicesimussecundus eo nomine Romanus Pontifex vltimum propè diem spiritum efflaturus Siculos anathemate, & interdictis absoluit, quibus ob violatam ecclesiasticam immunitatem illigarat. Sunt deinceps Sacra Ecclesiis restituta, quibus diutissime caruerant. Tū primum ex Eremita Conradus egressus pia loca visitaturus bina vna die edidit miracula: nam & Antonium Sessam è diuturno lateris dolore liberauit, & sacerdotis filio herniam coercuit. Aucta est Netinis latitatio tanti viri incolatu donatis. Nec multo post Neti Fridericus honorificentissime est exceptus, & Pachyni littora, relliquamque hora maritimam proximè visurus pyratas terrestri praelio fudit. Idem verò fato concessurus Gulielmum filiū Netinorum, & quorundam aliorum Ducem creauit, quod fuit an. sal. 1335. Collatis alijs dignitatibus, & oppidis Ioanni Gulielmi fratri, nam Petrum natu maximum Regni Consortem asciauerat. Sed Gulielmus Regis (vt appellant) Infans Athenarum, & Neopatriæ Dux, Calatafini Comes, & Neti Dominus apud Pandormum decedens Ioannē suorum omnium iurium heredem reliquit, anno à Christi Natali, 1337.

Interea Petrus Secundus eo nomine Sicilia Rex solus gubernandæ prouinciæ onus suscepit, in qua multa sanctissime instituit, quæ subditorum emolumento

mento essent profutura: plura ab eius virtute expectabantur, sed immatura morte præventus Calatassibetta an. sal. 1342. occubuit filium Ludonicum sub Ioannis patrui cura Regni heredem, relinquēs. Sub Rege Petro Rinaldum Riccam nobilem militē lego: cuius tamen fœudi dominus fuerit (quos modò fœdatarios vocant, milites Regum diplomate dicebantur) inexploratum habeo. Is filiam Margaritam Guidoni Bombaroni dedit: in dotē verò octoginta auri uncias in pecunia argentea, & insupellectili quinquaginta numeravit. Veterum parsimoniam licet advertere, & eam nostrorum temporū, luxuriæ comparare: quando quæ nobili sanguine progenita minus decem aureum milibus attulerit in dotem, inopiæ notatur. Sub eodem Rege Netinæ Consuetudines, quas in huius opusculi calce subieci mus, cæptæ sunt literis mandari, fuit is salutis nostræ annus 1341. & habitæ sunt Messanæ 2. lun. 9. Indist. Successit Patri Ludonicus sextum ætatis annum nondum egressus, sub Ducis Ioanni tutela cæptus educari: sic autem exposcentibus proceribus adhuc infans Panormi coronatur. Quando verò ex ornatissima adolescentis indole prosperiora in dies rerum monumenta expectabantur, ante diem properante fato Aci è vita migravit, anno à Christo nato 1355. Floruit sub hoc Rege Netinorum pietas, & potentissima Landolinarum arma celeberrimo laudum præconio erant toti Siciliæ admirationi, & non contemnendum hostibus terrorem inferre.

inferebant. Lego in quodam Nicolai Carobeni Tabellionis instrumento an. sal. 1344. confecto, Diui Dominici templum Religiosæ fuisse venerationi, multis antea lustris, & non multò post à sui ordinis natali fundatum par est credere. Meminit huius Diuus Antonius historiarum parte tertia, titu. 23. cap. 13. eique nonum inter Siculos conuentus ascribit locum. Quanta autem hodie, & loci amplitudine, & Religionis cultu, & sex Priorum Prouincialium electionibus, eisq; non semel habitis floreat, clarius est, quàm vt hic sit annotandum. Illud maius Netinæ pietatis decus, quòd ex eremitatebris tanta Beati Conradi famæ, & sanctitatis gratia redolebat, vt Iacobus Romanus natione Syracusanæ Ecclesiæ præsul, audita hominis virtute Syracensis ipsum coram conuenturus sit profectus: miratusq; hominis parsimoniam, eloquentiã, signorum virtutem alacrior in suam sedem redierit. falso hunc Ennechum, siue Henricum nuncupatum apud quosdam reperio, si veram temporis rationem subductam volumus. Iacobus enim hac tempestate, & ante mortem, & post mortem Conradi Pontificatum gessit. Duce verò Ioanne anno salutis humanæ 1348. peste sublato Netum sub Regis Ludouici ditionem venit. Ille quidem inter plurimas Sicularum procerum defectiones, & seditiones, quæ iunior ætate, & viribus penè destitutus poterat, animi firmitate Regnum administrabat: Palitum tamen, genus hominum impotentissimum, vi, dolis,

*varijsq; artibus non tam ad inferendam Regiæ di-*  
*gnitati ignominiam, quàm vt Blasco Alagonæ, pe-*  
*nes quem summa Imperij Siculi consistere videba-*  
*tur, iniuriam facerent, Netum inter alia oppida oc-*  
*cuparunt. neque ad illud exequendum magna armo-*  
*rum violentia vtendum erat, cùm & Regina Elisa-*  
*bettha, nescio qua muliebri lenitate, ne dicam teme-*  
*ritate Palitiorum fautrix his motibus annueret.*  
*Expulerant Neto Palitijs Blasci. Regis, in.ò & In-*  
*stitiæ studiosos Landolinas, familiam quidem non*  
*minus virili animo inuictam, quàm genere nobilif-*  
*simam. At Ludonici nutu Rolandus Aragonius, &*  
*Ioannes Landolina, cuius illustris fuit in armis præ-*  
*stantia, mira fidelitas, admirandus omnium virtu-*  
*tum cumulus, facta valida militum manu, eoq;ue*  
*omnibus Landolinis contendentibus, dum ciues, &*  
*contrariæ factionis viri in extremo vrbis cornu in*  
*templo Diui Frantisçi præfecto, eiq;ue ex Palicijs*  
*parentarent, euulsis suo cardine ianuis Netum in-*  
*uadunt, semitas omnes occupant. Fauste Aragonijs*  
*& Landolinis conclamant, hostes eijciunt, ciuib;us*  
*suis parcunt; & Regis nomine ipse Ioannes Vrbi*  
*custodiendæ, & in fide retinendæ præficitur. gesta*  
*sunt hæc circiter annos Domini 1349. varijs in to-*  
*ta Sicilia seditionibus, & bellis acriori turbine vr-*  
*gentibus. Quando vel incultis ciuili odio terris, vel*  
*sectis, combustisque hostili incendio segetibus, tan-*  
*ta fames Siculos varijs cladibus afflictos inuasit,*  
*vt (si Maurolyco referenti credimus) non solum*  
*opes*



opes exhauferint, pudicitiam prostrauerint, sed  
 (abominabile scelus) plures filiorum carnibus he-  
 braico, imò ferino ausu materna viscera repleue-  
 rint. Operdita tempora, o detestandam feritatem;  
 vt in vnā diē infeliciſſimā vitā prorogaret  
 innocentum ſanguine, & eorum, pro quibus mori  
 debebant, fœdiſſimū ventrem ſatiarunt. Legi-  
 mus Diuum Conradum maximo tum Netinis adiu-  
 ment, fuiſſe: vt qui panibus cœleſti munere confe-  
 ctis aduenientes expleret. Idem tamen non multò  
 poſt ad æthercam vitā vocatur indeficiente diui-  
 ni verbi menſa fruiturus: quo die plura Deus ob  
 tanti viri ſanctitatem teſtificandam edidit miracu-  
 la. Nam & Netinæ, & Hyblenſes Campanæ nullo  
 impellente defunctum lugebant, donec ipſe à geni-  
 bus erectus, emiſſo tamen ſpiritu comperiretur. &  
 quamuis Hyblenſes ſibi cadauer expeterent, Ne-  
 tini euidentiori ratione ſibi debitum expoſcebant.  
 Conſerta pugna dimicatur: nemo tamen, Conradi  
 precibus, quod & antea cuidam Sacerdoti ab auri-  
 bus prædixerat, aut vitā, aut ſanguinem, aut telū  
 ullum perdidit. Tum electi quaterni, qui humo ſub-  
 latum ſibi caperent, incipiunt Hyblenſes, nec hu-  
 mo quidem erigere potuere: ſuccedunt Netini, &  
 leuius pluma feretrum in urbem reducunt, ingen-  
 tiſque, vt par erat, gaudio in Diui Nicolai depoſue-  
 re: vbi plurima miracula ſunt conſpecta, multis à  
 varijs morborum generibus liberatis. Quod, & ad  
 hæc tempora facere non deſtitit. Meminit Conra-  
 di

di Fazellus, meminit Maurolycus, meminit Lucius Marineus epist. lib. 5. Dormiit in Domino. vñdecimo Calen. Ianu anno sal. 1351. vel (vt quidam scribunt) 1350. Oritur differentia, quòd alij à Cal. Ianu. alij verò ab octauo Cal. Apr. anni exordium auspicantur. lego eodem anno Neti iura dixisse Bartholomæum Barhilatum iudicem. quæ familia multis seculis clarissimè floruit: nunc autem est extincta. Dum verò Ludouicus ciuitates, & oppida, vt primùm per etatem licuit, ex officio, & rerum necessitate obiret. Netum profectus est: vbi Regio honore exceptus aliquantisper quieuit in Salonix domibus, vt perhibent, hospitatus, & multas ciuibus concessit immunitates, eorumque fidelitatem gloriosis laudibus extollit, vt eius diplomate constat, anno à Christi Natali 1353. dato Neti. hinc Catanam reuertitur. Cùm verò non deessent seditionosi ciues (quorum nostra ætas huberiores producit segetem) qui ex maligno liuore certorum hominum inimicitias fouendo in patriæ exitium ruerent, & fædam proditorum notam sibi inurerent, multa adhuc mala machinabantur. Ab hac hominum fæce Simon Claramontanus sollicitatus noctu Netum cum multa armatorum. turma accedit. fortè sopitos portarum custodes inuenit, quos tamen magis à coniuratis seductos opinor: tacitè ingressus semitam maiorem. quæ urbem mediam diuidit; Claramontanis felicia imprecatus excurrit. & ad vsq; Diui Francisci Cænobium victoris strepitu proficiscitur.

scitur. At Ioannes Landolina nec sibi, nec ciuibus  
 suis vnquam deficiens, vbi tumultu excitatur, ani-  
 mo non destitutus milites suos, reliquosque Neti-  
 nos ad arma vocat: qui repentino casu perculsi fe-  
 rociore in certamen insurgunt: hostes clamando,  
 & cædendo insequuntur: adeoque viribus value-  
 re, ut aduersarios, quasi victores, capto oppido glo-  
 riabundos, cæsis 150. & sine sepulture honore &  
 vastis rupibus deiectis, Simonem cum quibusdam  
 paucis in fugam verterint. Complures capti pœ-  
 nas, vbi illuxit, in aere astrictis faucibus in Diui  
 Nicolai Campo luerunt. Quo autem anno Ludoui-  
 cus Netum venit, condita est ad Ionij maris littus  
 in agro Netino ab oræ maritimæ custodiam, & ad-  
 uersus Hyblenses turris, cui cognomentum est Sta-  
 in pace. fuit olim hoc apud Nerinos familie co-  
 gnomen. Et quoniam huius turris condendæ author  
 fuit Blascus Alagona, eius auspicio tribuitur, &  
 eiusdem stemmate decoratur. Redeo nunc ad Ioannē  
 Landolinam, qui primus censetur inter procures il-  
 los, qui cum Artale Alagona Blasci filio, viro qui  
 dem belli clarissimo, Rogerio Theutonico, Gerar-  
 do, & Gulielmo Spataforis cum 150 equitibus, &  
 250. Cataphractis de sexcentis Claramontanorum  
 equitibus Felicem victoriam retulerunt, cum plu-  
 res, Artalis præsertim brachio, occiderint, multos  
 ceperint, reliquos omnes fuga auerterint. Conti-  
 git hæc pugna apud Leontinos, dum Artales Syra-  
 cusis Catanam proficiscitur. Nec defuit in multis

alijs

alijs inuicta Landolina præstantia, quò res exigebat, vel Regis obædientia desiderabat, auxiliares copias ducebat, & quidem promptissimè.

Defuncto fatorum festinatione Ludouico in ipso adolescentiæ flore absque liberis Fridericus frater subrogatur: sed quì mitiori fuit ingenio. & hebetiori mente, quàm vt inter tot procerum, & ciuitatũ dissidia tanto Regno præficeretur, nam & simplicis, & auriti cognomen ignaua quadam socordia, et stulta credulitate est assecutus. fideliorum tamẽ heuorũ consilio adiutus multa prosperè gessit: & in dies meliori fortuna fuisset vsus & prudentiori rerum experientia instructus, nisi morte præuentus an. sal. 1368. & vitæ, & Regno concessisset, quando 1378. scribat Maurolycus. Nec minus autem sub Ludouico, quàm sub Friderico fratre fidelissima Netinorum constantia, & integritas innotuit. nanque Henricus Rubeus, qui plura per proditorem oppida sibi occuparat, vbi eius Messanenses exosi procacitatem defecere, omnesque penè Rubeos trucidarunt, hic infremens, & indignabundus ultionem meditans Netum accessit, multisque, propositis præmijs Ioannem Landolinam præfectum in suam coniurationem adducere conatur. Sed vix illum istam blaterantem ciues audire passi sunt, frustrato aduentu redire compulerunt, & in sui Regis, quamuis omnium procerum contemptui exhibiti fide perstiterunt, existimantes hanc esse subditorũ integritatem, vbi maximè superiores aduersis re-

bus quatiuntur, in fide constantissimè permanere. Quod & Fridericus fratris, aliorumque Regum privilegia Netinis confirmans apertissimè profite tur. Conseruatum apud magistratum diploma vidi- mus. Quamobrem inter oppida, quæ Friderici ditio ni subessent, dum cum Aloysio Neapolitanorum Rege, tunc & ipso Siculorum improbitate Sicilia infestante, inducias paciscitur, Netum inprimis an numeratum est. Idem igitur Ioannes Landolina ma xima vir integritate, & armorum peritia, Frideri- ci etiam Regis consiliarius, dum à rebellibus hosti- li clade vastantur agri, pro tutiori Netinorum, ea- rumque opum, quæ extra mœnia essent, munimine, & custodia ad sextum ab vrbe lapidem edificandâ curauit arcem, quod Castellucium nominarunt: vbi milites in præsidio dispositi ab occidente & AQUI- lone Netinos agros ab hostium incursionibus tuta rentur. Et quoniam in alieno solo (fuerat enim fœu dum Comitis Matthæi Palitiij iam rebellis) quam- uis in Netino arcem illam fuerat molitus: veritus, ne Palitiij heredes locum, & Castrum, tanquam si- bi iure debitum quandoque gratis reposerent, à Friderico obtinuit, vt si quando prædium illud à Cu ria Palitijs restituendum decerneretur, iusta æsti- matione præmia sibi propter expensas satisfaceret, ne publica vtilitatis causa factum in authoris detri- mentum, & damnum verteretur. Data sunt literæ Catinæ an sal. 1356. mense Decembri: quas Vassal- lus, & Syluius Ioannis filij Pargomeno exscriben- das

das curarunt, an. 1396. mense Februario. sub Regibus Martino, & Maria. Non desistebat solertissima Ioannes Vigilantia locis omnibus, tanquam alter Argus, providere: nulli labori parcens, nullum periculum defugiens. præsens ubique, & semper firmior erat, quò Regium negotium evocaret Vbi audiit Rolandum Aragonam in expugnatione arcis Cassibilis, quæ à Claramontanis detinebatur, laborare, eò confestim cum suis militibus contendit. Vbi tamen eundem iam rerum potitum comperit, Andree Taranto, communi hosti, qui Ludibrio Syracusis expositus meritas penas luit, aurem, & maxillam abscidit, & in victoriæ signum Netum detulit. Vnde discedere ne latum quidem unguem solebat, nisi Regis iussu aliquò arma vertenda essent Cùm autem Regius exercitus Leontinos obsideret, eò Ioannes Landolina cum tricentis equitibus Neto profectus auxiliares Friderici copias auxit. Soluta tamen obsidione Claramontani iniurias ulturi Netinos agros populantur, ad arcem Castellucium insidias tendunt. Cumque eousque Ioannes Landolina progressus hostes sequeretur, in subdolas eorum insidias delapsus plexus est capite. Tum Artales Alagona re cognita Netum se contulit, Netinos pro concione consolatus, & à rebus propria, & Regia fide fortiter gestis collaudando ad earundem virtutum perseverantiam hortatur, eisque Manfredum Alagonam fratrem præficit: cuius legibus plurimos annos imò, & adhuc Netini sunt



vñ, vt in Curia Gazophilacio legimus. Mortuus  
 est Ioannes anno à Virginis partu 1358. Condide-  
 rat paulò antè testamentum die duodecimo Maij  
 Decimæ Inditionis: apertum est à Caradonna eius  
 vxore pridie Idus Iulij eiusdem anni. elegerat sibi  
 sepulturam Neti in Dini Francisci: legauit Bar-  
 tholomæo filio fraudum Maucinium, Burgium, Pa-  
 chynum, Salinas, quas emerat ab Vrsinorū Sa-  
 linas, Marsam Moriellam, Ruuetum, quæ à Regis  
 munificentia in laboris præmium obtinuerat, necnō  
 & Cammaratinum, quod paterna hereditate pos-  
 sidebat: Vassallo autem filio legauit Frigintinum,  
 Grampolum, Charciciram, in eisdem tabulis agitur  
 de alio Ioanne Landolina, & Gulielmo Landolina  
 consanguineis. fatetur ibidem plurimum è sua pecu-  
 nia in Castellucij ædificium impendisse. hoc testamē-  
 tum à iudicibus extribendum impetrauit Rinaldus  
 Landolina miles, mense Septembri anni 1451. Sub  
 Friderico claruisse lego Bartholomæum Barbilatū  
 magni nominis Physicum. Anno salutis humanæ  
 1368. Quinto Cal. Mar. Netivis per Syndicos, &  
 procuratores suos Andream Chilò, & Henricum  
 Prouenzanum ab eodem Rege Messanæ tum com-  
 morante priuilegij confirmationem obtinuerunt,  
 quod Ludonicus prædecessor concesserat: etenim si-  
 delissima Netinorum opera multis in bellis, seditio-  
 nibusque comprimendis vsus cūm Neti adesset, pu-  
 blico diplomate officiosa eorum obsequia commen-  
 dauit, in omni fortuna strepitu Regibus præstita.

Fauerant

Fecerant enim, integramque operam præstiterant. & ipsi, & fratri Friderico, non parcendo rerum, bonorumque iacturis, personarumque periculis. ea Regis Ludouici laudatione Netinorum ciuitas famosa & celebris appellatur. Cumque Regiam maiestatem excoluissent, & pro eius defensione multiplicem, & opum, & vitæ iacturam fecissent, in testimonium puritatis, & fidei Regiæ maiestati seruata à solutione iuris tricesimæ, & sexagesimæ, quæ aliis officialibus pro causarum, & litum agitatione soluebatur, pereniter exempt, & perpetuò liberauit. Tandem sub quatuor uiratu (qui magistratus est vrbi annuus) Ioannis Cappelli, Prudentij Bellassai, Bartholomæi Cassini, & Rinaldi Arnolphi præuilegia hæc à Ludouico, & Friderico Regibus habitata excripta sunt, anno Domini 1402. 3. Ian. decime Indi. Idem Martinus Rex confirmandum duxit, Catinæ 14. Martij 15. Indi. 1406.

Mortuo Friderico, mense Iulio, prædicti anni 1368. adhuc Netum à Manfredò Alagona præfecto detinebatur, usque ad Martini Regis aduētum, cui vnica Friderici filia, & Regni hæres data est nuptui: dicebantur ad Manfredi libitum iura, quemadmodum ex antiquis huius vrbis processibus constat. Huius an. sal. 1381. 24. Ap. Iurati Rinaldus Barbilatus, Antonius, Ursus, Ioannes Cappellus, Iacobus Leantius persuasere, (quod & lege cautum est) ne deinceps mola aquatiles, quarum erant tunc temporis 12. modò verò plures viginti,

ex albis lapidibus fieri permetterentur propter faciliorem eorum corruptionem. decretum est, ut deinceps nigris cotibus, quæ diutius conseruantur, & in puluerem farinae immiscendum non deminuuntur, vterentur. Idem Castellum, quod inferius nominamus, in edito quidem, & natura vndique munitissimo loco sibi ædificandum locauit, an. Dom. 1384. nec omnibus tamen membris absoluit. nam interea an. sal. 1391, (vt rectissime omnium scribit Abbas Messanenſis) Maria Regina legitima Regni hæres in Siciliam cum viro Martino, & eiusdem nominis Socero reuersa est, à quibus Manfredus fraternam temeritatem secutus defecit; Neto tamen, vel eo inuito, in Regia fide permanente: vnde complures à Maria, & Martinis Regibus gratias impetrarunt, & per multa privilegia Regiæ celsitudini fideles nuncupantur. Antea verò quàm Maria Regis Friderici filia in Hispaniam citeriorem Martino in matrimonium collocanda asportaretur, Arta le Alagona, sub cuius tutela tenebatur, & à quo è sacris vndis fuerat suscepta, Vicarij munus obeunte, & ipsa iustis de causis sustulit à Netinis officiũ, cui baiulatus erat nomen. multa enim dicebantur rapinæ, plura furti, & alia scelestiora flagitia committi, dum nocturnarum excubiarum excusatione improbi viri urbem more latrunculorum excurrerent quod in plerisque oppidis fieri incassum nonnulli dolent: eius autem loco patritiatum instituit: qui honestiori dignitate præfulget, et nobilioribus,

pru-

prudentioribusque viris annuo munere concessus multis litibus tum rusticis, tum urbanis dirimendis deseruit. Grauiam quidem Mariæ literis in huius ciuitatis laudem prædicantur: dum fatetur se puram, & synceram fidelium Netinorum pietatem, tum erga Serenissimos Reges prædecessores, semper præstitam, tum etiam in seipsam perspexisse: & subinde de clara Netinorum integritate non male merituram pollicetur. Conseruatur à Senatu cum alijs diploma datum Catinæ, an. sal. 1384. 20. Ianu. liceat hic interponere vetustam, & honestam, quâ uis summo loco nō natam Littararum familiam sub Mariæ tempora me agnosce. nam apud acta Ioannis Mariscalci Netini tabellionis comperio vnum ex testibus Marcum Littaram in quadam Procuratione ab imperia Balda fæudi Billudie domina constituta mense Nouembri, an. sal. 1385. hasce ades habitabat, quas post longam maiorum nostrorum possessionem, post meum in eisdem Natalem, post flebilem, & semper mihi lugubrem carissimi fratris Petri Littara Chirurgi mortem inter Diuorum Thomæ, & Christophori templasitas tandem alienauimus. Cæteram lacrymas coercens, & infelicitum temporum calamitatem alibi deploraturus, cōtextum sermonis præstituti non derelinquam. Dum Belingarius Turigles, & Guasus Queraltus in Sicilia adessent Martini Ducis, & Regine Mariæ procuratores, ad suscipiendam omnium Siculorum fidem, & obædientiam missi: Netini legarunt Anto-

*Littara  
familia*

nium Barbatum, & Nicolaum Saloniam Syndi-  
cos, & oratores, qui & fidem vniuersitatis nomi-  
ne iurarent, & ab eisdem omnium priuilegiarum  
confirmationem peterent, quod & concessum est  
Messanæ; die 25. Feb. 1390. Curarunt transcriben-  
dum 6 Mar. 1391. ijdem Syndici. Publica huius  
instrumenti fide admooneor non rectè scriptum à Fa-  
zello, & ab eo, qui quamuis limatiùs, Siculas Con-  
stitutiones, & Regum historias accommodauit, vbi  
Martini, & coniugis in Siciliam aduentus quarto  
anno superius assignatur, cum Drepani appulisse,  
& regnum auspicatos an. sal 1386 tradat. Rectiùs  
sanè Maucolycus, qui nostræ opinioni asipulatur.  
Posthæc igitur in Siciliam venerunt, & vnà re-  
gnare incipientes Martinus iunior, & Regina, ascen-  
do in Regni consortium Martino patre, procerum  
dissidia tollere, insulam à furtis, & rapinis defen-  
dere, & Regiam dignitatem tueri conati sunt. Mul-  
ta (vt de alijs taceam) Netinis priuilegia, & im-  
munitates concessere. Inter alia, ne vrbs ipsa alicui  
principi quouis pacto donetur, neve per alios,  
quàm per Reges ipsos gubernetur, quod ab empo-  
rio vindicari, alijsque locis tum fruges, tum legu-  
mina, tum omne genus mercis nihil cuiquam vecti-  
galis pendentes extrahere possint. Rata, & firma  
haberi voluerunt cætera aliorum Regum priuile-  
gia, quibus Netinæ ciuitati ob præstitam Regio im-  
perio fidelitatem, & opem aliquid immunitatis cō-  
cesserint. Addiderunt, neque in inuicti hospitio co-  
geren-

gerentur, nisi cum Rex ipse Netum veniret. (optimum, & pretiosissimum omnium priuilegium si non strates semper obseruandum curassent. O fortunatos nimium bona si sua norint, Netinos.) eorum, qui Reipublicæ curam gerunt, officia annua fore. Vidi mus nos diploma datum Panormi die quinta Iunij 15. Indit. 1392. Eodem anno Catina, concesserunt posse Netinos ex Vindicari, & Puzallo extrahere frumentum, & nauigia onerare non soluto extractionis (vt vocant) iure, dum modo mille sagmata quotannis non excedant. Contigit interea, vt Petrus Anghessa Ciuis Netinus à Regibus ex certa causa Syracusas fuerit relegatus, præstita centum auri vnciarum fideiussione, ne illinc recederet. Fideiusserunt Ioannes Cappellus, & Franciscus Cacciaguerra. Petrus autem, vt erat animo seditiosus, & subdolus, exiliū impatiens Syracusis ad Regis rebelles vltro se contulit. quod mox, & Franciscus Cacciaguerra, & alij eiusdem sectæ coniurati fecerunt, eosque improbißima suggestione commorunt, vt admotis copijs Netinam urbem à Regum ditione surriperent. Præmissi ipsi met ciuium animos tentabant, multaque scommata, & conuicia in Reges iactabant: vt tandem odio, & contemptu in eos suscepto, sollicitatis Netinorum voluntaribus Urbem proderent. at tota Ciuitas contrarijs votis accincta Rinaldum Landelinam Regium militem, & consiliarium elegit qui seditiosos viros, & factiosos ciues armata manu ex urbe expellerent.

Hic,



Hic quemadmodum, & reliqui Landolina, suis principibus fidelissimus, viriliter, & strenuo animo proditores in medio vrbis foro adortus coegit excedere, & per ignotas vias exilire, donec ad hostes, & sui similes homines proficiscerentur. Fisco addicta sunt bona proditorum per Iacobum Aretiũ à Secretis Martini Regis: Petri vades soluere iussi, & Francisci domus sub hasta vendita: erant domus sex cum horto, cisterna, & porticu in Zisichiorum regione. quæ omnia Rinaldus Landolina ab eodem præstinauit auri vncijs triginta, tarenis decẽ, an. sal. 1394. Confirmata est à Rege possessio, 1395. Quamvis autem Franciscus Cacciaguerra à legitima sui Regis obædientia discesserit Antonius tamẽ Cacciaguerra perstitit in fide integerrimus, & ab eisdem Regibus, vt par erat, commendatus, & ornatus inuenitur. probauit Coram Martino, & Maria possedisse supra octoginta annos fædum Catatau-  
sum. & quoniam varijs ciuium seditionibus, & populorum bellis priuilegia amiserat, ab eisdem iustis de causis adductis eiusdem prædij confirmationem obtinuit, an Dom. 1395. Quibus in literis maxime Antonij fides, & integritas commendatur, non solum per generalia verba, quæ vulgò in similibus priuilegijs apponi solent, sed etiam particularia quòd Ciuitatem Netinam quàm fidelissimè rexisset, & conseruasset, à facinorosoque improborũ hominum tumultu illasam defendisset. Hoc fædum peruenit ad Guidonem Cacciaguerram prædicti Antonij

tonij nepotem, qui hoc Martini priuilegium excribendum curauit, & confirmandum sub Alphonso, an. salutis 1418. Inde successit Aurelia mater Ioannis Barbilati, primi ex Netinis Billudie Domini. Et hic prædictum priuilegium excribendum, & confirmandum curauit sub eodem Alphonso 1453. pendebat Regi quatuor auri vncias, Balistarij pedes stris mercedem. Huic successit Mutius filius, cui sunt eadem confirmata, an. Dom. 1456. Mutio Ioannes Barbilatus, qui curauit confirmanda priuilegia Billudie, & Catatausi sub Ferdinando Catholico, 1499. lego insuper eadem confirmata Ioanni Barbilato sub Regina Ioanna, & Carolo filio, an. salut. 1517. Nec tacebo Mutium filium Lucretie filie Baldi Syracusani, quæ Ioanni Barbilato in dotem Billudiam attulerat, sub Rege Ferdinando, an. salut. 1480. eandem confirmationem obtinuisse. Nunc ad Martini historiam reuertor. Sub eadem temporæ Gulielmus Ramundus Montecatinus Comes. Augusta donauit Rinaldo Landolinæ Netino Militi, & Consiliario Regio fœda Williscaram, Binuinos, & Burgium, donatione libera, & ut eis sua sponte possit uti, & alienare, Catinæ, an. Dom. 1395. Cal. Decembris, quartæ Inditionis. Quam donationem Reges Martini filius, & pater confirmarunt, latissimè eo priuilegio declarantes quanta Rinaldus vigilantia, noctu, diuque armis indutus Regibus inservierit, & Netum urbem inter multas rebellium seditiones, fidelissimè, & sub legitimi Regis observationem

uationem firmissimè custodierit. habitum est Syraculis à Christo nato annis 1393. Mense Novembri, fuit quidem Rinaldus toti Siciliae charissimus, & dignus existimatus, qui maximi ponderis negotijs gerendis præficeretur. Electum procures voluere vnum è sex iudicibus, qui cū totidem à Martino electis (vt Siculae Constitutiones testantur) secum conferrent, & certo arbitrato deciderent, quæ nam oppida Regia essent, quæ verò certis dominis ex bonæ fidei acquisitione subijcerentur. Floruit, & eadem tempestate Mutius Landolina Martino, cui à secretis inseruij, à rebus, & domi, & Militiæ præclarissimè gestis commendatissimus, vt multis eiuſdem literis clarissimè liquet. Huic Mutio, simul et Henrico Statellæ, Simenio Cerda, Bartholomæo, & Vgoni Ricciulis, Cōsiliarijs Regijs dedit Castrū Mungelinum, quod Fazelus à Plinio vocatum scribit Magellinum, cum omnibus eius fœudis, & iuribus, olim datum Gulielmo Ramundo Montecatino iam rebelli: ita vt venditum bipartito diuideretur: altera quæ pars Regi persolueretur, altera verò eorum esset, quibus est donata. Subinde venditum est Henrico Statellæ, vni ex socijs: dimidio quæ Regi persoluto, reliquum cæteris est dilargitum. habita est donatio die primo Decem. an. salut. 1397. Nec multò post Orlandus Trauersa à Rege Martino defecit eundem Montecatino secutus, & Antoniū Vigintimiliū Comitē Collisani quapropter Martinus ablatiſ corum opibus prædium in agro Neii

no dictum Timugni, liberè, & gratis concessit eidẽ  
Mutio Landolina, qui fidelissimam Regi operam  
præstiterat. legimus privilegium datum Catina,  
an. sal. 1398. aie 6. Maij. Quinetiam inter initia Re-  
gni Martini iunioris. plures Netini ab eo deficien-  
dum clamabant, plures iam defecerant Manfredũ  
Alagonam secuti, qui Urbis Imperium sibi vsurpa-  
verat Regina Maria pretextu, cuius obædientia  
iam ab Artale Alagona tuendam acceperat. Mu-  
tius autem Landolina vir integra fide, & animi cõ-  
stantia per insignis Ciuitatem ad Regiæ fidei cultũ  
perduxit. Quamobrem Martinus Rex hominis be-  
neficium, gratumque studium agnoscens eidem, dũ  
viueret, concessit posse singulis annis ex emporio  
Vindicari tantum tritici suo rure collecti extrahere  
quantum ad vēstigal extractionis vnciarum auri  
duodequingenta ascenderet. data sunt literæ Ca-  
tinæ, anno à Christi Natali 1392. die 16. Decemb.  
primo ipsius Martini Regni anno. Ab eodem Rege  
Iurati obtinuerunt, ut prætores, qui iam annuum mu-  
nus confecissent, à decimonono Cal. Sept. ab officio  
suspenderentur, & Syndicatu subicerentur: præ-  
toria verò negotia per Iuratos gererentur, habitũ  
est diploma Catinæ die 15. Aug 7. Ind. 1399.

Curarunt transcribendum Prudentius Bellassai  
Rinaldus Notarbartolus, Guccius Guascus, Augu-  
stinus Polinus, quatuor viri, quarto nonas Augu-  
sti, an. Dom. 1407. Paulò etiam antea Martinus fi-  
lius concesserat Netinis posse ius (ut vulgato ver-

bo vtar) baiulorum propter eorum insolentiam, & rapinas tollere, & alia vectigalia imponere, vt ea pecunia vigilibus nocturnis satisfaceret. Datum Catinæ 13. Iun. 1399. Iam fuerat hoc olim à Regina Maria impetratum, sed propter eorum peruicaciã, qui hoc officij gerebant, adhuc persistebatur, donec Regia functione prorsus aboleretur.

Floruic sub hac tempestate Frater, Ioannes Ricca, Ordinis Minorum, Sacræ Theologiæ professor, & generis nobilitate clarissimus quem eundem esse censemus qui ab Angelo in Summa frater Ioannes à Neto (vt regularium est consuetudo) appellatur, & eiusdem commentaria in magistrum sententiarum, vbi de confessione loquitur, citantur. Hic ad Reges Martinos, & Mariam legatus confirmata habuit superiorum Regum priuilegia, & immunitates Ciuitati Netinæ ab alijs concessas, quæ autem ibi sanxerint, hæc inter alia capita subscripsimus. Omnes officiales per Ciuitatis Scrutinium fiunto A portu & emporio Vindicari possint singulis annis mille tritici sagmata extrahere: quorum quingēta sint ab omni onere immunia, pro reliquis verò soluant Regio Aerario solitas portuum pensiones. Ciues Netini in alijs Ciuitatibus, & oppidis, præsertim Syracusis, & in Motycano Comitatu nec ciuili, neque criminali causa coguntur: nisi quem admodum Neti observatur, & quemadmodum alij Ciues in Vrbe Netina Coram Magistratu in ius vocantur, & coercentur. legimus nos diploma datum

Syra-

*Syraculis, anno à Virginis partu 1396. die 17. Nouem. Omnia hæc Pargomeno excipienda mandarunt Quatuor viri Nicolaus Simonetta, Pinus Leantius, Antonius Carobenius, & Martinus Adenolphus, an. Dom. 1402. die 10. Nouem. Idem fecerunt Petrus Carniliuarius, Pinus Leantius, Franciscus Cappellus. Bartholomæus Guascus, à Christo nato, 1423. pridie Cal. Decemb. Iurati verò Gucius, Guascus, Antonius Notarbartolus, Nicolaus Alfanius, Rinaldus Ribaldus Pargomeno exceperunt literas Martini de extrahendis quingentis triatici sagmatis nulla soluta pensione, 1410. 3. Decem. Regiæ munificentia non immemores Martinus Adenolfus, Accardus Maiorana Ioannes Pulichinus Syndici, & legati Netinorum petierunt à Rege Martino immunitatem, & exemptionem iuris, & vectigalis, cui vetus nomen est Dohana, quoties aliquid terra, mari quæ exportarent. Ille verò, prout suo diplomate profitetur, non ignarus, quanta Netini pro Regibus in varijs præsertim bellorum, & seditionum motibus subierint. pericula, quantumque fideliter Regiæ obædientia in omnibus se gesserint, rebelles expellendo, & persequendo, Regem militibus, opibus, commeatu adiuuando libentissimè concessit. literæ habita sunt Catinae 16. Aug. 1401. licet autem Martinus Rex declarauerit Netinos ab omni iure, onere, & vectigali Dohana prorsus immunes: tamen propter publicæ rationis inprobritatem, qui ob varia in arte negotiandi nostra-*



tium, lucra plurimum sibi quæstus decreſcere vide-  
 bant, nonnullas paſſi calumnias Netini rursus Re-  
 gem adueniunt, Regia liberalitate frustrari conquerū-  
 tur. Ille verò integræ fidelitatis, & officiorum non  
 immemor priuilegia confirmat, pœnas, & multas  
 irrogat, nequis huic conſeſſioni derogaret. Data  
 ſunt literæ Catinæ anno Domini 1402. die 12. Iu-  
 lij, eas membrana exſcribendas Prudentius Bellaf-  
 ſai, Ioannes Cappellus, Thomas Caſſinus, Rinaldus  
 Adenolfus, Iurati, eodem anno 7. Cal. Sextiles. An-  
 tonius autem Carobenius, Pinus Salonia, & Ioan-  
 nes Pulichinus Syndici, & legati prædictorum pri-  
 uilegiornum confirmationem, præſertim pro Ciuitati-  
 bus ad ipſius Regina ditionem pertinentibus, quæ  
 vulgò Camera Reginalis dicuntur, confirmationē  
 impetrarunt. Datum eſt diploma Catinæ, die 8.  
 Maij 1404. quod exceperunt diuturnioriſilio iura-  
 ti, Pinus Burgenſis, Rinaldus à Græcis, Ioannes  
 Longus die 10. Apr. 1423. Huius tandem benigni-  
 tatem ſecuta Maria vxor Alphoſi, Netinorumq;  
 benemerita attendens eadem Martini, & Mariæ  
 priuilegia conſirmauit, quibus cauetur Netinos à  
 iure Dobanæ immunes fore. Impetratum eſt per  
 oratores Antonium Notarbartolum, Ioannē Lan-  
 dolinam, Ioannem Campianum, V. I. D. Datum  
 eſt diploma Valentia die 23. Mar. 1424. Netino-  
 rum etiam diligentia obtentæ ſunt literæ à Rege  
 Martino Catinæ, die 5. Iulij, an. ſal. 1408. vt tertia  
 quæque pars prouentuum, & reddituum ſcuderū  
 ab

ab Isimbardo Comite Monasterio ab Arcu legato-  
rum in eiusdem Monasterij fabricam, & reparatio-  
nem expendantur. Reclamantibus autem quando-  
que Abbatibus, & ijs, qui pecuniam ex agris con-  
ductis exigebant, earundem observationes obtenta  
sunt ab alijs etiam Regibus. Vidimus nos Regis  
Martini manum, necnon & Ioannis Infantis,  
qui primò pro Rege non multò post Rex ipse Sici-  
liam tenuit: quique, vt Alphonsus, Nicolao Spe-  
ciali Prorege, anno Domini, 1423, multò ante eas-  
dem literas saepius confirmarunt. conseruantur om-  
nia diplomata tum chartacea, tum membrana ex-  
cripta in Netini Senatus Archiuo. Præterea Bar-  
tholomæus Chirurgus, Antonius Notarbartolus,  
Antonius Adenolphus, Goffredus Ligorius has  
Martini literas de eadem expendenda, & erogan-  
da pecunia Pargomeno exceperunt, an salu. 1408.  
die 12. Iulij. & quoniam eadem de causa obtenta  
sunt literæ à Ioanne Siculis pro Rege præfecto,  
eas, & Martini exscribendas mandarunt Iurati Bar-  
tholomæus Chirurgus, Rinaldus Notarbartolus,  
Bartholomæus Barthilatus, & Conradus Ligorius  
à Christi Natali annis 1421.

Erat olim extramœnia propè vrbis Isthmum  
templum Diuo Iacobo Sacrum quod exinde Car-  
melitis datum cum Diuæ Mariæ à Gratia nomen  
mutauit. Solebant festos Iacobi dies celebriores  
agere: vnde & nundinas à Martino Rege impetra-  
runt. habitum est diploma Catinæ die tertio Iulij

anno à Virginis Partu 1408. Vnde hæc verba ex-  
 cripimus. Considerantes integræ fidei, deuotionisq̃,  
 synceritatem, quam vniuersitas ipsa Netina, &  
 singulares eiusdem, tum maximè cum sæuis rebel-  
 lionum, tumultuum, & bellorum turbinibus diri  
 Martis, & Erinny's horridonæ pullulabant incen-  
 dia, circa nos, nostrumq̃ue nomen, & decus illibatè  
 rebus præ cæteris gessit, & modò gerit, interno  
 cordis affectu, memoranda, necnon fructuosa, &  
 grandia seruitia, quæ nobis vniuersitas ipsa multi-  
 fariam contulit olim tempore acceptabili, & in die  
 opportuno, cum nobis opus fuit fideles habere pu-  
 giles, & quo subditorum fidelitas liquido patuit  
 experimento, & quæ confert impræsentiarum, &  
 successiuè conferet, annuente Domino gratiora, in  
 aliquam vniuersitatis ipsius præstationis mercedè,  
 eidem vniuersitati licentiam plenamq̃ue potestatè  
 nundinas, & fora more debito faciendi singulis an-  
 nis in festo, & planitie Sancti Iacobi sexdecim dies  
 immunitatis à iure Dobanæ, ante diem festum San-  
 cti Iacobi quinque, & decem post ipsum solennita-  
 tis diem, concedimus, &c. Hæc ibi. Diploma cura-  
 runt exscribendum die ij. Iulij, anno Dom. 1413. sub  
 Ferdinando Iurati Simon Auola, Nicolaus Vas-  
 fallus Tancredus Pipis, Gulielmus Ribaldus.

Sub Rege Martino, & Maria Sortinos nobilissi-  
 mo genere natos Netum venisse comperimus. De-  
 derant vterque Martinus, & Regina Maria Cual-  
 lardetto Monticlupe Vasconi sex fæuda in Netino

Ruettum,

*Familia  
Sortino*

Ruettum, Bimiscam, Dibibin, Rendam, Billudiā,  
 Maccharim, necnon Galermum, & Rahalbiatum  
 in Leontino, quā ille Regio permissu vendidit Mai-  
 nitto Sortino auri vncijs 625. an. sal. 1396. die 28.  
 Decem. Palatioli stipulante Antonino Cappello.  
 Quam alienationem, & emptionem confirmarunt  
 Martini, & Maria 1397. die 7. Maij. erat quidem  
 Mainittus tunc temporis vt ditissimus, ita nobilis-  
 simus: vt qui ante horum fæudorum emptionem  
 miles (quod nobis baro, vel fæudi dominus, sonat)  
 vocaretur: licet huius fæudi nomen habeam inco-  
 gnitum. Posthæc Netum habitatum venit, vbi Illu-  
 stres posteros & togæ, et militiæ clarissimos adhæc  
 vsque tempora perduxit. Testatus denique est Ne-  
 ti integer & mente, & corpore an. sal. 1445. electa  
 in Diui Francisci sepultura: suscepit ternos liberos,  
 Matthæum, Ioannem, & Rinaldum: Matthæo ve-  
 rò præmortuo superstes fuit filius Seruator. huic  
 auus legauit Bimiscam, & Macharim: Ioanni  
 verò filio Dibibin, & Billudiam: Rinaldo autem  
 Rendam, & Ruettum. Iussit inter alia ad pias  
 causas legata, vt hæredes in sacra tecta Diui Ni-  
 colai vigintiquinque auri vncias erogarent: quæ  
 postea sunt adimpleta an. sal. 1457. vt literæ au-  
 thorum Rinaldi, & Gulielmi, necnon temporis  
 nomenclaturam præ se ferentes in ipsa testudinis  
 margine explicat. Idem Rinaldus Mainitti filius  
 sub Alphonso, presidente Archiepiscopo Panor-  
 mitano, Panormi die 28. Ianua. an. sal. 1453.

confirmanda sibi curauit hac fœuda Ruettum, Maccharim, & Rendā: suscepit duos filios Antoniū, & Albanū: Antonius superstitē habuit Rinaldellū baronē Maccharis. Notat Angelus laurifex Rinaldū Petri filiū baronē Ruetti 1502. qui biēnio post decessit sine liberis & successit Nicolaus frater.

Fato functa est Regina Maria anno Domini 1402. Cui Martinus coniux successit, qui in Sardinia 1409. occubuit: huic Martinus senior subrogatur Regnum tamen gubernauit Blanca Secunda Martini iunioris vxor. anno postero decessit & vita Martinus pater. Biennio interregnum passa est Sicilia, donec post multas contentiones, Dluus Vincentius, vnus tunc ex nouem arbitris communi partium consensu electi Ferdinandum cognomento Iustum, vnanimi omnium approbatione, nulloque ex competitoribus reclamante, Aragonia, & Sicilia Regem pronuntiauit, anno à virgineo partu 1413. quarto tamen post anno ad superiora cælorum regna est vocatus, Alphonso primogenito Rege designato.

Sub Martino, & Maria fratrem Benedictum Aquilam Nctinum abbatem monasterij ab Arcu inuenio. Floruit sub eisdem Ioannes Thamagninus clarissimus Medicus, & Astrologus, cuius multæ prædictiones vulgò circumferuntur. Dicitur sub certo siderum aspectu ferulaceum piscē effinxisse, & cuidam nautæ amico dedisse: ad cuius iactum sagenas semper piscibus refertas reduxisse: eo ta-

men

*Io. Thamagninus*

mien quandoque amisso, alterum efformandi occa-  
 sionem non procesisse. sub quarundam flellarum  
 intuitum solum, & imprudenter ferunt pronun-  
 tiasse, horam iam esse, qua quis puellæ iam diu con-  
 cupitæ fatillimè potiretur amoribus: quod quidem  
 adolescens clanculum excipiens verum expertus  
 est: postridie ampla munera misit ad ratem, qui  
 causam sciscitatus factum conquestus est, & de sua  
 imprudentia silentio pœnas sumpsit. per forum,  
 & veterem Seruatoris ædem pertransiens multas  
 auiculas de more garrientes est conspicatus. præ-  
 dixit astantibus ad vesperam fore, vt ancilla tri-  
 ticum ferens caderet, & volucres derelicta gra-  
 na collecturas iã multò antè cantibus gestire. Quod  
 plenè euenisse referunt. aiunt, quod mortuus à  
 monacho, qui iam suspendendus esset, dandus esset  
 sepulturæ. quod multi factum affirmant. Aduen-  
 nerant mercatores quidam sues empturi: proponi-  
 tur ioci causa ab otiosis quibusdam, & curiosis  
 alienarum rerum Thamagninus quem creduli mer-  
 catores conueniunt, paciscuntur, sues, quibus nil  
 grandius, nec pinguius vidisse fatebantur. nume-  
 rata pecunia vnà cum Subulcis accipiunt. vbi ta-  
 men nocturnæ tenebræ aduentarunt, magno exci-  
 tato grunnitu & sues, & subulcos effugisse vident.  
 pauidi magis, quàm turbati reuertunt, factum  
 conqueruntur, & à venditore reprahensi pecu-  
 niam recuperant. Memoria item proditum est  
 nautas quosdam nescio quam mercem in urbem im-



portasse. hos aliquis monuit apud Thamagninum  
dignum re pretium habituros, ut qui dives esset, &  
eis rebus emendis delectaretur. credunt istis onusti  
hominem adeunt: qui civium suorum iniuriam, &  
ludibria illusurus iubet ad vesperam redire: inter-  
ea plurima siliquarum folia colligenda mandat, &  
eis niveo aspectu argenti formam præ se ferētibus,  
& facillimè oculorum aciem decipientibus multū  
mercium fecit compendium. letantur nautæ compa-  
rato lucro, rem amicis exponunt, qui præter opinio-  
nem euentum contigisse mirabantur: sed cum ad lit-  
tus peruenerint sarcinas suas commodius dispositu-  
ri non argento, sed frondibus mercem mutasse co-  
gnorunt. tristes & agri lugent, citato cursu pluri-  
moque anhelitu fatigati regrediuntur: & tandem  
à Medico suas opes recipiunt: qui artem arte elu-  
dens ostensum voluit posse, si caderet in votum, au-  
ro & opibus locupletiores esse. Ecessit sine libe-  
ris, & philosophico more constitutis ad pias caus-  
sas quibusdam legatis Rem publicam fecit heredē,  
mortuus est anno salutis Christianæ 1411. & in  
Divi Nicolai sepultus: ubi hætenus eius tumulus  
fuit conspicuus, donec præsulis iussu demitteretur.  
incisum ibi hoc Epitaphium Ioannis Aurispæ opus  
legimus.

Naturam rerum, cælos qui nouit, & astra,

Et multis cecinit, quæ sua fata, prius,

Hoc Tamagnini Domini tegit ossa Ioannis:

Nam mens se iunxit, venerat vnde, Ioui.

Mille,

Mille, quater centum, denus fuit annus, & vnus,  
Christicolis, cæli cùm rapuere virum.

Ioannes igitur Aurispa, vir quidem omni scientiarum genere eruditus, & per totam Europam celeberrimus hac etiam ætate floruit. In Italia ob facile in poetica disciplina ingenium laurea redimittū prædicant: præclarissimis meritis à secretis Apostolicis est electus, vt Philippus Bergamus lib. 15. scriptum reliquit. Meminit eius in historis Aeneas Pius; meminit Leander, & Christophorus Scanellus; (si liber non mentitur authorem:) meminere plures alij: sed temporis lapsu multi intercidunt: author supplementi Chronicorum hæc habet; Ioannes quoque Aurispa Secretarius Apostolicus. Rhetor Luculentus in pretio fuit. & quædam composuit, 1446. Franciscus etiam Philelphus misit; vel missas ad eundem fingit complures epistolas in diuersis temporibus; vt ab annis Domini 1427. ad annos 1453. Nos autem multis annis præmortuum euidentius probamus. fuit enim Cantor (quod dignitatis officium eorum est; qui curam habent animarum) maioris Ecclesiæ, & Crucifixi apud Netinos: dumque eius procurator omnia in suum commodum verteret, hunc illi abusum cōquerens Senatus nuntiauit, & per eundem certas indulgentias pro Ecclesiâ Crucifixi impetrandas mandauit. Vidimus Epistolam latino sermone conscriptam 18. Cal. Decemb. 1408. Mortuus est tandem anno salutis 1416. habentur enim in Diui Nicolai

*Sacratio literæ ab Episcopo Syracusano missæ, qui Vicarium in spiritualibus præmortui annuos census exigere inhiuit. Quæ publicæ fidei testimonia pluris apud me sunt, quàm aliorum annotationes incerta, & inconstanti fama collectæ, fuisse autem virum in primis disertum nemo est, qui neget. De eo sic Thomas Fazellus loquitur: Floruit in politici vtriusque linguæ literatura superiori ætate Ioannes Aurispa Netinus. excelluit nanque ingenio non ad solutam solum orationem, sed ad versus quoque componendos elegantissimò. Quo in genere nonnulla eius epigrammata, in altero verò epistolarum opus egregium, & Hieroclis liber in Pythagoræ aurea Carmina latinitate donatus, extant. Hæc ille. Sed iam Laurentij Vallæ de hoc homine iudicium subiungamus: Id dicam (inquit) quod verè possum dicere, me non tam mea voluntate, quæ ardentissima erat ad hoc opus descendisse, quàm prudentissimorum, atque amantissimorum cōsilio, cū aliorum, tum præcipuè Aurispæ, & Leonardi Arctini: quorum alter Græcè legendo, alter latine scribendo ingenium excitauit meum: ille præceptoris, (vni. n. mihi legebat) hic emendatoris, vterque parentis apud me locum obtinens. paulò post. O viros omni laude dignissimos; o de literis, ac de literatis optimè meritos: non veremini, ne alij eò, quò peruenistis, (licet perquam arduum sit) perueniant: sed hortamini, incenditis, & quasi de alto manum scandenti porrigitis. hæc ille.*

*Successio*

Successit Ferdinando filius Alphonsus, qui inter primos sui Regni annos Nicolaum Specialem virum domi, & militiæ clarissimum, Ciuem Netinum Siculis regendis præfecit. sic inuenio iam à salutis anno 1423. apud acta Antonij Danielis Netini. De suis ille ciuibus optimè meritus omnia illorum priuilegia, & præsertim, quibus cauebatur, ne ius, & vectigal Dobana vsquam Netini soluere cogerentur, obseruanda mandauit. Quas literas Rinaldus Burchensis, Nicolaus Alfanus, Ioannes Longus, Iurati publicè exscribendas curarunt die 10. Iunij. 1423. Interea Alphonsus, ut erat in alienos effusissimus, præcipuè quos honestis virtutibus ornatos explorauerat sic & Petro fratri gratissimus Netum Urbem Ducatus titulo donauit, cui & Plaziam, & Acim adiecit, quæ sibi pleno munere possideret, & in posteros, successoresque hereditario iure transfunderet, merumque, & mistum in omnibus illis Imperium habere licere concessit. habitum est, diploma Barchinone die 6. Iunij, 1424. Eligit interim Petrus procuratorem suum Ferdinandum Velascum, per quem tum Urbis tum omnium, quæ ad eiusdem iurisdictionem pertinent, possessione potiretur. At ubi ille Netum venit omnia plena rumoribus, & seditionibus offendit perturbata vniuersus enim populus audito tristis effectus nuntio, nouum Dominum detrectans exclamabat non esse aliq. quàm Regi ipsi parendum: vnius Imperiû satis esse, duplicem suis humeris prouinciam non subeun-

*Netum  
fecit*

*subeundam. malè de fidelissima Ciuitate. quæ superi-  
 oribus Regibus præ officij pietate fuit semper cõ-  
 mendatissima, Alphonsum mereri, qui inferiori Do-  
 mino habendam committeret. Quod si Ciuitatem  
 alteri tradere omnino Rex decerneret, ipsimet iam  
 olim à Regulorum iugo liberati sibi eos, qui Reip.  
 curam gererent, facilius deligerent. eo tumultu fa-  
 ctum est, vt incalescente iracundia, & plæbe prope-  
 modum in defectionem excitata, nonnulli Petri mi-  
 nistri caderentur, ne Neetini sua libertate priua-  
 ti sibi defecisse viderentur, Castellum vetus adent,  
 vbi Regis præsidium Petri obædientia excubabat:  
 aggeres, & Vallos extruunt, tum ne præditiuius  
 miles in oppidum incautè irrumperet, tum, vt arce  
 expugnata, nullum proximè timerent, qui Petri  
 partis secutus cæterorum periculo immineret. At-  
 cùm Petrus mari etiam præfectus in portu Syracu-  
 sano vires haberet, quas Regis Alphonsi in-  
 ducebat metu maioris mali, factum est, vt nuntijs  
 vltro, citroque missis conuentionem quandam sta-  
 tuerint, cuius Ioannes Podius, Antonius Notar-  
 bartolus, Ioannes Pulichinus procuratores. & le-  
 gati fuerunt, Pacis autem, & conuentionis capita  
 hæc fuisse. Ciuitatem ipsam Petrus, & successores  
 ex legitimo matrimonio, virilisque prolis habento.  
 Omnia Ciuitatis priuilegia, immunitates, & exem-  
 ptiones à Regibus eatenus concessæ inuiolata per-  
 maneant, & confirmentur. Ciues Neetini liberè  
 quouis migrare possint, nullus opibus, prædijs vè  
 amissis,*

amissis, in alijsque oppidis commorati prædia, & opes, quæ Neti habebant, per se, suosve procuratores gerere, & possidere valeant. Omnes, & singuli Ciuitatis officiales habitatores, & coniugati sunt. Iidem, simul & Prætor Urbanus, & Iudices annui sunt. Ne vnus, & idem & Castello, & Vrbi regenda præficiatur. Iurisdictiones, & iura, prout Regiæ administrationis tempore, illa se obseruentur. Nullum inuitè hospitio admittere, præter Regem, Regisque fratrem, Ducem Petrum, cogitor. Sacre Conscientiæ Iudices, quemadmodum sub Regum olim regimine, creantur. à vectigali, & iure Dohana, quomodo sub Regibus ita, & sub Duce Petro, negotiantur immunes. Omnes iniuriæ defectio nis crimina, & suspensiones illis, qui fortè fuerint inobædientes, & Imperiū detrectantes Petri ministris violentas manus iniecerint, remittantur. Hac & alia postulata pollicitus est Ferdinandus quinto Cal. Octob. quæ 13. Cal. Nouemb. Dux ipse Petrus iure iurando se obseruaturum obstrinxit nec aliter præstitit. Sanctissimè enim, & benignissimè tanti Regis frater Netinos gubernauit: eoque sine liberis mortuo, sub Alphonsi iterum dominium Ciuitas est deuoluta. Compulit autem Netinos huiusmodi conuentionibus acquiescere, quod per legatos suos certam, & immobilem Regis voluntatem præsenferant. Nanque, ne sibi deficerent, vt primùm audierunt Petrum Netinorum Ducem electum, ex altissimo sibi gradu delabi persuadentes, si superiori-



rioribus temporibus Regum, modò verò Ducum nuncupatione regerentur, confestim oratores mittunt viros Clarissimos Ioannem Landolinam, Ioannem Campianum, Antonium Notarbartolum, qui apud Alphonsum conquesti benemerita, & fidelissimam operam in alios Reges collatam recolentes, superiorumque priuilegia, quibus præsertim cautum erat, ne vrbs ulli dono largiretur, testati, Donationem Petro collatam pro viribus reuocandam curarent. Quamuis autem illi integerrimè, & disertè sua functi essent legatione: Rege tamen in sententia permanente, ne fraterno honori quicquam derogaretur, ac humanissimè consolato, re infecta regressi sunt. hoc tamen vnum impetrarunt, vt pro expensis hoc itinere factis novum vectigal auri vnciarum ducentarium, quæ semel tantum exigeretur, liceret imponere. Datæ sunt literæ Valentia: an. sal. 1424. Pridie Cal. Apr. Interea Dux Petrus fortissimam in arce veteri turrim condidit, tutissimum aduersus Urbem propugnaculum, quæ absoluta est an. Dom. 1420. ei nunc magistræ turri cognomen remansit. ibi hoc carmen insculptum legimus.

Bis septingentos viginti quattuor annos  
 Egerat October Christi nascentis ab anno,  
 Cum Dominus Nectū Petrus Illustrissimus infans  
 Gratis ab Alphonso sibi Rege, & fratre tributum  
 Possedit: cuius pariter mandata sequentes  
 Sanctius egregius miles, custodia Castri  
 Secretus Necti, de Vrhone Antonius ipsum  
 Castellum

*Castellum eximio vetus ornauere decore ,  
Fornicibusq; nouis munitum, & turribus altis.*

*Dum verò Ciuitas hæc à Petro Aragona tene-  
retur, omnium penè oppidorum, & Ciuitatum pu-  
blicani Netinos ad ius Dobanę, quemadmodum &  
cæterorum Regulorum subditos . quasi sub Petri  
Ducatu vetera Regum priuilegia perdidissent , sol-  
uendum cogeant. At. ne in hac quidem re, Neti-  
ni negotiatores sibi defuerunt, Regies officiales  
adeunt. ius suum dicunt, & obtinent. Quapropter  
Gilbertus Fares totius Regni Siculi ( vt vocant )  
Secretus publicis literis declarauit Netinos, vt  
olim sub Regibus, ita & sub Duce Petro ab eo ve-  
ctigalis inre, quod cæteri populi oppidorum Domi-  
nis subditi certa pensione debent, dum aliò inferūt,  
vel exportant pannos, telas, tergora. et similia, quæ  
suis in oppidis sunt operati, esse liberos; satisque es-  
se semel extrahendo à patria soluisse. Datæ sunt li-  
teræ Panormi an. sal. 1427. & ad omnium Ciuita-  
tum Secretos transcriptæ. Curarunt eas Pargome-  
no ad futuram rei memoriam transcribendas Iura-  
ti Nicolaus Salonia, Bartolus Barbilatus, Ioānes  
Oddo, Geraldus Parisius. Eodem anno impetratum  
est à Rege Alphonso. vt quindecim dierum nundi-  
næ à Martino Rege pro festis Diui Iacobi Aposto-  
li diebus, qui extra mœnia celebrabātur, obtentæ,  
cū iam frequentari desinerent, quibus ab omni  
vectigali immunis esset Neti negotiatio, in Sacrū  
Pentecostes diem transferrentur, quando cele-  
brior*

brior Spiritus Sancti missio in Crucifixi area recole-  
 retur. Iussuque est tum ipso Pentecostes die, tū  
 octo diebus subsequenribus immunes nundinas ex-  
 poni. Literis mandatum est Valentia, die 12. Aug.  
 an. Dom. 1427. Ab eodem Alphonso confirmanda  
 curarunt Netini vetera privilegia, quibus caue-  
 batur, ut in reparationem fabricæ Monasterij ab  
 Arcu tertia quæque pars reddituum expendere-  
 tur. quin & contra Ioannem Episcopum Trigesti-  
 num, cui eadem ecclesia fuerat commendata, literæ  
 sunt emanatæ: à quo nec templorum edificijs, nec  
 ouium pabulo præmunere studebatur. (Quod cum  
 ego octauo Conradiados libro carmine deplorarem,  
 non defuere lupuli, & vulpecula qui idipsum ad-  
 uersus præsulcm meum de me aliàs benemerentissi-  
 mum, & cui ex animo debeo, semper quæ honorificè  
 tissimè obsequi studui, & pro tanti viri meritis in-  
 seruire, falsò interpretati testarentur) literas pu-  
 blicè notandas iusserunt Iurati Bartholomæus Bar-  
 bilatus, Ioannes Cappellus, Antonius Salonia, An-  
 tonius Guascus, 7. Maij an. sal. 1426. Nec destitit  
 Petri humanitas Netinis, ubi res exigeret, faue-  
 re. Fuerat olim, dum in varias factiones diuisa Sici-  
 lia conquassatur, infensa quæ rebellionem mutuis ar-  
 mis interimitur, turris cui cognomen est, Sta in pa-  
 ce, aduersus Hyblenses, ut superius dictum est, à  
 Netinis adificata, ut è publicis Ciuitatis scriptu-  
 ris colligimus: & in ea militare præsidium excuba-  
 bat. Cum verò nescio quomodo sedatis iam oppido-

rum tumultibus, eadem Turris sub Duce Petro ab Hyblais possideretur : petiere ab eodem per Ioannem Prouinam, vt iterum Netinæ ditioni restitueretur. Quod & factum est. Confirmavit hic & alia Ciuitatis priuilegia in Villa Oliueta Lusitaniæ, die vndecima Iunij, an. Dom. 1431. Dumque eadem Turris in Urbis Netinæ defensionem, & ora maritimæ custodiam extructa aliàs à Bernardo Crapera detineretur, legatus est Simon Landolina ad Ioannem Alphonsi fratrem tum Proregem, vt vniuersitati Netinæ restitueretur. Non erit à re nostra alienum referre, quemadmodum in actis Curia nostræ reperiam, à Bernardo Turrim subreptā. Possidebat eam quidam vir Netinus, quem Syracusis Crapera conspicatus armata suorum Satellitum manu insequitur, & fugientem eò compulit, vt si salua vita cuperet abire, Turris eius Bernardo donationem faceret. His ille angustijs implicitus annuit. Quamuis autem hoc Netini coram Rege Martino probassent, hominis tamen potentia, ne dicam impotentia, hætenus à Comitibus Motycanis possidetur.

Alphonsus, dum Messanæ adesset, die 27. Nou. an. sal. 1432. dedit Neto iure Ciuitatis, & aliarum Ciuitatum priuilegijs gaudere. Conseruantur apud Senatum Regia diplomata. Fuerat à Regibus superioribus concessa certa quantitas cadorum tynnine quibusdam Monasterijs monialium distribuenda: quæ pro diuersis Cænobijs, locisque prius sub Rege Martino

Martino 103. Cadorem fuisse scribitur: postmodū  
tamen aliquot annis à Curia fuit occupata. Alphō-  
sus autem non minus armis, quàm pietate Illustris  
eandem eleemosinam eisdem pijs locis rursus ero-  
gandam iussit: & (vt alia taceam) Monasterio S<sup>æ</sup>  
E<sup>thæ</sup> Catharinæ apud Netinos, quod nunc est Sancti  
Seruati-<sup>ris</sup>, quaternos singulis annis Cados dona-  
uit. Constat ex eius priuilegio dato Panormi, die  
23. Nouem. 1434. Cū autem (vt multi scribūt)  
Dux Petrus Alphonsi frater muralis machina  
ictu peremptus occidisset, tum, quod nullos liberos  
susceperat, tum Regia promissione, Netum Regi  
ipsi, sine vlllo principum medio subiicitur. Confe-  
ctum Senatus Ioannē Prouinā Syndicum, & orato-  
rem misit, postulans ab Alphonso posse literas cō-  
tra præhabita priuilegia emanatas consultare, sub  
inde omnia iura ab alijs concessa confirmari, Ciui-  
tatem ipsam nec amplius alijs donandam, nec pigno-  
ri tradendam, sed liberam sub ipso Regum regimi-  
ne, sine vlllo inferioris dignitatis titulo futur. m.,  
quales Panormus, Messana, Catana. quod si forte  
alicui donaretur, posse Ciues Netin. s. impune se  
defendere, arma capere, & in sua libertatis conser-  
uationem cuilibet impetui repugnare: omnes offi-  
ciales per scrutinium deinceps faciendos: vt que ad  
officia & dignitates obeundas Ciues, & habitato-  
res tantum admitterentur. Datum est Regium hu-  
ius concessionis diploma Capuæ anno à Christi hu-  
manitate 1439. die 22. Octob. Nec multò post le-

gatus est Antonius Landolina ad Alphonsum Regem, et nongentas auri uncias Petro fratri à Netinis mutuo datas, necdum solutas, repetendas curaret. Cùmque prorex vellet mittere, qui infeneratores animadverteret, cuperetque presumptucentum quinquaginta auri uncias extorquere, per eundem legatum Netini supplicando fassi sunt se usurarium Netin neminem habere, magisque usare iniuriam subituros, si prædictam pecuniæ summam expromere compellerentur. Per eadem tempora Baptista Platano prorex iussit plenius observanda Netinorum privilegia, quibus à iure Dobanæ adepti sunt immunitatem. Data sunt literæ Panormi die 12. Maij 1440. curarunt exhibendas quatuorviri Antonius Landolina, Bartholomæus Carniliniarius, Ioannes Oddo, Vassallus Specialis, die 22. Ianu. an. sal. 1442.

Paulò ante Alphonsum Regem Tancredus Papis ex Italia in Siciliam profectus Neti habitavit: ubi ad nostra tempora nobilissimam familiam perduxit. fuit Tancredus Alphonso gratissimus: cuius autem Netinus effectus aliquot à Rege (tanta erat eius in Tancredum benevolentia, & benignitas) literas accepit, quarum una, quæ reliquas testantur, ad nostras manus pervenerunt: quibus eius operam in contrahendis inter Petrum Vassutum cubicularium Regium, & Luciam Scobarem nuptis, & industriam commendat: suam illi operam; ubi res tulerit, identidem pollicetur. Data



sunt Caieta 12. Cal. Iulias, an. sal. 1446. Huius Tancredi filius Marcellus feudum Bōsalam à Manfredō Alagona comparauerat: quam emptionem ratam habuit Alphonsus, & suo priuilegio confirmauit, plura cū ipsius Marcelli, tum maiorum benemerita testatus. Datū Neapoli Cal. Iulij, an. Do. 1445. Cūque agrum Stallaini dictum possideret, exorauit ab Alphonso feudi nomine donari. Qui huius, & parentis meritis non ingratus postulata admisit, & feudi quaternati (vt appellant) baiulationis, & aliorum priuilegiorum iura concessit, quæ similiter nobilia feuda obtinerent: necnon à secreti, & patritij iurisdictionibus absolutum esse voluit. Datum Neapoli eodem tempore, quo superius. Militauit aliquando Marcellus sub Alphonso: vbi contigit (vt à senioribus quidam probata fidei viri audisse consitentur) vt Marcellus armis, & animo inuictus fortissimi viri partes præ se tulerit, & quandoque inter consertos hostes non minus audacter, quàm feliciter dimicauit. quod auribus aliquantum captus, galeaque indutus tubæ receptui canentis sonitum non facile exaudiret, & cadendis hostibus intentus, quid alij exequerentur, non aduerteret. Denique Pannoni ex humanis excessit, mense Feb. an. Dom. 1477. vt Petrus nepos literis mandauit. Genuis autem Georgium, & Petrum: à Georgio natus est Petrus, qui suscepit Marianum, & Albertum, de quibus infra est, quod dicamus. Alter autem

Petrus

*Petrus Marcelli filius genuit Rinaldum, hic Petrum, hic Franciscum, hic Vincentium dominum Stallaini, & Herculem, cui nullum in Mathematicarum disciplinarum peritia secundum esse arbitror.*

*Exorauerant Netini (debito fortasse crebrius) à Rege Alphonso privilegiorum omnium, quæ eas tenus obtinuerant, confirmationem. Cùm autem urbis præfectura ab heredibus Antonij Salonie pro ducentis auri vncijs pignori possideretur: & caussarum criminalium iudicatus Ferdinãdo Scompaio fuerit, dum viueret, collatus: qui literarum nescius plus addicenti us, & proinde viris non integris vendebat officium: obtinuerunt oratores hunc alio munere donandum, & prætoriam virgam annuo munere à Rege conferendam. Data sunt literæ in Castellonouo Neapoli die 19. Nouemb. an. sal. 1452. an. sal. 1450. comitia fratrum Minorum ab obseruantia Neti sunt habita 1458. 12. Mar. 7. ind. princeps Carolus cum Lupo Simene Vrrea Netum venit.*

*Floruerunt sub Alphonso plures Netini, vel literis, ac religione, vel armis etiam illustres. Antonius Bellassai doctior Theologus odinis Prædicatorum fuit in Sicilia Prior Provincialis. sic legi apud acta Francisci AZZolina, an. sal. 1441. idem sub Rege Ioanne in actis Antonij Carobenij. fratrem habuit Rinaldum Bellassai sacrarum etiam literarum professorem eodem tempore in conuentu*

Diui Francisci florebat magister Fridericus Ioan-  
guccius sacrae theologiae Doctor, sicut & in Diui  
Dominici Antoninus Lanterius, vir eiusdem pro-  
fessionis, sic per quaedam publica instrumenta ex-  
ploratum habuimus.

*Nicolaus* Specialis summo loco natus seipsum,  
suos, & patriam praeter ceteris illustrauit, ad diffi-  
cillima quaeque munera obeunda, & ad omnia tum  
domi, tum militiae celerrimè praestanda agillimo  
fuit ingenio. Alphonso verè magnanimo, doctis-  
simi aequè, ac fortissimi, necnon integerrimi cu-  
iusque viri Maccenati, & fautori benemerentis-  
simo fuit adeò gratus, ut illum pluribus annis Si-  
ciliae gubernandae praefecit: quamplurima cum  
laude, & integritate, necnon Sicularum utilitate  
adeò sapienter, & prudenter rexit, ut Alphon-  
sum solitum dicere referant, si fortè omnes leges,  
mores, & viuendi norma interirent, vnum Ni-  
colaum satis esse, qui omnia reficeret, & integra  
observationi restitueret. Inter proceres illos nu-  
merat sexto Neapolitanae historiae libro Pandul-  
fus Colenucius, qui cum Rege Alphonso bello na-  
uali à lyguribus sub Philippo Maria Mediolanen-  
si Duce fuerunt capti, & ab eodem honorificen-  
tissimè dimissi, an. sal. 1436 fuit patriae, dum vi-  
xit, amantissimus. plurima enim in illius emolu-  
mentum sanxit, vel Regi sancienda curauit. fuit  
Dominus oppidi Paternionis, quod ab Alphonso  
emorat auri vncijs 4200. necnon & Inspice fundi,

quod

quod alienavit, ut apparet in actis Nicolai Fran-  
 cauillæ. fuit Dominus Castellucij, Granerij, Cas-  
 sibilis, Sammarci, Celsi, Montis Climisi, & Ci-  
 pullæ: primi duo emerat à Salimbenio Marchisia  
 V. I. D. & Protonotario Regni Sicilia. patet  
 ex tabulis Ioannis Oliuerij Alcamì die 6. Septem-  
 bris 1417. pretio auri vnciarum mille. Ista autem  
 venditio fuit confirmata Alcamì a Proregibus  
 Ilerdensi, & Antonio Cardona, 20. Octob. 1417.  
 Domus suas, ubi Neri habitauit, quæ modò vocan-  
 tur à Domina Melitelli, & adhuc in ostiorum fron-  
 te Specialium insignia præ se ferunt, simul eorum-  
 dem esse voluit, qui Castellucij domini essent futu-  
 ri. Duas habuit filias, quas nobilissime nuptui de-  
 dit, Leonoram quidem Blasco Barrhesio Domino  
 Melitelli, & Isabellam Domino Ferula oppidi.  
 Consecutus est à Rege Alphonso vectigal panis  
 vendendi Panormi, & singulos obolos portorij no-  
 mine frumenti ex Sicilia asportandi, necnon &  
 vectigal pascuorum in agro, & ciuitate Troinen-  
 si. fuit magister (ut vocant) portulani portus Vin-  
 dicaris cum annua auri vnciarum prouisione, &  
 vnius grani in singula sagmata tritici extrahendi.  
 fuit & in Sicilia magister à rationibus (quod que-  
 storis nomine apud Romanos dicebatur): qua di-  
 gnitate etiam præfulsit Petrus eius frater. Te-  
 staturus est Neri 7. idus Decem. an. sal. 1443. quam-  
 uis falsò quidam scribant 1448. Conseruantur hæc  
 tabulæ apud Franciscum Ioanthomasium integer-

*rina virum fidei, & tabellionatus peritissimum*  
*Meminerunt huius viri Maurolycus, & Fazellus*  
*Neti tandem migravit è vita die 13. Feb. an. sal*  
*1444. & marmoreo sepulcro in Divi Francisci ia*  
*cet ubi hi versus licet non planè politi, leguntur.*  
*Magnificus Specialis heros iacet hic Nicolaus,*  
*Trinacrijs tumulis ditior euge lapis.*

*Divinos Cineres serua Speciale sepulcrum,*  
*Sicelidum specimen, tam speciale decus.*

*Nestora consilio, quemuis virtute Catonum*  
*Hunc Quintum Fabium pro gravitate puta.*

*Proregemque tribus lustris videre Sicani:*

*Nam totidem Regis sustulit ille vices.*

*Postero anno obiit Ioannes Matthæus Specialis*  
*Nicolai filius, apparet ex lapide marmoreo in*  
*eodem Francisci Sacello: ubi hoc carmen, & id*  
*rude, legitur.*

*Quæris Matthæi Specialis busta Ioannis:*

*Ossa viri fortis iste colossus habet.*

*Magnanimi intrepidi, clari Mauortis alumni*

*Tanta sub exigua condita virtus humo.*

*Hicce Camerlingus Regis: simul omnibus istis,*

*Olli, quod tantus contigit, adde, pater.*

*MCCCC. XLV. xx. Iulij obiit.*

*Floruit sub Alphonso Antonius Cassarinus,*  
*(Gasparinum vocant aliqui), de quo libro 4. Fa-*  
*zellus (libentius in nostratium commendationem*  
*alienis utimur verbis) Antonius (ait) Cassari-*  
*nus orator egregius Neæ natus est: quem ob fama*  
*dignitatem*

dignitatē Panormitani accitum publico stipendio tres annos, ut adolescentes institueret, fouerant. Ceterum ad maiora aspirans Constantinopolim profectus, decemque annos in tanta vrbe degens in studijs oratoriæ facultatis, & grecarum literarū cognitione tanta diligentia versatus est, ut inter præclaros viros, quos Græcia, & Italia suo tempore vidit, vnus excellentissimus haberetur. Constantinopoli enim, quæ Christiano tum imperio su-  
berat, quinque annos Rhetoricam Græcè, & Latinè miro cūm cinium, tum Imperatoris applausu in auditorum magna frequentia docuit. Venit postea in Italiam, & Papiæ primū, postea Mediolani, postremò Genuæ publicè legens permultos erudiuit. Sed, dum anno salutis 1444 Genuæ ob cinium magna dissidia stricto ferro excursionem multi facerent per urbem, ac nonnulli tentarent in domum, vbi Antonius erat, perfractis portis irrumperè, dum ipse per fenestram alterius domus, quæ erat e regione, transilire nititur, in terram ingenti lapsu concidit, continuoq̃ue expirauit. Vertit hic in Romanum sermonem Platonis libros de Rep. quod opus Alphonso Sicilia Regi dicauit: pluraq̃ue alia ex Plutarcho, & ex Platone latina fecit. Scripsit epistolarum libros quatuor, & orationes duas, quarum alteram habuit ad Philippū Mariam, alteram ad Genuensē Senatū. Hac ille. Meminit etiam huius Leander Albertus, & alij.



*Ioannes Marrhasius (ait ibidem Fazellus) Ne-*  
*tinus poeta, anno salutis, 1446. clarus in Italia*  
*est habitus. Senis hic Angelineum poema ama-*  
*torium elegiacum versu composuit. Quod Leonardus*  
*Arretinus in epistola, quam ad ipsum authorem*  
*scripsit, maxime probauit. Multa item alia inge-*  
*niosi poetæ testimonia edidit. in qua arte doctorum*  
*omnium iudicio summus euasisset, nisi medicina*  
*deditus Musis ultro cecisset. Hactenus Fazellus.*

*Rinaldus Sortinus gubernandarum ciuitatum*  
*solertia, proinde ac eloquentia, & generis nobi-*  
*litate clarus patriæ inseruijt nunc ad Regem, nunc*  
*ad summum pontificem legatus, in ea præsertim*  
*lite quæ inter Netinos, & Syracusanos agebatur,*  
*dum nostri conarentur ecclesiam ab Arcu in Cathe-*  
*dralem sedem erigere, eidemque Abbatiam d. uæ*  
*Luciæ à nemore aggregare: apparet per binas*  
*Alphonfi literas, alteras an. Dom. 1451. alteras*  
*verò 1453. datas: nec multò post ab eodem Al-*  
*phonso Messanensis Strategus est creatus. Neti*  
*tandem in Diui Dominici, sepultus est ubi & alter*  
*Rinaldus Sortinus vir disertissimus, & multis*  
*bonis ornatissimus. Huius viri commendationem*  
*innuens Petrus Pipis V. I. D. sic ad Rinaldum*  
*Sortinum, (quem Rinaldellum ad maioris disse-*  
*rentiam appellatum nostri seniores tradunt) scri-*  
*bit. Quis nesciat antiquissimum Sortinorum genus,*  
*quod non solum Neti & Messanæ, in qua feli-*  
*cissimo principatu diu floruit, sed omnis penè Tri-*

nacria decus, ac ornamentum clarissimum extitit?

Date sunt literæ idibus Decembris an. Dom. 1493.

Antonius Carusius Dominus oppidi inspicæ fundi fuit Generalis Magister (ut vocant) Rationalis cuius numismata inueniuntur, quæ una ex parte illius stemmata continent: caput humanum ex superiori parte, duas lineas in angulum coniunctim productas ex inferiori, inter quas tres stellæ intercidunt, cum his ad circumferentiam literis, Antonius de Carusio Gen. Mag. R. ex altera verò est manipulus frugum cum aristis fascia ligatis: in circumferentia sunt hæc dictiones, Tutto per bene. Vidi vnum penes Petrum Boream, quo non mihi ebarior alter.

Attardus Boreas ciuis fuit Netinus, qui ob multa terra, marique egregia facinora, multosque pro Rege labores susceptos dono accepit à munifica Alphonsi manu feudum Galermuta in agro Leonitino anno salut. 1424. quod ab eiusdem posteris possidetur.

Antonius Caramanna Regi in Sicilia patrimonio conseruator fuit: Profecturus ad Regem Alphonsum Neapoli degentem solenniter testatus est Panormi apud notarium Nicolaum Mariscalcum nono cal. Ap. 3. Ind. 1439. eodem etiam anno mortuus est Caietæ. apertum est testamentum coram Ioanne Tudisco magne Regiæ Curie Iudice, cuius Netino legauit feudum Barones, monasterio sacratissimi Seruatoris apud Netinas. fuit etiam

etiam Dominus feudi Mazarronis: cuius dimidiū eadem de causa dictæ moniales possident. Cuius uxor Violanta pari ornata pietate, & præclaris moribus instructa post viri mortem earundem monialium habitum, & professionem suscepit. auxit opibus suis monasterium, tunc primū adificari ceptum in eo loco, ubi nunc stat: adeo ut maiori ex parte Violantæ largitate sit perfectum. Inpetrauit eadem de causa à Nicolao Quinto eius nominis Romano Pontifice certas indulgentias pro eas ades die Dominicæ transfigurationis visitantibus, adiutricesque manus porrigentibus. Datum est diploma cal. Iunij, anno Dom. 1456.

Olim presbyteri de bonis à se acquisitis ex veteri quadam consuetudine non poterant testari, de patrimonialibus duntaxat disponentes. Thomas autem Episcopus Syracusanus, & eius successor Rogerius eam siue consuetudinem, siue legem detestati permittebant suæ Diæcesis clericos de omnibus bonis indifferenter posse testari. Quod Ne-tini cautius agentes ab Eugenio Quarto Pontifice Romano, & veteris iuris irritationem, & horum æquiores sanctiones confirmandas curarunt. Diplomata habita sunt Roma cal. Aug. an. sal. 1444. Insinuandum voluit presbyter Rinaldus Ricca die 21. Ap. 1460. quod & hætenus observatur. Paulus Maczo V. I. D. habitus est Siculorum in civili scientia præstantissimus: de quo Ioannes Antonius Cannelius in Friderici Regis extraneantem,

gantem, quæ incipit, volentes, Idem (inquit) tenet Paulus Maczonus, qui floruit tempore Guilielmi Perni, vir non parùm exercitatus in scientia legali, maximè fæudorum, ut sua scripta testantur, in consilio suo incipiente, Ad primum dubium, de quo quæritur. Floruit autem sub Rege Alphonso, ut ex eis, quæ Pernus de principe scripsit, & alijs locis licet aduertere.

Alphonso ad meliorem vitam translato Ioannes frater, qui Siculis pro Rege multos annos præfuerat, successit: ad quem in Hispaniam, coactò apud Calatazironem procerum conuentu, nobilissimi oratores, inter quos Vassallum Specialem, qui fuit Nicolai superiùs memorati filius, ex Siculis constitutionibus didicimus, fuerunt missi: qui fidem pro omnibus Trinacrijs Regi inreiuando præstarent. & immunitatum ad ea tempora concessarum confirmationem exposcerent. Inter alia obtenta est confirmatio priuilegiij à Martino impetrati, ut ex emporio Vindicari quingenta tritici sagmata extraherentur, quorum ius, & pensio ciuitati Netinæ persolueretur. magna quidem, & populosa eo capite vrbs Netina nominatur, & inter montana Regni Siculi oppida maximè præcipua, sed tunc inops, & egens: Regibus obædientissima, & prompta memoratur. Quapropter iuxta ea, quæ ab Alphonso sunt constituta, Ioannes agendum mandauit, habita sunt hæc quinto cal. Martij, anno à Dominico natali 1460. Quarto post anno Iacobus Burgius Siculus,

Siculus. Episcopus Mazarensis Siculorum legatus à Rege Ioanne pro Netinis exorauit confirmari ciuitati eiusque prætoribus merum, & mistum (vt vocant) imperium. i. gladij potestatem, & sanguinis in reos effusionem, more ciuitatis Catinenfis. Idem Regem docuit ciuitatem Netinam Catinenfi, Syracusana, & Drepanitana esse populi copiosiore: ostenditque sub Rege Alphonso, alias etiam sub eodem Ioanne eandem priuilegij concessionem apud Netinos viguisse. Annuit Rex. Conseruatur integerrimum diploma, datum Terracone die 16. mensis Decemb. an. sal. 1464. idem est executus prrex Ximenes Vrrea. habentur & huius literæ datæ Messana die 29. Nou. 1465. Per eundem Iacobum obtentum est arcem Vindicarem à Duce Petro Alphonsi, & Ioannis fratre captam ædificari, & eiusdem morte intermissam, perficiendam: tum quod empirij Regij emolumentis maximè esset profutura, tum eorum, qui littori adiacentia rura colunt, salutis, firmoque præsidio habendam. Impetratumque est, vt quemadmodum sub Petro ita & sub Ioanne, ex aquis portionibus dimidio expensarum Rex faceret satis, reliquum verò Netina Respublica suppleret. Constat huius impetratio eodem Regio diplomate. Eiusdem Regis vicem gerens Ximenes declarauit incolæ Netinos, qui ciuilia officia peterent oportere, vt saltem annum integrum, mensem unum, vnam septimanam, vnumque diem urbem hanc habitauerint.

uerint. Datum Messanæ 29. Nouemb. anno Domini 1466.

Anno sal. 1468. magna fuit Netinis, reliquisq; Siculis frumenti penuria valebat tt. 19. in sagma: hordeum verò tt. 11. utinam huiusmodi caritatē semper pateremur: ut tanti vel in abundantia fruges venirent. At Netini, ut annonam sibi compararent, vlnæ vestigal Nicolao Syracusæ omnium ditissimo, & ornatissimo viro pignori dederunt.

Anno verò 1474. Petrus Specialis Netinus, frater Nicolai Specialis, regius miles, & magister à rationibus, ut Siculæ constitutiones meminerunt, dominus oppidorum Alcamì, Calatafimi, & Castellucij, ager corpore testatus reliquit heredem Ioannem Matthæum filium Vassalli Specialis, fratris ipsius testatoris. nec multò post moritur. Postero anno Ximenes pro Rege Siciliam gubernans concessit, ut iurati Netini possent cogere dominos, & conductores viridariorum, & nemorū, ut omnium frugum, & fructuum, qui in Netino perciperentur, dimidium in urbem Netum venū asportarent, dummodo presenti pretio illorum dominis satisfaceret. Datum est priuilegium Neti, die primo Feb. an. sal. 1475. In eundem modum lego alias literas habitas Panormi, 17. Iul. 1475. Idem sub Ferdinando Catholico ratione in perpetuos annos valitura. Datū Catinæ 29. Iunij. 1494. erat tunc à secretis Ferdinandi Ioannes Antonius Prouina, ciuis Netinus, & quoniam hoc olim in singulos



singulos annos concedi soleret, Gaspar prrex perpetuo iure seruandum in posterum concessit, non expectatis alijs literis. Datum Panormi, die decimo Iulij. Eodem anno 1474. 18. cal. Septemb. Motycæ obtruncati sunt 470. Iudæi, Neti verò 18. ex omni sexu, & ætate.

Floruit sub Ioanne Rogerius Landolina, vir rei militaris peritissimus, ita alijs etiam virtutibus ornatissimus. fuit Carolo Regis Ioannis primogenito charissimus, & ab eodem inuitatus, ut Regij equilis præfecturam susciperet. habentur adhuc literæ: quas Carolus, dum Neti adesset, in collati officij signum scribendas iussit, an sal. 1459. Mortuus est Rogerius Neti, anno sal. 1474. ut apud libros cænobiij Diui Francisci Neti comperi. testatus reliquit heredem Ioannem filium primogenitum.

*Nichlaus*  
*cora*  
Celeberrimus in tota Sicilia fuit Nicolaus Datus, & Medicus, & Philosophus præstantissimus: cuius prædictiones adeò veraces fuere, ut cui infirmo lethalis termini diem prædixerit, non conualuerit. Hinc inter omnes suæ professionis viros excellentissimus est habitus plurimum sibi diuitiarum, honoris, & gloriæ felici ægrotorum curatione comparauit. quos enim alijs presbyteris (ut eorum prouerbio utar) reliquerant, multos ipse ab Orci faucibus reductos firmiori valetudini restituit. Accepit eadem de causa ab Antonio Montata Calatanissetæ tum Comite sævum sancti Michaelis

chaelis cognomento dictum, quod in agro Augu-  
stano situm est. Hic Bononia, (ut eius privilegio  
adhuc videtur) doctoris insignia est assecutus. an.  
sal. 1446. In eo inclyta patria, & clari eius proa-  
ui nominantur. Meminit huius Lucius Marineus  
Siculus lib. 5. ep. fami. ubi ad Cathaldum Parisiū  
scribens inter Mathematicos, & Medicos præstan-  
tissimos Nicolaum recenset.

Ioanni 11. cal. Feb. anno salutis humanæ 1479.  
defuncto Ferdinandus filius cognomento Catholi-  
cus, ut qui & Pænos ex Hispania depulerit, &  
Iudæos ex suis Regnis eiecerit, & in omnibus  
Christiane pietatis observantissimum præse tulerit,  
subrogatur.

Pridie verò cal. Mar. die Dominico habitæ sunt  
Neti exequiæ Regis Ioannis in templo Divi Nico-  
lai. altissimus erectus est tumulus pretiosis pannis,  
& columnis instructus, accensis 170 cereis. Omnis  
magistratus, sædaturi, viri patricij, & docto-  
res numero 92. & 20. Iudæi lugubrem habitum  
induerunt. Notatum offendi apud Franciscū Mus-  
cum. Eodem anno 15. cal. Maij Ioannes Cappellus  
miles constituit, procuratorem Ioannem Cappel-  
lum nepotem ad præstandum iuramentum fidelita-  
tis sæudi Rabuxini, & sæudi Tynnariæ Pachyni,  
ob nouam successionem Regis Ferdinandi. Hoc ex  
actis Matthai Laurisicis.

Nec defuerunt negotia quæ primo sui Regni an-  
no pro Netinis tractaret. Nam amoto Petro Va-  
surto

furto iam mente capto, officium magistri Notarij  
 pratorie curie ( quod hodie Nicolaus Astutus  
 optimè de illo munere meritus obtinet ) Andrea  
 Baerio contulit. Data sunt literæ Barchinone die  
 2. Sep. anno Dominicæ incarnationis 1479 & 24.  
 Decemb. eiusdem anni Orlandi Auolæ merita com-  
 mendat, eiusque nepotes ad tempus proscriptos  
 condonat. eundem an. sal. 1485. Netinae arcis præ-  
 fecit, gratia etiam concessa, qua in filios, & hæ-  
 redes suos posset arcis possessionē traducere. 1480.  
 16. Apr. habita sunt comitia prouincialia Diui  
 Francisci: interfuerunt 11. magistri Theol. & alij  
 150. circullati: octo diebus commorati sunt Neti.  
 An. 1482. idibus Apr. duæ ciconiæ super campā-  
 rariam Diui Nicolai malem confederunt, altera  
 angeli, altera beata virginis lapideorum signorū  
 capitibus: & ubi aliquantisper quieuerunt, euo-  
 larunt non amplius visa.

Eadem tempestate Antonius Platamo à Rege  
 Ferdinando obtinuerat in suis fœudis Combaudo;  
 & Risalini posse turres adificare, oppidum con-  
 sruere, ciues admittere, iura exercere, vectiga-  
 lia imponere, officiales el gere, & cætera admi-  
 nistrare, quæ alij oppidorum Domini in suos sub-  
 ditos vsurpant. Datum est diploma Hi. pali, die 15.  
 Janu. an. sal. 1485. Netini verò præuidentes  
 nouum istud ædificium maximo detrimento suæ ci-  
 uitati futurum acriter institere, & missis ad Regē  
 oratoribus, eiusdem priuilegij reuocationem obti-  
 nuere

nuere. Et hoc Salmantica, 23. Ian. an. sal. 1487.  
 Idem factum est, vt dicemus, eadem sub Rege Ca-  
 rolo lite suscitata. Conseruatur apud Senatum to-  
 tus processus, vbi euidentissima, & firmissima de-  
 fensionum capita continentur. Idem millesimus  
 quadringentesimus octogesimus quintus annus hoc  
 monet, ne taceremus, quod literis mandatum com-  
 perimus, Ioannem Cappellum, Ioannem Landoli-  
 nam, Calcerandum Saloniam, Iacobum Specia-  
 lem, Iuratos, necnon Ioannembaptistam Sapiam  
 tum Pratorem vrbani, beati Conradi tumulum  
 aperuisse, & cadauer adhuc integrum, & ex omni  
 parte illa sum conspexisse, cum mira odoris fragran-  
 tia, quæ illinc emanabat. Hoc eodem anno Anto-  
 nius Carusius Dominus Inspica fundi, Nicolai fi-  
 lius, & Antonij, qui sub Alphonso floruit, nepos,  
 ex Diui Conradi brachij contactu, admovente loco  
 affecto reliquias presbytero Antonio Mineo ex-  
 renum dolore statim conualuit. Vnde sanitatem  
 consecutus hilari omnium iubilo, & brachium, &  
 manum, prout hodie visuntur, argenteis thecis  
 mandauit includenda. Hæc ex maioris ecclesiæ  
 scripturis collegimus. Hic ille est Antonius, qui  
 monasterio Diuæ Claræ, templo Diui Nicolai,  
 vbi marmoreo tumulo est sepultus, alijsque pijs  
 locis certos prouentus assignauit, qui in matutinis  
 sacrificijs impenderentur.

Exornata est eadem tempestate hæc ciuitas san-  
 ctissima crucis, in qua salutis author pro Mundi

salute pependit, fragmento. Dum enim Ioannes Maczo cinis Netinus Barcinone aurificio addiscendo operam daret, nobilis quidam vir certa salutifera crucis fragmenta auro includenda locauit. incisam prudenter operis causa particulam poposcit: quam supplex vouit, si incolumis in patriam recessus contingeret, Crucifixi templo dicendam. Quod ubi obtinuit, re ad Dalmatium episcopum delata, ut sine ulla hesitatione à Christifidelibus adoraretur, expertum voluit, an reliquia illa verè à Christi cruce, fuerint desumpta. foculum ardentibus prunis instructum ad se adducendum iussit, & in ignem sacreti ligni particulam iniecit: quæ aliàs statim comburenda, non mediocri interstitio illasa, & incombusta permansit, ac si ne flammæ quidem ullas attigisset. Quo miraculo commotus rem maiori pietate tractat: sed rursus secundum experimentum aggreditur: eandem asulam in craterem aqua plenum iniecit, quæ præter ligni naturam aquis non supernatauit, sed ad ima more lapilli descendit. Acta sunt à præfule, & multò vehementius à populo. Netino Deo optimo maximo gratiæ, qui tam euidentia sua bonitatis signa exhibuit: & colendam indubitanter crucem Dalmatius primus omnium adorauit. extant eius litteræ datæ Syracusis 28. Ap 1486. celebratur eius solennitas mense Maio in Exaltatione Crucis. Eadem de causa Gilbertus Syracusanus Episcopus eandem sacratæ Crucis particulam, quam auro inclusam,

clusam, & cristallo intectam Netini voluerunt, quarta quaque Dominica intra templum circunduci posse concessit, & quadraginta dierum indulgentiam eandem venerantibus est elargitus. quam etiam gratiæ largitatem ijs, qui festis diebus per totam octauam mense Maio operam nauarent, impertiendam voluit. Datum Syrac. die 21. Iun. 1577. Anno 1487. die Veneris 5. Cal. Maij hora 18. visus est in cælo ingens circulus, in medio cuius sol elacebat, & amplius integra hora fuit omnibus conspicuus, mox aliquantisper latuit, & iterum apparuit.

Intera Diui Nicolai templum vtroque latere amplius struebatur, vt copiosum populum ad sacra audienda frequentem commodius caperet. Legimus in sinistra fronte, vbi supra fontem Ciuitatis stemmata visuntur, temporis inscriptionem, die 13. Decēb. an. sal. 1491. tertio post anno maior ianua instaurata est, & candenti marmore affabre perfecta: quemadmodum literæ ibidem à superiori parte incisæ testantur.

Anno salutis 1497. 6. idus Martij primæ Indictionis apud acta Francisci Musci constat Nicolau Landolinam, Bartholomæum Coccium, Matthæum Trindinum, & Ioannem Antonium Angelum petisse templum construendum Episcopi Syracusani permissu sub vocabulo Mariæ à Pietate in regione, quæ dicitur passus bouum: vbi nuper fuerat inuentum antrum cum imaginibus beate Virgi-



nis, Christi, Ioannis Euangelista, & diuæ Veneræ: quò pietatis causa multi fideles oratori con-  
stuebant: fundatum est templum ibidem, in clau-  
sura Antonij Sortini presbyteri, eique quaternos  
annui census tarenos singuli prædicti viri dotatos  
voluerunt. ibi tandem constructum est cœnobium  
Capuccinorum: quibus sedes pristinas deserenti-  
bus, locus venditus est Iosepho Landolinæ, vbi  
amœnissimos habet hortos.

Anno sal. 1492. die Lunæ 14. Cal. Iulij. Fer-  
dinandi edicto omnes Iudæi à Sicilia trimestri spa-  
tio excedere iussi, vix aliorum trium mensium dila-  
tionem impetrarunt, magnoque persoluto pretio  
tandem 12. cal. Ianu. omnes commigrarunt in alias  
nationes, præter vnum, eundemque vilissimum,  
qui cum Motycæ Iudæi interficerentur, duodecies  
est tortus.

Dumque Senatus, populusque Netinus instau-  
randis insigni pietate sacris adibus insudabat, Dal-  
matius quoque Episcopus Syracusanus, vir prisca  
sanctitate clarissimus ecclesiæ fideliter, & officiose  
administrandæ incumberebat. Mortuus dudum fue-  
rat Ioannes Romo Cantor, & Beneficiarius ma-  
ioris ecclesiæ: in eius locum Ioannes Vrsus tum  
Vicarius ab Antistite subrogatur. In cuius rei di-  
plomate beneficium constitutum, & fundatum per  
Iacobum Petrum asseritur, & eius electionem, &  
presentationem ad eiusdem ecclesiæ rectores, &  
ministros, quos Cappellanos nuncupant, pertinere.

Nec

Nec minus alia templa, pūque loci Religioso aug-  
 mento & hominum virtutibus, & fabricæ orna-  
 mentis excolebantur. nam & diuæ Clare cano-  
 bium, quamuis Monialibus iam administratum,  
 fabricæ complendæ intendebat. Quapropter Fer-  
 dinandus Rex omni virtutum genere præstanti-  
 simus eidem monasterio quaternas auri vnicas quo-  
 tannis ex saltibus aquatiliū molarum, & earum  
 officinarum, quibus laneæ tela inficiuntur, exi-  
 gendas concessit. obtinuerat prouentus illos Pe-  
 trus Vasurtus ab antecessoribus Regibus collatos;  
 sed quoniam fato functus, fuerant ad Regem de-  
 uoluti. Habite sunt literæ Barcinone die 24.  
 Mar. anno Christi natalis 1493. Lego etiam apud  
 fratres Minores ab Obseruantia fratrem Bernar-  
 dinum Netinum tam vitæ sanctitate, tum certo  
 prædicendi genere fuisse populo admirabilem. Plu-  
 rimæ enim diuino afflatus spiritu vel loco, vel tem-  
 pore longinqua vaticinatum ferunt. Sic Petrus  
 Pipis huius rei testis annotauit, an. sal. 1499.  
 Anno Domini 1498. secunde Ind. maxima fuit *Vin*  
 musti abundantia, vendebatur enim vno tareno, *abundantia*  
 & quandoque decem obolis in singula sagma. plu-  
 res vineas gratis vindemiandas publicarunt, &  
 multæ vua cnuستا remanserunt, quas nec Domini,  
 nec alij exonerarunt. fuit etiam tritici feracissima  
 copia, sic annotatum inueni apud acta Angeli Lau-  
 rificis. Hinc est, quod aiunt vinum binis arcis  
 nummis in singulos sextarios venditum: referuntq;

nobis seniores in caupones iocatos, cùm dimidiu vini sextarium empturi, vnum denariolum promentes mouebant, vt probè pretium numeratum haberent. Adde, ob tantam vini fertilitatem Nicolaum Syracusam ad eas suas, quæ diuæ Catharina templo sunt contiguæ, pro aqua vino calcem extinxisse, & in omnibus ad ædificium pertinentibus usum esse. Hinc etiam aiunt Bartholomæum Prouinam hospitio præregem Neti excepturum, vt quàm facillimè pro militibus, & familia potum expeditum haberet, cisternam suam vino temperasse: & hinc mista pocula hauriebant.

Anno Domini 1497. quarto nonas Octob. primæ Indictionis migravit è vita princeps Castella Ioannes Marcus, & 10. cal. Decem. Neti eidem iusta persoluerunt non minori lætæ, quàm honore. Interfuere omnes Religiosi, omnes officiales, fau datarij, nobiles, & duodeniginti Confraternitatû viri cum totidem trophæis, quos Confalones vocant, albis saccis induti. Iurati Ioannes Ribaldus dominus Moriella, Henricus Plicus, Mutius Barbilatus, & Nicolaus Antonius Syracusa; Nicolaus Salonia prætor, Orlandus Auola Castro præfectus cum cæteris Iustitiæ ministris: lugubri habitu induti, præter quos erant quinquaginta alij nobiles etiam pullati à Mariæ à Castro vacuum feretrum auro obrizo coopertum sub umbella ad Diui Nicolai solenni processione tulerunt. Funebrem orationem habuit Magister Rinaldus Bellassai ordinis

dinis Prædicatorum, Ioannes Vrsus Missam celebravit, quam solenni cantu adiungerunt ceteri Religiosi his exequiis interfuere hominum circiter quatuor milia. triduo officinae, & tabernæ non patere: cereorum pondere sesquicentipondium confectum est. Hæc ex actis Francisci Musci.

Nec Reipublicæ cura in temporalibus interim cessabat apud eos, quibus ex officio onus incumbat. Quod omnes agricolæ seminantes in Netino tertiam quanque collectarum frugum portionem in urbem Netam vendendam inferrent, ex vetustissima consuetudine, cuius nulla hominum memoria extaret, habita sunt literæ observatorie à Ferdinando, die 25. Iun. an. Dom. 1496. Idem etiam observari lege cautum est in bobus, ovibus, ceterisque pecudibus, & fructibus vendendis, vel in macello consiciendis: ut tertia quaque pars Neti vanum daretur. Quin etiam in lite adversus Syracusanos, & Matthæum Platamonem Dominum feudorum Combaudi, & Lalmadara, & quorundam aliorum Antonius Cacciaguerra tum iuratus legatus est ad Regem, sententiamque, & literas obtinuit, ut ciuitas Netina manuteneatur in possessione cogendi dictorum feudorum & aliorum dominos totum com meatum, & agricolas, ut Netum tertiam quanque collectarum frugum partem asportarent. Habita sunt literæ die 19. Decembr. 1501. eodem anno 4. non. Aug. grandine adeo ingenti pluit, ut tegulas fregerit. 4. idus Aug. ap.

paruit cometa instar albæ columbæ, cū magna candacuius splendore terra clauit, & resplenduit. postero anno, concessa à summo Pontifice Alexandro Sexto in singulis vrbibus, & oppidis salutari quinquagenarij Iubilæi gratia, publicatū est Neti sub Matthæo Syracuse in spiritualibus Vicario, mense Novemb. Orandi locus assignatum est Seruatoris cænodium, quò maxima cum pietate, vt decebat, populus confluxit. Anno sequenti Ferdinandus certior factus ex nostra patria viros in omni doctrinarum genere præstantissimos, ingeniosos, & industrios euasisse, qui & superiori, & eiusdem etiam Regis tempestate non Siciliam modò, & Italiam, sed & Hispanias, ceterasque orbis terrarum prouincias illustrauerant: consideransque maximam à Netinis Regiæ maiestati nullo non tempore exhibitam fidelitatem, edixit Netum ingeniosam ciuitatem nuncupandam: Datum est diploma Barcinone, die 23. Iunij 6. Indict. anno à Christi natali 1503. author eius gratiæ impetranda fuit frater Rinaldus Montorus episcopus Cephaladitanus, & Netinus patria, vir omni probitatis, & disciplinæ genere clarissimus. Eodem etiam authore fuerunt, & aliæ gratiæ à Rege Catholico impetratæ. Olim pro castri & munitione, & custodia sancitum fuerat, vt singulæ domus iure quodam solarij singulos tarenos soluerent, & quoniam exactores ab eis, qui vel veteres domos amplificarent, vel palatia erigerent, plus stipis extorquebant:

torquebant: Netini per episcopum Cephaladitanum à Ferdinando exorauere, ne quid amplius prater prædictum pretium soluerent: vtque ab hoc onere immunes nouas aedes construere liceret. Quæ omnia hæcenus plenissimè obseruantur. Datæ sunt literæ Barcinone 30. Iun. an. salutis 1503. Obijt eodem anno Alexander Sextus Pontifex, ei que subrogatur Pius Tertius, cui paucos post dies defuncto successit Iulius Secundus. Hic sacratissimi Netinæ ciuitatis Seruatoris monialibus, præposita earundem sorore Leonora Salonica, concessit indulgentias congregationis sanctæ Iustine Patauine à diuersis summis Pontificibus eidem collatas. Datum est diploma die 10. Mar. 1507.

Quo anno quarto nonas Augusti Constantia primogenita Ioannis Matthæi Specialis, & eius vir Ioannes Baptista Lampisus Dominus oppidi Gibellina, cum Catharina filia Nicolai Specialis fratris vtrique cõiuncti dictæ Constantiæ, infirma esset valetudine, & iam in extremis laboraret, constituit procuratorem Ioannem Maccam ad capiendam possessionem fæudorum Castellutij, Granerij, Sancti Marci, Celsi, Cassibilis, Cipullæ, Montis Climisis, Ludidini, Solarini, Scarancini, Fusarræ, Beluidirij, Pontis, & supplementi portus Syracusani, & quæcunque Neti Catharina possideret. Eodem anno 15. cal. Sept. Nicolaus Antonius Syracusa Nicolai filius dedit uxorem Margaritam filiam Gaspari Vigintimilio primogenito



nito Frãcisçi Domino Buxemæ qui dotauit propter  
nuptias filio oppidum ipsum cum omnibus eius fœn-  
dis. Hæc ex actis Angeli Laurificis.

Anno salutis 1513. quemadmodum Petrus Pi-  
pis scriptum reliquit, valida pestis Netinos affli-  
xit, arrha tamen maioris mali impendentis. 14.  
cal. Octo. grandis fuit illauies, & aquarum impe-  
tus in agro Netino præsertim in agris, quam flu-  
mariam vocamus. Quo etiam anno Iacobus  
Humana episcopus Scuterensis templum Diuæ Cla-  
ræ apud Netinos dedicauit. Postero anno 6. cal.  
Ap. hora noctis octaua, sabbatho ante Domini-  
cam tertiam quadragesimæ cum plurimorum ci-  
uium concursu, pietate, & fletu deposita est ex  
pristino loco Crucifixi imago, & in Sacellum nouū,  
vbi nunc colitur, collocata. Sic à quodam presby-  
tero præter ea, quæ in pariete veteris loci legun-  
tur, annotatum inueni. Annus autem à Seruato-  
ris nostri aduentu tricentesimum tertium lustrum  
exigens fuit Netino populo maximè memorabilis.  
Nam Leone Decimo Pontifice concessum est Diuī  
Conradi reliquias posse coli, adorari, & per urbē  
circūdūci. Mandata est causæ cognitio Iacobo  
Humana, abbati sancti Spiritus, & episcopo Scu-  
terensi, tum etiam generali Dalmatij præsulis Sy-  
racusani in spiritualibus Vicario. Qui habitis man-  
datis die 28. Aug. Netum venit, & causæ co-  
gnita primum Diuī Conradi festum anno postero fe-  
liciter est auspicatus, & præsens veneratus: quādo

tot eius sancti virtutis signa, tot miracula visa sunt, varijs à morbis tot homines sunt liberati, vt maxima cum totius populi letitia, & pietate Deo, & beato Conrado gratia agerentur: Sic deinceps cautum, consuetumque est, vt quotannis vndecimo cal. Ianua. eadem celebritas repeteretur. An. 1510. habita sunt Neti comitia prouincialia Diui Dominici.

Floruere sub Ferdinando Catholico viri Netini in omni disciplinarum genere admirabiles, & tanta ingenij dexteritate præditi, vt meritò ciuitas ingeniosa cognomen sit affecuta: quod & Caroli Quinti Romanorum Imperatoris literæ confirmarunt. Conspicius fuit præ cæteris Rinaldus Montorus genere quidem nobilissimus, vt qui Mainitto Landolina Domino Burgij, suæ ciuitatis potentissimo sororem nuptui dederit: sed meritis, & parta dignitate multò nobilior. Dominicanus Religione pius, philosophus, & theologus professione disertissimus: sic in negotijs gerendis agilis, & dexter, vt à Siculis ad Regem Ferdinandum pro rebus ab vniuersam Sicaniam pertinentibus fuerit, & quidem feliciter legatus ab eodem Rege Cephalæditana ecclesiæ præfectus est: sed ibidem quietam vitam agere vrgentibus Siculorum negotijs non permittitur: modò ad Ferdinandum, modò ad summum Pontificem orator ablegatur; nec arduam huius rei prouinciam, communem vtilitatē priuatis commodis præferens recusabat. Multas

pro patria, plures pro alijs urbibus gratias exorauit. Panormi in plurimorum precerum confessu

13. cal. Decemb. an. sal. 1497. in Ioannis Aragonij Ferdinandi filij obitum funebrem orationem habuit, quam nos editam vidimus. Scripsit libellum de reductionibus naturalibus, & de futurorū contingentium difficultate. dicitur quædam alia in

lucem dedisse, quæ ad manus nostras non peruenerunt. Fuit & in Sicilia, & in Neapolitano Regno generalis hæreticæ prauitatis inquisitor. hoc

titulo ad eundem scribit suis in epistolis Petrus Papis an. sal. 1500. & 1505. Hunc Lucius Marineus

lib. 5. epi. famil. omni literatura præstantissimum appellat. An. sal. 1499. die 16. Noue mb. Netti

Dalmatius episcopus Syracusanus è Diæcesi negotiorum suorum causa egressurus Rinaldum Montorum procuratorem constituit, tam in ijs, quæ ad

ordines, quàm in his, quæ ad iurisdictionem pertinent; vt in tota Diæcesi Syracusana episcopali munere fungeretur. Tum Rinaldus plures menses Ne

ti cum hac dignitate resedit. Sic inuenio. per plures stipulationes apud notarium Nicolaum à Donnis. fuit etiam eo anno Rinaldus commissarius ge-

neralis sanctæ (liceat vulgatis verbis vti) Cruciatæ. fuit etiam abbas monasterij ab Arcu,

(quod in perpetuam commendationem habuerat. patet ex actis Angeli Laurificis, ubi Mainittus Lan-

dolina procurator eiusdem pascua vendit, in alio contractu citatur priuilegium eidem concessum

Netti

Netti

Neti die 22. Apr. 1506. Mortuus autem est ex-  
plereusi, dum adhuc apud Regem pro Siculis age-  
ret, mense octob. an. sal. 1511. quemadmodum  
Marianus Accardus in quadam lamentatoria epi-  
stola valentia ad Petrum Pipim deplorat.

Antonius Corsettus vtriusque iuris Doctor in-  
ter viros totius Italiae, imò & Europæ præstantis-  
simos censetur. plurima suæ professionis opera  
composuit excellentissimi doctoris titulo donatus,  
quæ omnia passim leguntur, & à doctissimo quoque  
citantur. Ad Melitensem ecclesiam promotus vix  
biennio sedit. Romam reuersus ad maiora etiam  
aspirans eandem cum Alexandro Sexto veneni,  
& mortis internecionem subiit, an. sal. hum. 1503.  
habitabat Neti in ædibus, quas modò incolit Ma-  
rianus Ferrarius. Summis eum laudibus extollit  
Matthæus Syluagius, ubi de Neto loquitur. Lu-  
cius Marineus lib. 5. epi. Corsettum Melitensem  
episcopum omni doctrina celebrem appellat, nec  
minoribus laudibus exornant, qui eius do-  
ctrinam, & authoritatem adducunt.

Jacobus Humana abbas sancti Spiritus Calata-  
nissetæ, & episcopus Chalcedonensis (quanquam  
eo tempore ecclesia illa penes infideles fuerit) fuit  
Dalmatij episcopi Syracusani in spiritualibus Vi-  
carius, sanctæ Claræ ædes dicauit, Apostolicæ se-  
dis inssu primum Diui Conradi festum instituit.  
quemadmodum è multis huius sancti historijs, Leo-  
nis Decimi diplomate, & quibusdam processibus,

quæ

que apud maioris ecclesiæ rectores conseruantur, annotauimus.

Ioannes Antonius Prouina excellentissimus, & historicus, & geographus in insulam Hiberniam à summo Pontifice nuntius fuit missus, & de eius insula, & Thyles situ, populorumque moribus scripsit. quem librum Ferdinando Cunea, quem Fazellus Acuncum vocat, dicauit. Conseruatur opusculum Neti apud cœnobium fratrum Minorũ ab Obseruantia.

Magister Antonius Aliotta sacræ Theologia professor, ordinis Minorum fuit multis annis, imò quandiu vixit, custos custodia Syracusana. Sic apud plura instrumenta publica inuenio ab anno 1463. & deinceps ad 1492. quo tempore eundem lego ministri Prouincialis Vicarium fuisse.

Ioannes Quattrus non minus legum scientia, & morum integritate celeberrimus, quàm erogatis in pauperum cœnubia diuitijs, quarto mihi cognitionis gradu iam coniunctus, maxime virtutis fuisse dicitur: adeò vt multorum nobilium inuidiam vicerit. plæbeio genere natus nobilissima apud Ferdinandum Catholicum Regem obtinuit officia. nam ei à secretis profuit, & multa vtiliter, honesteq; consulendo fuit gratissimus. Eius biblistheca ex magna parte Neti apud minores ab obseruantia conseruatur, vbi sepulturam elegit, testatus an. sal. 1523. octauo cal. Nouemb. Tauromeny apud acta Sebastiani Constantij. eius heres, & legato-  
rum

rum fidei commissaria est praefecta cœnobio Dina-  
Clara apud Netinos.

Jacobus Ribaldus Dalmatij praesulis Vicarius  
beati Conradi historiam soluta scripsit oratione, &  
eidem antistiti dicavit. Legi apud illum, cuius  
exemplar à Mariano Pipidomino Bompala mon-  
stratum est mihi, & Gulielmi filium Petrum Bu-  
cherium laqueo enectum, & patris casas, quas il-  
le à Friderico Rege dono postulauerat, veteris ar-  
cis citra Crucifixi templum stetisse, Maurorum  
fortasse castrì reliquias: quæ duo apud alios scripto-  
res non habentur. fuit Iacobus Decretorū Doct̃or.  
Ioannes Antonius Coczus V. I. D. socer Ioannis  
Scarroccia Medicorum suæ ætatis celeberrimi,  
habitus est in iuris civilis peritia singularis. extat  
eius epistola ad Petrum Ppiman. sal. 1496. ve-  
neno extinctus est Palatioli, dum delegatorio iure  
crimina inquireret.

Andreas Barbatius, cuius inter celebratissimos  
doctores sub nomine Andrea Siculi depingitur  
imago, Netinatus est: & professionis politica gra-  
tia apud Mamertinos donatus est ciuitate. Qui  
mos diu inoleuit, vt immunitatum caussa plurimi  
vel summo, vel infimo loco nati vel Panormi, vel  
Messanæ ciues ascribantur. Quod fuit caussa, vt  
Francisci Pharaonius, & Maurolycus frustra tan-  
sum hominem suum esse ciuem glorientur: nisi no-  
biscum sentiant, natali Netinum, habitatione ve-  
rò Messanensem esse: quemadmodum ipsemet in



suorum operum inscriptionibus, quæ omnia Neetum  
 apud fratres Minores ab obseruantia inter primas  
 bibliothecæ classes conseruantur, testatur. Nostra  
 sententiæ astipulatur Albertus Leander asserens  
 Barbatium ciuem fuisse Netinum, quamuis alij  
 Messanensem affirmant, Clarius hoc expressit au-  
 thôr illius opusculi, quod Christophori Scanelli no-  
 mine circumsertur, asserisque in operum discursu  
 Barbatium Netum patriam agnoscere. Idem asse-  
 rens Magister Iosephus Bonasia magni nominis  
 Theologus Barbatij ades prope cœnobium Diui  
 Francisci apud Netinos hæc de re colloquentibus  
 indicabat. Idem asserit Iosephus Carneualius lib.  
 2. cuius verba sunt hæc: Et la Città ingenuosa di  
 Noto, dalla quale tutta la valle ha preso il nome,  
 fù anticamente questa Città, chiamata Neas,  
 come Dicodoro nell' 11. ci mostra, & da Tolomeo  
 Neetum, & da Silio nel 14. Netum: quando dis-  
 se, Netum, & Mintæ pubesq; liquētis Arethi.  
 Fu edificata da Sicoli, Ella è veramente molto ric-  
 ca, & molto grande, che in essa sola vî si contiene,  
 il numero di tremila vent' vno fuoco. Fu nobili-  
 tata per lo nascimento di Ducetio Re di Siculi,  
 grandemente inimico di Siracusani, & Agrigen-  
 tini, con i quali souente hebbe fiere battaglie, vi  
 nacque ancora Giouanni Aurispa, & Giouan Mar-  
 rasio Poeta, Antonio Cassarino Oratore, & si cre-  
 de che di questa terra, hauesse l'origine; Andrea  
 Barbatia, eccellentissimo Dottore. Quini s'honora

*San Corrado Piacentino*, molto miracoloso, e propitio à que' che di mal di Hernia, ò rottura patiscono. Huius doctoris laudes texere superuacua est opera, cum & grandia volumina ab omnibus fere posteris citata id ipsum vulgò profiteantur, & qui eum Messanensem contendunt, plura prædicent.

*Nicolaus Syracusa* dominus Cassari oppidi, & Castellucij, & Granerij, quæ hæc duo emerat à Ioanno Matthæo Speciale cum redimendi facultate, sicut & postea à Vassallo Matthæi filio redempti sunt, fuit homo cum diuitiarum copia præstantissimus, tum singulari munificentia liberalissimus. nam & ciues suos libentissime adiuuit in pauperum, & sacrarum ædium subsidium plurimum pecuniæ erogauit. Idem author fuit aquæ à fonte Runedi ad quartum lapidem distantem in urbem inducendæ, quam modò pluribus fontibus sub varijs rerum imaginibus irrigat. in quorum vno à Diua Kennera cognomen habente hoc Ioannis Angheffa emblemata sub Vega prorege editum habetur.

*Vipera pro viro dulcem dat pressa liquorem:*

*To Duce mitescunt impia corda, Vega.*

Sed ad Nicolaum redeo. Hic Atellari fluminis ripas ad Bulchalem ponte coniunxit. Diui Georgij adiculam in suis adibus Diui Dominici claustris contiguam dotauit: Et, ut adhuc eius fama & publicis operis, & seniorum traditione commemorat, omni virtutum genere fuit insignis. tres filias

X nobilif-

nobilissimis viris dedit uxores: Claram quidem Gaspari Aragonæ Hyble, et Terranouæ domino, eoque mortuo Aloysio Richisensio, Aleonoram verò Ioanni Landolina, Ioannam autem Ioanni Naua. Sacellum beato Conrado construxit, ubi nunc sanctissima Eucharistia colitur: ibi eius tumulus è marmore fuit hætenus conspicuus, quamvis pontificum decreto bis depressus, hæredes constituit Nicolaum Antonium, qui Mariam Mainitti Landolina Burgii, et Villiscala domini filiam duxit uxorem, et Petrum Cassari oppidi domini. vestigialis fructus, quod Cannam vocant, quoniam vlnis lancea tela vanum data mensuraretur, in pauperum consanguinearum, vel ijs non existentibus, etiam aliarum matrimonium legauit. Quod vestigal ipsi Nicolao pignori olim traditum, à Ciuitate Netina quarto nonas Augusti an. sal. 1574. fuit redemptum. apparet per notam in contractus venditionis margine, apud notarium Franciscum Muscum, 7. id. Aug. 1469. cuius acta Francisco Ioanthomasio sunt commendata. Testatus autem apud Iulianum Carobenium obiit Neti 13. calen. Aug. 42. Dom. 1498. tum Iuratus Ciuitatis, in cuius locum subrogatus est Vincentius Tampuscio. In huius tumulo hoc epitaphium legebatur. Stirpe Syracosia tumulo iacet hoc Nicolaus, Qui patriam inuit munere, consilio. Hospitium hoc viuens hac condidit ædæ tonanti. Et possit moriens hospes adire Iouem.

Marius Accardus fuit adeò in arte oratoria,  
 & legum scientia exercitatus, vt complura pro pa-  
 tria, & pro episcopo Cephalœditano Romæ nego-  
 tia summa vigilantia gesserit. Hunc ille præsul in  
 Hispaniam nauigaturus accessit: sed Neapoli cum  
 esset, iam profectum episcopum inuenit, eundemq;  
 Proregis monitu terrestri itinere secutus est. Sic  
 Bononia ad Petrum Pipim Patauij studentem scri-  
 bit, an. sal. 1510. Cum tamen ad maiora aspiras-  
 set, ab Ugone Comite Montisleonis, & Siciliam  
 pro Rege gubernante in aulam, vt esset à secretis,  
 admissus est: tempore pestis fuit armorum præfe-  
 ctus apud Netinos. sunt quædam apud Lucium Ma-  
 rineum epistola ab eodem Mariano scriptæ, & plu-  
 res etiam Lucij ad ipsum: quem quinto epi. lib.  
 inter poetas, & oratores memorabiles annumerat.  
 Orlandus Auola in re militari terra, marique  
 strenuissimus fuit Alphonso de optimo quoque vi-  
 re benemerentissimo maximè gratus. aduersa in  
 fratribus ab hoste vulnera accepta, vt fortissimos vi-  
 ros decet, honori duxit. Regiam classem quando-  
 que pro generali præfecto gubernauit: & cum fe-  
 liciter in eo munere aliquandiu se gesserit, arcis  
 Netine præfecturam pro se, & heredibus suis est  
 consecutus, eius virtutes literis Regijs commenda-  
 tas vidimus. Emit feudum Mahegium in agro Sy-  
 rucufano, quod eius hæres, & ex filia pronepos  
 Ioannes Baptista Scarroccia hodie possidet.  
 Ioannes Matthæus Sortinus in arte medica

Comey Mon.  
 filianis He.  
 in signaculo  
 alter ab  
 Ugone Mon.  
 cadu

aqualium præstantissimus fuit, ita quidem meritis  
 exigentibus, ad protomedici Regij in Sicilia digni-  
 tatem promotus. nec defuit ope, consilio, & stu-  
 dijs suis ciuibus. nam ciuitatis Netina orator in ge-  
 nerali Synodo aliquot pro illis gratias exorauit.  
 Die 11. Decem. an. sal. 1514. Meminit huius viri  
 Philippus Garfia, vbi eiusdem dignitatis præde-  
 cessores commemorat. vidimus quoddam eius pri-  
 uilegium, quo Laurentio Basilio Medico Ennensi  
 chirurgiæ munus concedit exercere. an. Do, 1508.  
 ibi se Netinum fatetur. commendatur peculiari  
 laudum præconio à Ferdinando, quod in Regio  
 etiam Palatio suæ peritiæ, industriæ medendo præ-  
 stantiam ostenderit. promotus autem est ad hoc of-  
 ficij Barcinone 3. cal. Iunij 1503. vixit ad annos  
 Domini 1518.

Petrus Oddus in rerum naturalium, & scien-  
 tiæ medicæ cognitione exercitatissimus in omni dis-  
 putatione primas tenuit, promptissima instructus  
 memoria: nihil fuit, quod in sua professione nesci-  
 ret. eadem de causâ ceteri apud illum concertare  
 formidabant. Duodeuiginti annis huberrima mer-  
 cede conductus, & digniori laudis gloriæ Patani  
 publicè legisse dicitur. Hic quandoque emeritus  
 miles in patriam regressus filio Gulielmo eiusdem  
 professionis viro à studijs reuertenti, vbi Doctoris  
 lauream fuerat assecutus, manum osculandam non  
 permisit, nisi prius diligenter examinatum tali pa-  
 tre, tantaque scientia dignum agnouisset. Aquilæ  
 profectò

profectò imitatus, quæ pullos vngue suspensos solis radios firmo intuitu conspiciari compellit, ut materna alimonia dignos admitteret: aliàs vngue dimissos, tanquam adulterinos deiecit.

Sigismundus Cappellus literas humanas cum sanguinis nobilitate coniunxit. fuit dominus feudì Bonfalluræ: philosophicam vitam ab omni forensium causarum strepitu remotam vixit: quamvis à multis heroibus accersitus maluit domi cum Musis latere, quàm inter splendidissimos proceres clarior apparere. leguntur eius carmina tanta poetice artis, & eloquentia venustate composita, ut antiquioribus poetis in elegiaco metro non cederent. Floruit sub Ferdinando, & Carolo.

Ioannes Manuella architectus suæ, superiorisq: ætatis excellentissimus. eius adificia, quibus struendis præerat, fuerunt in tota Sicilia omnibus admirationi. Hic illa ornatissima, & pulcherrima Crucifixi sacella, quæ conspicientibus afferunt iucunditatem, extruxit. Quorum alterum, in quod altissimi Domini Crux lignea cum vetustissima imagine, quæ omnibus Siculis fuit admirationi, è medio templo translata est, nulli cedit artificio. Si quidem campanariam turrim, eamque per amplam, & altam sustinet, innixo altero crure ponti mirabilis etiam structura: adeò ut eximium opus hoc disticho ibidem insculpto commendetur.

Quid iuuat antiquos Alie memorare Colossos?

Quod stupeant Siculi, prouida Netus habet.



Perfectum est opus, an. sal. 1514. & ibidem crux est deposita, mense Martio. ibi hoc Sigismundi Cappelli carmen legitur.

Hanc rixes struxere p̄s cum sumptibus ædem,

Ad tantam laudem nominis adde decus.

Cum millesimus ibat, quingentesimus annus.

Et quartus decimus, finis in æde fuit.

Antonius Vinutus Netinus (ut ipsemet testatur) scripsit de agricultura opusculum, quod Frederico Patellæ Cameratæ Comiti dicauit, mira rerum naturalium eruditione elaboratum; quod de nunc in lucem editum omnibus, qui arborum colendarum rationem callent, extitit gratissimum. scripsit an. sal. 1510.

Petrus Morales genitus est ex Ioanne Morale, & Francia Guasca, mense Apr. an. Dom. 1463. qui Ioannes fuit filius Martini Cordubensis, qui primus Moraliū domum Neri fundauit. Accepit autem Petrus doctoris insignia Florentiæ tertio cal. No. 1493. uxorem duxit Angelam filiam Gulielmi Sortini & Margaritæ Cappellæ, domitorum Dibibinij Bimiscæ, & Chiarramij. plurimum valuit in Regia Curia, suisque patrocinijs multas opes sibi comparauit, tertio electus est Iudex magnæ Regiæ Curie. Cum seditiosi aduersus Pignatellum Proregem insurrexissent, fuit à consilijs Blasii Lanceæ Vicarij, & armorum præfecti aduersus rebelles. adeoque fideliter se gessit, & prudenter, ut totius Regni Siculi patronus fuerit electus:

electus: quo officio septem annos functus est diligenter. tandem ingruente peste Panormi decessit, & in sanctæ Citæ iā et genuit Bernardinum, qui Ioannem Franciscum adhuc superstitem.

Anno salutis humanæ 1516. mense Ianuario Ferdinandus spiritum efflauit; nulla virili prole superstitē. Successit Carolus ex filia Ioanna nepos, qui fuit postmodum Quintus eo nomine Romanorū Imperator. Caterum post Ferdinandi mortem plures Neti, quemadmodum & alibi, rumores fuerunt excitati. nam seditiosissimus quisque aliorum tranquillitati inuidens fædis clamoribus omnia miscebat, & aucto plabeia facis contubernio, clamabant; qui Regem non habent, Regij tributipensionem, quæ tum ex portione tripartita cal. Ianu. exolvebatur, præstare non oportere: Cum verò iam exactam pecuniam Iurati re vera Panormi consignandam curassent, vulgusque ignobile factū abnegaret, eisdem dominis, à quibus fuerat exacta, integrè restituendam contendebat. quod magistratus sedandæ multitudinis causa promisit, imò & re ipsa præstitit. Nec sola hac insania contenti, arcem adeunt, Nicolaum Starrocciam præfectum conveniunt, efflagitant omnes cum civili, tum criminali causa vinctos exoluendos, liberosque prorsus dimittendos: tantusque fuit tumultuantis populi concursus, ut Nicolaus repentino agmine perterritus Iuratos, & Pratorem accersendum iuberet. nec tamen illi fluctuantis populi clamorem,

insolentemque strepitum mulcere potuerunt, quan-  
 vis modò minis, modò precibus niterentur. Emis-  
 si tandem sunt è custodia, qui ari alieno erant ob-  
 noxi, dato quadrimestri termino, quo Dominis  
 satisfacerent: serui duntaxat retenti, ceteri quan-  
 vis pauci, dimissi hoc euenit 7. cal. Aprilis an. sal.  
 1516. erant iurati Blandinus Cappellus, Petrus  
 Deodatus, Iulianus Risaliba, & Petrus Augu-  
 stinus Pompeius. Postero tamen anno horrendum  
 futuræ cladis prodigium Neti exortum est. Nam  
 mula quadam subrussa (cuius sterilem esse naturã  
 nemo ignorat), quam Petri Pregady fuisse nota-  
 runt multi 16. cal. Sep. pullum est enixa, quo tem-  
 pore multis seditionibus exortis vrbs Netina, imò  
 & tota Sicilia in bella intestina, & ciuilem per-  
 niciem ruebat. Vtque toti populo res esset explo-  
 rata in area fori peperisse ferunt. ea de re Petrus  
 Pipis in suo de peste libello sic scripsit.

*Ante tamen pestem fuit omen in vrbe per annos*

*Quinque ferè, nobis prodigiale fuit.*

*Mula ex se proprium factum produxit abortum,*

*Cùm viget in patria seditione furor.*

Anno tum à virginis partu 1521. amplificata  
 est area fori, tum ante ædes Dini Nicolai quantam  
 nos pueri vidimus: (siquidem exinde grandiora  
 sumpsit incrementa) tum etiam Crucifixi, quan-  
 ta hac modò cernitur, vbi & fornices, & taber-  
 nule, quas potiellas vocant, & propugnacula:  
 quæ præcipitem vallem spectant, sunt erecta: locum

tum nundinis celebrandis, tum populi huc festis  
 Pentecostes diebus concurrentis capacitati com-  
 modissimum. Scripsit & hoc Pipis facillimus poe-  
 ta in hac verba:

Mille & quingenti bls denus it annus, & vnus;

Publica càm facta est ampla platea fori.

Virginis ad castrum tunc ampla sit area templi

Auctasui populi vix capiebat opes.

Eodem tamen tempore càm maiori postèri anni  
 parte Netum, vt & aliæ Siciliæ Ciuitates. grauif-  
 sima, sauiissimaque peste laborauit: Appulit enim  
 huc nauis ab occidente infectis onusta mercibus;  
 quæ primùm Drepani eas expositura eicitur, mox  
 Panormi, Messana, & Syracusis, sparsa tanti ma-  
 li, noxijque oneris fama, similem passa est repul-  
 sa. at hinc prætergressa ad stationem, quos fontes  
 albos vocant, aliquantisper constitit. Confluxe-  
 runt ed quiddam Syracusani supellectilis potius quàm  
 salutis auidi, & nautas iam esurientes pane reficiunt,  
 ab eisque contrà multis munusculis cupiditatis ob-  
 lectamento donantur. Hinc plures allesti paruo  
 are pretiosos tapetes, & vestes quasdam, cæteraq;  
 eius generis mercimonia mercati occultam luem in  
 urbem sibi, cæterisque suis non mediocri damnum  
 intulerunt. Quæ occulta contagione imbuta, ita  
 atrox venenum imbibit, vt adiuari nullo modo  
 potuerit. Hinc eadem lues (semper enim aliquid  
 mali à vicino malo) Netinos aded crudeliter af-  
 fixit, vt breui confecti urbem cinibus, & vtriusque  
 mentis

*Perth an  
 1521.*

mentis exhaustam deplorauerint. Plura enim hominum milia tum dicuntur extincta; quam modò supersint, dicente Petro Pipe. Milia sex numerus fuit is, qui deinde remansit.

Milia bustorum plura fuisse decem.

Cæpit Neti mense Aug. & cum maxima annonæ caritate (comes est pestis fames) in totam æstatem sequentem consecuta est acerrime, ut quandoque vna die centeni morerentur, nec publici veipillones humandis corporibus satis esse possent. Hinc etiam (tanta erat infecti cæli grauitas) pecorum strages est insecta, ut omnia pendè bruta inter homines versata ceciderint. Cum primum autem conualuerint, ad eam Mariæ virginis à victoria, quæ extat, iacere cæperunt: imperfectum tamen remansit opus, Senatu impediente, ne lata illa fabrica quandoque vrbi futura esset expugnationi, donec nostra tempestate parua ædícula accommodaretur. Scripsit hac de re Petrus Pipis, qui rebus omnibus non interfuit solum, sed etiam præfuit, opusculum à filio in lucem datum.

Ut primum atrocissimum illud contagium desijt, plurimi nobiles salutis causa risticiati in urbem rediere ciuilia negotia, & hereditatū iura composaturi. Tum lego Vincentium Barbilatum Iouannis filium, & Mutij nepotem, de quibus supra nonnihil scripsimus, fæudorum Billudix, & Catatausi sub Heftore Pignatello pro Rege confirmationem habuisse; mense Nouemb. an. sal. 1523. Hic Vincentius

centius absque liberis decedens Lisandram, & Antoniolam sorores habuit. Lisandra quidem Petro Landolina nuptæ Billudia in dotem data est. Susceperunt filium Antoniolum Landolinam, cui est confirmatum privilegium Billudiæ an. Jul. 1531. Hic autem inter alios liberos genuit Thomam Landolinam præsentem eius sæudi Dominum, plurimis virtutibus incllytissimum.

Quamvis autem pestifera clades Netinorum insolentiam domitam habere potuisset, non tamen veteres nobilium factiones, & immania odia fuerunt extincta. mutuis cotidie vulneribus rubescabant, frequenter animas ad Orcum demittebant, & inter crebra parricidia delictorum vigeat impunitas, ut nec Iustitiæ locus esset, circumoberrantibus licenter factiosis, & domi tacitos, aut in medio etiam foro otiosos infanda morte, vel citra iniuriam acceptam, trucidantibus, nec pietas vlla esset saluti: aded ut infausta illa tempora vulgari adhuc Bandulorum nomine dicerentur. Accidit interea, ut mense Iulio, an. Dom. 1527. Nicolaus Landolina quadraginta satellitibus stipatus ultimū de Ioanne, & Petro Deodatis fratribus, pari nobilitate viris exitium sumpturus, cum domi continerentur, ostium iam clausum comburere aggrediretur. Quod & paulò antè feterant Gulielmi Sorcini Domini sæudi Dihibini palatium sævis incendijs sædando. Petrus tamen audaci animo oppugnantibus obnitens e superiori muri parte sectū,



& prægrandem lapidem deiecit . eo in equi caput  
 illiso, quo Nicolaus rehebatur, multis saltibus  
 ferocissima bestia huc illuc versa est. Quo factum  
 est, ut ceteris adhuc ædium expugnationi intentis,  
 Nicolaus aliquanto longius digrederetur . Qua  
 occasione quidam ex Petri domesticis procul ho-  
 minem conspicatus dextrum Nicolai talum glande  
 traiecit . Quod vulnus adeò noxium, & lethale  
 fuit, ut & solueretur obsidio, & Nicolao pes ille  
 inutilis remanserit . Nec multò post à Bonaiuto  
 tunc armorum præfecto captus est, & Bizinū sub  
 fidibus cruciatus: liberatus tamen suæ domi, nobis  
 pueris, naturali fato fuit extinctus . Eodem anno  
 nonis Iunij, die Sabbatho, innumera locusta te-  
 nebris cælum obduxere, & optima quæque ex fru-  
 gibus, & folijs carpendo deuastarunt . Quæ perni-  
 ciosa immensæ cateruæ copia nō Netinos modò, sed  
 & alios Siculos afflixit: donec ab episcopis anathe-  
 mate percussa interierit . Hoc etiam aliàs contigisse  
 notauit Maurolycus . Pridie etiam idus Ianua-  
 rij ceciderat è cælo quædam terra rubra, quæ totâ  
 telluris superficiem rubore sparserat: adeò ut im-  
 bribus sequentibus canales sanguinei fluerent nec-  
 non & præcedenti die insueta quædam caligo no-  
 cturnis tenebris haud absimilis diurnam lucem ob-  
 scuris nubilis offuscauerat. certissimum seditionum,  
 tumultuum, & patranda cadis, aliorumq, scele-  
 rum, quæ eodem anno Netum, & Siciliam inua-  
 serant, argumentum . Quid tamen dicam Netum,  
 & Sici-

& Siciliam? cū eodem anno direptam ab Hispanis, Germanisque militibus urbem Romam, prophanata omnia sacra, ludibrio, & prada ecclesiasticos viros habitos, ad obscenam barbarorum libidinem extractas è claustris sanctimoniales, obsessum tanquam in abiecto carcere Pontificem Clementem, grauissimam Christiana pietatis iacturam totus terrarum orbis (ubi erat aliquod catholica Religionis studium) deplorauit. Sed ad Netinas calamitates descendas reuertor. Eodem anno crudelissimè perijt quadam puella Domina fæudi Frigintini, vnica patris hæres. Combusta enim est cum quadam vernula, dum ludit, applicito igni duobus cadis puluere nitrato plenis: ex quo incendio palatium veteres dominos adhuc deplorans prope forum iacet. factum, & verna persuasum dicunt nequitia Gotterra Landolina patrui, cui post puellæ mortem fæudum succederet. Sed & ipse miserrimè Panormi obiit, 6. cal. Sep. Sic apud Petrum Pipem annotatum comperi. Eadem tempestate factiones inter Landolinas, qui vocabantur superni, & inferni, maius incrementum habuere: adeò vt plurimi vtrarumque partium cines animas ferro efflauerint: plures etiam, & quod magis erat dolendum, quorum nulla erat culpa, opibus expoliati. Capita erant Gotterra, Ioannes, Nicolaus, Gulielmus Landolina, viri audaces, & indomiti, perinde ac nobiles, & diuites. Postero anno mense Ianuario decem dies cometa apparuit, à tertia

1589  
a tertia ad quintam noctis horam, ad occidentem in-  
sula partem vergens, cuius color albicabat. Men-  
se Nouembri validus fuit terræ motus: eodemque  
anno ut plurimum femina Netina geminos susci-  
piebant liberos: adeo ut à senioribus nostris, tan-  
quam rarum notaretur. Anno sequenti contigit  
Neti, & in tota ferè Sicilia maxima frugum ca-  
ritas: modius enim tritici vauibat septem carole-  
nis. notarunt hoc quidam tanquam prodigium ali-  
quod: qui eam penuriam, quam nostra tempestate  
Sicilia, imò totus penè terrarum orbis passus est,  
non sensere. vidimus triticum alibi octo, alibi de-  
cem, alibi quindecim, & pluris, in singulos mo-  
dios tarenis venum dari. Nec tamen in ea annonæ  
caritate à pijs operibus vacatum est. exactum fuit  
hoc anno templi Diui Dominici tectum ex collatis  
nobilium, & ciuitatis eleemosinis: ut ipsa autho-  
rum stemmata ibidem depicta testantur.

Anno salutis humanæ 1530. mense Octobri in-  
genti pluuia omnia flumina alueos suos egressa inun-  
darunt. quod tempus fuit omnibus Siculis adhuc  
præ hominum, & locorum strage memorabile. tri-  
duo iugiter plu isse inuenio, adeo ut excrescenti-  
bus amnibus multa viridaria ad fluminum ripas  
fuerint absorpta, multa edificia collapsa, plurimi  
homines summersi: quod malum etiam Italiam ve-  
bementer afflixit: in tota item Sicilia maxima pec-  
cudum strages cæli intemperiem subsequuta est. An-  
no sequenti cometes cum radio à parte superiori

10. cal. Sep. apparuit: duravit autem dies vnde-  
 cim. quin & postero anno alter cometa hor. & deci-  
 ma mense Septembri plures dies ad orientem spe-  
 ctatus est. Annos salutis 1535. post multas, & con-  
 tinuas duorum mensium pluuias, tertio idus, &  
 pridie Februarij tuber quidem pulvis è cælo delap-  
 sus est, adeò vt sanguis pluuisse videretur. Eodem  
 anno Netini, cum superioribus temporibus in con-  
 cilijs ineundis totius populi consensus requirere-  
 tur, à Carolo Imperatore petierunt, vt deni no-  
 biles, deni artifices, deni ex rerum peritioribus  
 agricolis sufficerent. habita sunt litera 10. Iulij  
 qui annus Siculis, Italis, & Hispanis plurimum  
 attulit lætitiæ qd Gulettæ arcis, & Tunetis vrbis  
 expugnationem, & Caroli Regis in Siciliam ad-  
 uentum, & coronationem. Per hæc tempora dum  
 adhuc lis agigaretur à Netinis aduersus dominos  
 fæudorum Combagadi, & Risalini, Carolus Impe-  
 rator pro regi mandauit, si Netini à lite desisteret,  
 Hieronymus Platano priuilegio ad oppidum ædi-  
 ficandum impetrato, uti possit: sin secus, suo iure  
 litem dirimeret. Datæ sunt litera Toleti 15. Dec.  
 1538. fuit igitur pro Netinis pronuntiatum,  
 quemadmodum & alias an. sal. 1486. die decimo  
 Nouemb, literas Platamoni concessas nullas fuis-  
 se, nec iterum concedendas, & Netinos in antiqua  
 possessione, & iure sustinendos. Sic item ( quoniam  
 res est persæpe repetita ) Vega prorex mandauit  
 Assuero filio Syracusis iura dicenti. Datum Mes-  
 sana

Hankins

Janae die 5. Sept. an. sal. 1556. Anno à Christi natali 1540. Ferdinandus Gonzaga prorex, qui & Netum venit, & Netinos admodum dilexit, & sub cuius administratione vrbs manibus, & propugnaculis fortioribus est munita, concessit quinque diebus posse apud Netinos sub dies festos Dni Conradi ab omni vestigali immunes nundinas celebrari. Data sunt literae Panormi: inuenio idem confirmatum Messana ab eodem 10. Octob. an. sal. 1542. Ioannes etiam Rega prorex Drepani agens duos alios dies adiecit. quod fuit à Domini natali an. 1550. Quin & Ioannes Lacerda prorex Messana anno 1557. unum alium diem adiecit: ita ut nundina à vigilia diei festi incepta per octauam à regis vestigalibus immunes decurrant. Meminit harum nundinarum Maurolycus, nec alias tacuit, quas suprâ explicui.

Carolus Imperator rediens à grauissima illa iactura, & naufragio, quae terra, marique acceperat, dum incaustum Algerium oppugnaret. in Hispaniam se recepit. Tum Netini per legatos Caesarem consolati opes suas, & amica praesidia pollicentur. rescripsit ille summa opere sibi gratam esse ciuium voluntatem, laudat fidelitatem, & amorem, ingeniosissima titulum scribendo confirmat, & se tantae gratitudinis memorem profecturum futurum. Et quoniam nonnullis amicis placuit verba, quibus ille reititur, ad litteram subscribere, non grauabor & in tanti Imperatoris memoriam, & in nostrae ciuitatis

tatis commendationem amicis morem gerere. E  
sunt: Amados, y fideles nuestros. Por cartas de  
Illustre Don Fernãdo de Gonzaga nuestro Visorey,  
y capitan general, hauemos entendido e l'amor, y  
afficion, con que venistes a offerer nos vuostas  
casas, y haziendas buogo, que supistes, loque en  
Argel accedio a nuestra armada, y exercido, loque  
hostenemos en muy accetto seruitio, y lo agradece-  
mos mucho, y tenemos per cierto, que offerecien-  
do el caso, non dexaria de hazer essa ingeniosa ciu-  
dad, lo que sempre ha acostombrado, en todo lo que  
ha respetto a nuestro seruitio, y assi en lo que a ella  
se le offreciere, y le compla nos tendremos la me-  
moria, que es razon de su fidelidad, y buenos ser-  
uitios. Dato en Valledolid a quarto dias del mes de  
Marczo. an. Do. M. D. XLII. Io el Rey. Vries  
Secretario. A los amados, y fideles nuestros los  
Jurados dell ingeniosa Ciudad de Noto.

Cum Iurati Syracusani, & Hieronymus Pla-  
tano dominus feudorũ Almadaræ Risani et alio-  
rũ, hinas literas ab officio magnæ regie curiæ ratio-  
nũ huius regni Siculi obtinuerint, alteras Messanæ  
die 8. Iulij, alteris verò 18 Aug. 1541. quibus im-  
petrauerant si iuges in dictis feudis collectas vendi  
posse Syracusis: cõparuere Iurati Netini petentes,  
vt in antiqua possessione, & consuetudine capiendi,  
& vendendi pro Netinæ ciuitatis vsu, omnes fru-  
ctus, qui in eius agro nascuntur, generantur, &  
frunt, confirmentur, & defendantur. Prouisum



est binas illas literas renocari, & Netinos in sua possessione, & consuetudine conseruatum iri. Data Panormi die 15. Decemb. 1541. Eisdem postero anno Ferdinandus Gonzaga confirmauit binis literis iubens, & declarans fruges, & fructus in illis aruis perceptos Neti venditum iri oportere. fuit ad hoc obtinendum legatus Ioannes Candiarius patria amantiſſimus. Anno sal. 1542. Idem prorex concessit, ne Netini milites in Syracusanorum subsidium cogi possent; propter locorum inaritimorum propinquitatem. Nam saepenumero contigit, vt nostri cum pedites, tum equites ad pyratas à littore propulsandos descenderent. Data sunt literae Messanae, die 19. Aug. Eodem anno fuerunt confirmatae literae obseruatoriae, vt in agro Netino seminantes ex omnibus oppidis finitimis, vt sunt Motycani, Ragusani, Inspicae fundani, Palatioenses, Buxemenses, Hyblenses, & alij, tertiam quanque purgati tritici partem in urbem Netum vendendam ferrent: fraudatarij verò totum. fuit hoc iam à vetustissimo tempore statutum, quod & haecenus obseruatur, cum magna nostrorum ciuium utilitate. Eodem etiam anno maximus fuit Neti, & in tota penè Sicilia terra motus: ita vt senes nostri hunc annum à terramotu cognominatum praedicent. fuit enim praeceteris horribilis. multa tum aedificia corruerunt, multi relictis domibus sub dio, in speluncis, & antris dormiebant. Meminit huius Fazellus, praesertim eius, qui quarto  
idus

idus Decem. hora 23. euenit, non Neti solum,  
 sed & in tota Netina regione, & plura distinctius  
 enumerat. Cum verò turcica classis an. sal. 1543.  
 Rhegium ferro, & igni vastasset, & Calabria oras  
 populata esset, sex diebus Messanam obsedit: Ne-  
 tini ex vetusta cum Messanensibus amicitia ami-  
 cas opes, & militaria præsidia eisdem obtulerunt.  
 Sed Mamertini soluta obsidione liberati Netinorū  
 beneuolentiam, & grata studia laudantes rescrip-  
 sere. Data sunt literæ. die 24. Iunij. hanc classē  
 duce Barbarussa Rhegium fœdasse an. sal. 1544.  
 memorat Fazellus: veriùs tamen Maurol qui sin-  
 gula hæc, quamuis superbius impendio describit.  
 Anno Christi 1544. Paulus Quartus concessit  
 Diui Conradi festum in tota etiam Sicilia posse ce-  
 lebrari. Romæ diploma obtinuit Frater Sanctorus  
 Monachus. Postero anno à Iuratis habita est nota,  
 & admonitio adilibus de iustè, & fideliter exami-  
 nandis ponderibus, & mensuris, & nequid noui  
 Iuratis inconsultis decernerent. 1546. 12. cal. No-  
 uem. magna apud hortos, quæ Durbo irrigantur,  
 aquarum inundatio postero anno, mense Martio,  
 decidit, subseditque solum cum tota mole templi  
 Diui Antonij ad Durbum. Stetit autem ædes, licet  
 aliquantum conquassata. transibat interea, quæ fuit  
 hora 21. quidam mulio: at diuina ope inter tot rui-  
 nas euasit incolumis. anno 1549. 9. cal. Iun. ere-  
 ctus est in platea fons cum imagine Laocoonis.  
 1550. pridie idus Martij 8. ind. mortuus est Anto-  
 nius

nus *Aethiops*, cuius vita fuit miraculis, & sanctitate illustris iacet *Neti* in cœnobio Minorum ab observantia.

Anno insequenti, mense Iunio *Marchio Hieracensium Netum* venit cum militaribus fraudatiorum auxilijs, & cum cæteris Militiæ Vallis *Netinæ* equitibus. tunc dicitur quidam *Turca Baptizatus in Crucifixi* 18. Cal. Sept. per funem ambulasse. Nunc ad viros illos, qui suis meritis celebres *Netinam patriam*, & natalibus, & muneribus præclare gestis illustrarunt, explicandos me confero.

*Sanctorus* cognomento *Monachus* fuit *Abbas Cœnobij Sanctæ Mariæ Rauennatis*, *Ordinis Sancti Benedicti* in *Diœcesi Messanensi*, quem multi eniorum nostrorū adhuc cognosse asserunt à *Paulo Quarto Pontifice maximo* obtinuit *Diui Conradi festum* etiam extra ciuitatem *Netinam*, & *Syracusanam Diœcesim*, ut beatorum, qui nondum ab ecclesia in sanctorū numerū fuerint adscripti, posse (ut alias diximus) celebrari, & imagines venerari. Datum est diploma *Romæ* 3. cal. No. an. sal. 1544. Hunc hominem maximè facetum, & iucundum fuisse asserunt. Occubuit autem *Messanæ*, an. sal. 1560.

*Ioannes Petrus Cortisius* Doctor Theologus prædicatoriæ familiæ fuit *Romæ* in generali sui ordinis synodo disputando celebratissimus: bis prior provincialis cucullatos rexit in *Sicilia*, primò electus an. Dom. 1544. item secundo 1557. & quadriennio *Dominicanæ familiæ* maxima cum laude præfuit.

præfuit. mortuus est autem 19. cal. Decem. 1560. Michael Selonia summo loco natus eiusdem Religionis cultor, sacræ quoque Theologiæ professor in prædicando Dei verbo habitus est eloquentissimus. an. sal. 1534. electus est prior provincialis, & benicio dignissimo cum honore munus exercuit. natus est, ut eiusdem manu annotatum legi, anno. Do. 1490. die 29. Sep. ho. 8 & an. 1503. Divi Domini habitum suscepit. an. 1512. ad Sacerdotium assumptus. Dei verbum prædicare incepit. Mortuus autem est Neti 18. cal. Iulij, an. Dom. 1552.

Frater Ludovicus Netinus, cui prius à Donnīs fuerat cognomen, Minister Provincialis Capuccinorum in tota Sicilia primus omnium in hanc urbem Religiosos illos induxit, an. sal. 1553.

Brandanus Terranova diutissime in locorū piarum visitatione peregrinatus, & in Sicilia, & in Italia ab integerrimæ vitæ honestate commendatissimus post plurima Dei, & pauperum obsequia (in his enim charitatis officijs omni opera, & studio nitebatur) Montabbodi naturæ cessit, & ad superna cælorum præmia quarto nonas Iulij, an. sal. 1558. euolavit. ibiq; præfule Senogallienſi coram agente, clarum funus est elatum, & honorifico tumulo conditum, non sine omnium, qui aderant, & qui tantum virum ex animo dicerent amisisse, fletu, & luctu. Habentur Neti literæ consolatoriæ ab episcopo Senogallienſi ad Bernardinum fratrem, quibus hominis sanctitatem gravissimè commen-

dat, & quæ scribimus in sua Diæcesi gesta plenissimè testatur.

Petrus Pipis dominus fæudi Bonfale, V. I. D. poeta fuit clarissimus, quemadmodum omnia eius opera elego versu facundissimè scripta apud filium Marianum legi, digna quidem, quæ in tenebris nō conticescerent, nec tineis erodenda negligerentur. tantum edita sunt, quæ de peste scripsit, quæ Netti, cæterique Siculi sua tempestate laborarunt, & quæ de Aetnæ incēdio, præsertim an. sal. 1537. Cū Patauio bellorum instantium causa secessisset, in Maximiani Imperatoris exercitum incidit: cui à militibus cum alijs studentibus sistitur, sed professionis gratia cognitus liber dimittitur, natus est, ut ipse testatur die 28. Mar. an. sal. 1477. extat eius hendecasyllabum ad lectorem in solutiones contradictionum Antonij Zimara Venetijs impressas, 1508. anno Do. 1510. Ferrariæ Doctoris Lauream est assecutus. Migravit ad Dominum Ne 20 an. sal. 1542.

Ioannes Landolina Dominus Binouinorum armis inclytus cupiens sui roboris in re militari facere periculum ad Neapolitanum bellum aduersus Gallos pro Carolo se contulit cum Comite Barelle in Apuliam: ab Hectore Pignatello centum equitibus ab Hieronymo Grillo maturi iudicij viro, & eius legato electis præfectus est. interfuit prælio illi, quo Gallorum vires confractæ corruerunt, ibidemque, & ipsi morientes suo Imperato-

vi vicloriam pepererunt.

Ioannes Datus Dominus faudi Frigintinū fuit homo antiquitatum studiosissimus : nulla fuit seu Barbari, seu græci, seu latini Imperij historia quæ hunc hominem lateret : adeo dulcis, & suavis erat in loquendo, ut Atticam eloquentiam superaret : nulli non gratus, nulli non iucundus habebatur. Maxime Fazellum adiunxit de rebus Siculis agentem : qui tanti viri non immemor hæc habet sexto posterioris Decadis libro, ubi fabulosam de Maniace opinionem refellit : In ea igitur ( inquit ) hæsitazione diu versatus, cum anno salutis 1552. apud Neetū essem, eam Ioanni Deodato Frigintini domino totius antiquitatis studioso aperui. Is non modò mihi adhasit, sed adiecit Antonium Minturnum, græcæ, & latinæ eruditionis præstantia insignem, Messana sibi librum græcè ex Sernatoris Cænobio transcriptum ostendisse, cuius author de gestis Maniacis vberrius differebat. hæc ille scripsit. Ioannes Petrum filium suscepit, qui Ioannem primogenitum, Nicolaum, Bartholomæum, Paulum, & Gotterram Ioannes in adolescentia excessit vita cui Nicolaus successit, hoc anno vita functus, dum prætorio munere fungeretur, à tota civitate præ morum honestate, defletus. eidem sine liberis decedenti Bartholomæus hereditario iure in feudorum dominio, & Proregis mandato in urbis etiā præfectura subrogatur.

Sebastianus Veglia Casarei, pontificij quæ iuris-



consultissimus, omniumque que ad feudales causas pertinent, peritissimus, vel Blasci Lancea iudicio maxime commendatur. Cuius consilia, que scripsit plurima, & si in lucem non prodire, sunt hodie Doctoribus penes se illa habenti us pretiosa. fuit autem patrus magnus Hieronymi Veglie in eadem facultate celeberrimi, quem postera ætas non silebit.

Iacobus Profectus Physicus, & poeta celeberrimus Neapoli multos annos, & Philosophiam, & scientiam medicam docuit. edidit Cantica quædam de verbo Dei. quæ Paulo tertio dicauit, edidit Symposium de vinis, & quædam alia, quæ tacemus, quod ad manus nostras non peruenerint.

Antonius Amarella Physicus multos annos Catana in publico gymnasio, & cum magna auditorum admiratione tum artem medicam, tum philosophiam publicè legit. Cuius mortem adeò doluerunt Catinenses, ut nullo cogente stipendij residuum heredibus persoluendum, & Netum vsque mittendum curauerint.

Ioannes Scarroccia artium, & medicinæ doctor fuit in publicis disputationibus multi nominis: quæ natus anno sal. 1487. Patauij insignia doctoris affectus est, 1517. grandæuus à studio nunquam vacauit.

Bernardus Leantius poeta Comicas cæteris viris insigni scientiarum præstantia præditus est annumerandus. Noua inueniendi solertia, lepideque dicendi genere

genere omnibus sui temporis antecellit, & cum superiorum temporum prius est comparatus. Non solum suis Comædus no ilissima cuiusque Italia ciuitatis aures allexit, sed etiam dignus est habitus, quem & ipse Carolus Imperator audiret, & Franciscus Galliarum Rex imprimis auditum commendaret. Captus à Pyratibus hâbita Constantinopolitæ recitandi venia & sibi, & socijs libertatem redemit. ferunt hodie in pretio esse Octauium eiusdem filium paternæ artis heredem.

Ioannes Antonius Saracenus Panormi plures annos fideliter negotiatus multas sibi diuitias comparauit, quas tamen in pia opera testatus inssit expendi in pauperum præsertim nuptias, cuius rei negotium Rectoribus Confraternitatis Spiritus sancti apud Netinos legauit eiusdem etiam templum instaurauit. in cuius fidem hoc Sigismundi Cappelli in ipso ostio carmen insculptum legitur.

Hæc Saracenus moriens pia templâ parari

Inssit, quæ magnis sumptibus acta vides.

Vt quoniam cunctis meritis mortalius ille est,

Quæ bene de superis, & meminisse queat.

Nobilitauit opus Saraceni sumptus, & ædem,

Qui pius huic templo se, & sua cuncta dedit.

Quintum aderat lustrum seclis ter quinq; per actis

Post opus exactum, lapsus, & annus erat.

Sub Rege Philippo, cui Carolus an. sal. 1556

16 Ianu. viuens Regnum contulit & cui felicior

dies imprecamur, pauca quadâ historia digna san-

anno-

annotanda. Nunquam enim tranquilliora tempora Netum, vel Sicilia vidit. hac tempestate opulentiores Siculi effecti; & pluribus laribus oppida creuerunt, & celsiora adificia tum publica, tum priuata sunt erecta. Vt primum igitur Fridericus Henriques Regis Procurator Meſſanam venit, miſſi ſunt à Netinis, quemadmodum, & ab alijs populis, qui in Generali Procerum, & Legatorum conſeſſu fidem Regi iurarent, & priuilegiorum confirmationem impetrarent. quæ omnia eodem anno geſta ſunt.

Quo tempore menſe Martio, tanto æſtu terra laborarunt, vt præter conſuetudinem ſal. in littoribus concreuerit, & 9. Cal. Apr. ſal nouus in medio foro vanierit. Tum multæ piorum hominum proceſſiones Hybla, & Syracuſis Netum ad Crucifixi, & Beati Conradi venerunt, cum multa ſanguinis effuſione, ſuperos placaturæ. Laboratum eſt etiam tritico: quod valebat ( & vix inueniri poterat ) tt 4. 2. 3. in modium. ſequentis tamen æſtatis annona fuit Dei gratia fertilis. Hoc apud Petrum Coſtam Tabellionem. Quando autem aridior fuit hic Martius, tantò humidior inſequens, nam 15. Cal. Apr. inſuetis imbribus, ingibusque procellis depluit, & vix quinto die vehementia pluuiæ deſuit. tum collis creteus ab Amore Durbi traiectui imminens corruit qui locus modo ab ingenti ſubſeſſu Gigantis foſſura dicitur. Decidit autem 11. Cal. Apr. Anno etiam inſequenti idibus

Oſob.

OEtob. adeò copiosè pluit, vt immensis imbribus flumina alueorum limites prætergressa maximum in modum, & penè incredibilem excreuerint. Et ingenti clade multa animalia, et ædificia affecerint. Omnes domus molarum aquatiliū, & omnes officinae Balnearum lanarum, & insectorum tergorū diruta sunt, et lapides absportati, multa nemora solo excisa, plures vineæ vel radicitus euulsæ, vel arena obruta. quin etiam (luctu dignum) inuenti sunt boves, ceterique pecudes, quos amnium impetus abduxerat, in nucum, quercuum, & altissima cuiusq; arboris verticibus exanimis. Altero ab hinc anno 9. cal. Maij Neti parentatum est Carolo Imperatori.

Anno Domini 1559. & sequenti, plurimæ, noxiæque febres humana corpora infestarunt, quarum nonnullæ nigricantibus maculis affectam cutē inspergebant. plures etiam morbi in gutture, vt nonnulli oppressis faucibus interirent, adeò vt magna hominum clades extiterit. Anno 1560. Comititia fratrum Minorum ab obseruantia Neti sunt habita. quando adhuc florebat magister Archangelus Messana eiusdem ordinis, vir omni disciplina, & virtute præditus. plurima hic opera composuit, sed obscuris characteribus annotata, & quæ vix ab ullo legi possent, tuncis. sunt derelicta: multa tamen adhuc. integra visuntur in prædictorū fratrum Cænobio, & Bibliotheca. An. Dom. 1561. die 25. Sep. Messana, à Ioanne Cerda Prorege impetra

ta est *venia vniuersitatis Palatium fabricandi.* quod locuplet i quidem edificio, Dorico, & Ionico opere cœptum adhuc tamen intermissa aliquot annis opera supremam manum desiderat. *Ann. sal. 1565. 16. Cal. Iunij numerosa Turcarum Classis Melitam appulit, validaque mari, atque terra obsidione cinxit: at Diui Ioannis Militibus strenuissimè propugnantibus, quintò pòst mense, vt primùm plurima Militum manus, fortissimumque subsidium à Sicilia profectum insulam attigit accepta grauissima multis prælijs strage obsidionem turpiter soluit. Classem in regressu nostra Maria relegendem conspeximus sexto Idus Septembris. Interea viginti Militum signa ex alijs oppidis euocata Netti in urbis, & vicinorum locorum præsidium sunt disposita, vt quò magis necessitas vrgeret, contenderent. adfuere plurimi procures, qui exercitui, rebusque gerendis præessent: inter quos Carolus Vigintimilius feudatariorum Militiæ præfectus, Comes Motycanus, Comes Vicarensis, & alij. Secundo ab hinc anno, Mense Aprili, habitasunt Netti Comititia Prouincialia Ordinum Minorum, quos Conuentuales appellant, Regente Prouinciam Magistro Iosepho Bonasia, Nectinorum, imò, & omnium Siculorum ornamento amplissimo. Anno Domini 1569. Hieronymus Landolina vir, & sanguinis nobilitate, & animi dotibus Illustris vrbi præfectus plurimos, latrones vel in agris, vel etiam in medio foro captos in vincula coniecit. suis ille vernis instru-*  
*ctus*

Etus multorum etiam nobilium, qui furtorum participes latrunculis fauebant, superbiam fregit, & Urbem Netinam sordidissimo hominum genere, & immanibus contubernijs depleuit. Eodem anno 10. Cal. Ianu. Carolus Iauantes Dominus Buxelli huius ciuitatis amantissimus tum etiam iuratus legatus adit Marchionem Piscaria proregem tum Catinæ agentem, ab eodemque obtinuit nequis peracto officialium scrutinio à magistratu priuatim idoneus censeretur, qui aliquod in Rep. munus exerceret.

Anno salutis 1573. mense Nouembri, peractis Deo gratijs, publicè incensis hora vespertina facibus, Tunetis expugnationem per Catholici Regis Philippi duces gratulati sumus: quemadmodum proregis literis iubebamur. Secundus abhinc annus plenus fuit luctu, & tumultu. dicam prius, quod priuatis domibus accidit. pridie cal. Ianu. repentino interitu excessit è vita Ioannes Bernardus Boreas, à quo sacris vndis infans à virginis partu 1550. pridie cal. Ianuarij ablatus sum, vir quidem multiplici doctrina clarus. vt qui cantu, & sono fuit suauissimus, & poeticæ artis admodum studiosus. cum sacris vestibus indutus matatinum sacrificium esset oblaturus, in ipso sacrario concidit apoplexi, semianimisq; sublatus paulò post domi est mortuus. Cui Petrus, frater quidem dilectissimus, quale doloris grauitas permisit, hoc epitaphium condidit.

Qui d



*Quid Boreae plectrum? quid dulcis Musica? deflēt.*

*Cur & iacet author humi. spiritus astra terit.*

*Secula quindecies, ter quinaque lustra fluebant,*

*Ictus apoplexi flamen ut ipse perit.*

Sexto vero nonas Iulij, hora vigesima secunda, numerosa Turcarum classis, Ductore Hucciali Christianae fidei apostata, prope littora nostra apparuit, quae ad Gulletta, & Tripoleos expugnationem a suo mittebatur Imperatore, nulli antea Sicularum praevisa, vel praecognita. populo, & Didaco Sylva armorum praefecto Petrus Pulichinus Hybla rediens primus omnium nuntiauit: sed cui nullus, indicans fortasse delirium, fidem habebat: donec res ipsa maximo cum omnium tremore veracius, & ardentius loqueretur, & subinde Syracusis nuntium opem, & praesidium rogitantes aduentarent. Vocantur Campani aris sonitu cives equites, peditesque ad maritimam oram tutandam iussi de more descendere. Sed quid adeo exigui numero aduersus Imperatoriam instructissimamque classem poterant conari? auxerat tumultum, & formidinem aduersus ab Austro ventus, quo navigantes citra Pachynum coacti sunt subsistere, quapropter multi milites tum aquaturi, tum praeda etiam intenti propiores regiones populaturi iussi appellere, & desilire. hinc palantes, & prudenter in nostrorum damna euagati multas segetes, multos frugum acervos (miserabile visu) concremarunt.

Tum siue maior debito audacia, siue combusti

com-

commeatus misericordia, iusta indignatione, & ira comista, equitum primores movit (nam pedites in urbis praesidium se receperant) ut tanta multitudini ausi obsistere, multos frugum cumulos ab incendio defenderent, multos hostes à tam nefaria flamma depellerent, quin & trucidarent, captosque in victoria signum traducerent. Celeberrimum fuit M. Antonij Laurificis nomen, qui & virili animo, & Dei numine potius, quam humano robore fretus, saepius in consertos hostes irrumperere, saepius palantes ausus compescere, plurimos morti dedit. Mira ductoris Didaci in tot laboribus patientia, & insignis fortitudinis praestantia: qui quanvis, & Motycanos, & Syracusanos equites iam vicinos in auxilium frustra accerseret, paucis tamen equitibus deductus forti animo tot hostium milia propulsavit, ne velatiùs vagarentur, obstitit. Cum verò Asia classis Pachynum superasset, nostris à cauda per littora insequentibus ecce iterum austro flante vela vertunt, & quasi dedita opera ad Hyblensium littus appellant. quò pluribus militum milibus immissis incunctanter Hyblam metu perculsam, & incolis derelictam, qui Netum omnes cum sanctimonialibus & sacris aufugerant, nullo obsistente inuadunt, diripiunt, incendio faciunt, Saccharum omne ex arte exportant, & abeunt. nostri equites, ubi diuturno labore fessi Hyblam praevénire non potuerunt, per montana à superiori Civitatis porta Netum se recipiunt. Vbi

maxi-

maximus rumor erat, timendum ne hostes Hybla  
 Netum accedentes aggredierentur. Nonnulli for-  
 midine perculsi, auro, & argento, pretiosaque su-  
 pellectili vel in cisternis abdita, vel secum asportata,  
 vrbe derelicta in qua longè tutiores natura loci  
 muniti esse potuissent, & pro qua propugnando  
 mortem expetere debuissent, per valles, & rupes  
 in vicinos montes fugam, & salutem sibi parandam  
 sperauerant. Didacus verò, qui fortissimum ducem  
 deceret animo, & presentes ab egressu prohibuit,  
 & iam egressos redire compulit, dispositisque per  
 mania militibus, cui rei vel Religiosi strenuam  
 operam nauabant, vrbis defensionem acerrimam se  
 arcinxit nec tamen aliud fuit necesse nam classis  
 secundo vento prateruecta ex littoribus nostris  
 exhibuit, & formidolosis metum omnem excussit.  
 Tum verò maior visa est nostris Netinis pernici-  
 es. quòd tanta equitum, peditumque huc ex oppi-  
 dis montanis copia confluit, quantam tri-duo ho-  
 ste nostratia, & Hyblensia arua vastante desidera-  
 uimus. iussi tamen omnes cuncto exercitu hostilem  
 classem propius insequi, ut iterum è nauibus descen-  
 dere audètes inhiherent. at illi in Africam traiectioni  
 Felici nante parumque negotio, & Gulettam de-  
 moliti sunt, & Tripolim Barbaricam Imperio re-  
 situere. Insequenti anno pessima omnium perniciēs  
 Siciliam inuadit, pestem inquam inopinam, & im-  
 placabile malum: quæ primo Lilybetanam omnem,  
 mox Peloriam, & Pachymiam inuasit, & plura  
 corpora

corpora lethali vulnere prostravit, quàm integra,  
seuissimas eius manus euaserint. plures etiam an-  
nos per plurima oppida euagata vix inhiberi vix  
depelli, & extingui potuit. Maximas tamen gra-  
tias Deo, & beato Conrado benemerentissimo pa-  
trono Netini debent, qui pluribus, licet infectis  
populis circumdati tantam tamen stragem diuino  
fauente numine effugerunt. Laborarunt Syracusæ,  
laborarunt Leontium, Ferula, & alia oppida pro-  
piora: exhaustæ penè remanserunt Motyca, & Ra-  
gusa: at Netum, quamuis suspectos equites hospi-  
tatum, & vicina lue non secum, cum cœcium  
vigilantia, tum superum protectione seruatum est  
immune. Tum figuris, & pio cultu exornata est  
Diui Sebastiani ades, iam olim superiori peste anni  
vicefimi secundi supra sesquimillesimum amplifi-  
cata, & in quodam sacello hi Francisci Ioantho-  
masii poeta quidem non contemnendi versus  
leguntur.

Immunis Netus, dum cætera peste laborant,  
Hanc coluit precibus, diue decorè, tuis.  
Secula sesquidecim, quindenaque lustra, bis annus,  
Sexta quoque inditio, prima Nouembris, erant.  
Nec obiter tacebo eiusdem carmen, simili diuo-  
rum figura eiusdem templi conditum, quo Roc-  
cho, interroganti Sebastianus respondet, in hunc  
modum.

Quis te vinxit? amor. cuius? qui cuncta creauit.  
Alges nudus? amans tempus in omne calet.

*Hec quid habes? pēnas, quis prēbuit? author amat?*

*Istam ereris amans? hæc peramantur opes.*

*Pennas tela vocas? es forte bipennibus histrix?*

*Sunt animæ penna spicula quæque vides.*

*Quid pennatus agis? volito: quò tendis? ad astra.*

*In vinclis volitas? vincla volare sinunt.*

*Opto scqui. plumescere, polum volitabis. & unde*

*Plumescam? aduersum fer patienter onas.*

*Dante feram Domino, sunt penna aduersa tonātis,*

*Aliger efficitur spiritus ipse quibus.*

*Sideribus potitur patiens, his scanditur alis.*

*Dum dolor ossa quatit, spiritus astra petit.*

*Anno sal. 1574. cal. & quarto nonas Ianu. co-*

*piosa pluuia adeò inundauit, vt pentem nouam*

*Atellari præcipitarit. fuerat is circiter ducentis*

*annis a Guccio Florito onium ditissimo constructus.*

*Anno salutis 1577. septimo idus Nouembris,*

*ingens cometa, hora prima noctis apparuit, quo*

*nusquam ardentior, vel maior crinita stella est con-*

*specta. Visa est subinde altior ab occidente, & pri-*

*mo crepusculo, diutiusque durauit, quàm vt simi-*

*lis aliàs legeretur, nam ad mensem vsque Martiū*

*effulsit. Memorandum arbitror Hieronymi Sorti-*

*ni diligentiam, & dignam tanto viro animi firmi-*

*tatem. Præfectus enim vrbis anno sal. 1578. quin-*

*to cal. Octob. cepit Antonium Laurentium, &*

*eundem Netinum multi nominis latronem, vt qui*

*audacissime grassatus plures triginta viros, nec*

*tale quicquam merentes interfecerat. Coniectus in*

*carcerem*

carcerem multorum custodiam iam fefellisset, nisi  
 & Neti eiusdem Prætoris, & Leontij Ferdinandi  
 Pradi vigilantia præsto fuisset. Panormi tandem  
 suspendio enectus meritas pœnas luit.

An. sal. 1578. translatus est Cœnobium Carme-  
 litarum, in templum Diui Martini Gilberti Isfa-  
 ris, & Coriglis Episcopi Syracusani permissu, qui  
 ius visitandi sibi reseruauit. extat etiam consilium  
 apud Curiam Iuratorum, 17. Cal. Iulij 1586. dedu-  
 cta est imago Beatæ Virginis cum tota illa parietis  
 parte, in qua fuerat depicta. Conuenerunt clerici,  
 & laici omnis ordinis in maxima frequentia præ-  
 cedebant instructa acie milites fistulas suas passim  
 exonerantes. Anno 1580. Patres Eremitani de-  
 relictis sedibus Prioribus in adem Diui Mauri  
 sunt accepti, habita uenia Ioannis Episcopi Syra-  
 cusani, qui libere, nullave habita reservatione con-  
 cessit: habita est etiam huius rei Synodus apud  
 Iuratos.

Anno Dom. 1581. habita sunt Neti Prouincia-  
 lia Capuccinorum Comitia ex omnibus Siculis do-  
 mibus, ab octauo Cal. Ad pridie Calen. Februarij.  
 Octauo autem idus Aprilis Comitia Fratrum Mi-  
 norum. Multis diebus disputatum est, & commen-  
 data præ cæteris Michaelis Calui solertia. Anno  
 Dominicæ Conceptionis 1582. qui primus fuit ex  
 annis per Gregorium Tertiumdecimum correctis,  
 amplificata est area fori, & multò latior effecta vi-  
 cinis ædibus plurimum splendoris adiunxit, ipsiq;



vrbī, vt videre licet, & aduenarum sententias ex-  
 audire, non parū attulit ornamēti. Anno 1584.  
 argentea Diui Conradi arca completa est, & in ea  
 vetus cum eiusdem reliquijs condita: exinde circū-  
 ducitur per urbem argentea. Eodem habita sunt  
 Nēti Comitā Prouincialia Diui Dominici: quo  
 tempore Magister Ioannes Cappellus, qui tunc  
 Prouinciæ Vicarius fuerat, prior Prouincialis, est  
 electus. Laudata est huberrima munerum ex omni  
 Collegio, & confratrum (vt vocant) consortio co-  
 pia, & quidem maior, & lautior, quā alibi in to-  
 ta Sicilia patrū memoria constaret. Inter alia  
 nauis quædam mira arte fabricata ab his, qui Diui  
 Ioannis templum colunt, quæ paucō labore terre-  
 stri itinere vecta, velis, remisquē ornata, & grandī  
 commeatu onusta fuit omnibus iucunda. Ceterū  
 iam à nonagesimo supra sesquimillesimū annum  
 ad biennium sequens tanta fame in tota Sicilia (vt  
 alias Prouincias taceam) laboratum est, quantam  
 nec veteres quidem populi sensere, nec humana in-  
 genia potuerunt excogitare, nulla atate carius  
 fruges vanisse constat. Sed quid dicam fruges,  
 tūc & legumina & oryza, & plantarū semina,  
 & fructus, quin, & radices, & herbæ ipsæ ad sedan-  
 dam Esuriem, vulgo pro pretiosis epulis haberen-  
 tur? nunquam plura furtā, & latrocinia commissā  
 sunt, imò, & ingenuarū puellarū adulteria, & stu-  
 pra, quæ alimonie gratia honestatem suam obscenæ  
 libidini venditabant: multi populorū tumultus ex-  
 orti,

orti, plurima seditionum, & rebellionum semina cōcitata, expositibus omnibus panem miserrimum erat pauperum facies, carne denudatas, & solum ossibus cutem inhaerentem gestantes, horrendaq; mortis imaginem praeserentes videre: adeo ut nec prodire, nec stare quidem possent. plenae erant semitae iacentium turba, & iam moriendi finem (quoniam, & viuendi limites transgressi videbantur) expectantium. Multa denique hominum milia desiderata sunt, quae longa inedia vitam cum morte commutarunt. Qui paulo locupletiores erant triticum ingenti pretio praestinantes (nam pluribus in Ciuitatibus, & oppidis 15. & 18. tarenis in singulos modios, & pluris, vendebatur) ad extremam inopiam sunt redacti. Non est autem suis laudibus fraudanda Netinorum vigilantia, praesertim Bartholomaei Dati, Ioannis Iacobi Cappelli, Francisci Landolinae, & Orlandi Sortini Iuratorum diligentia, qui 18. fere mensibus ea de causa Ciuitatem prudentissimè gubernarunt. Hi collecto ex Netinis agris tritico vndecunque potuerunt, aliud coemptum adiungere. Quo factum est, ut Netini ut summum, senis tarenis in modium comparato frumento vescerentur. Cum tamen omnia horrea essent exhausta, missi sunt Vincentius Pipis, Dominus Stallaini, & Franciscus Morales, quorum opera factum est, ut post multos labores populum iam extrema formidantem affatim refecerint. At (pro Dei, atque hominum fidem) tantam

annonæ caritatem immanior clades est insecta, ut proxima æstate, quæ fuit anno 1592. plurimi non solum pauperes, qui sordida viuendi ratione impurum contraxerant alimentum, sed plures etiam alij ex nobilioribus, & pinguiori fortuna viris, quibus necessarius victus non defuerat, vel ex cæli grauitate, vel ex naturalium humorum intemperie (ut medici ipsi in hoc iudicando sibi etiam inconstâtes, & in medendi methodo incerti,) vel potissimum ex diuina voluntate ex humanis abierunt. adeo ut plura incolarum milia afflictâ tot calamitatibus Sicilia deplorauerit, quàm vel hostili ferro vastata, vel immani lue confecta aliàs ingemuerit. Quod equidem non sine graui dolore cogor explicare. Si quidem inter sæuissima aliorum funera, inter acres meæ persecutionis labores dilectissimum mihi fratrem, & præ medendi peritia, morumque honestate toti Ciuitati charissimum Petrum, mearum miseriarum leuamen, & vnicum domus meæ subsidium amisi, qui lethali morbo correptus intra paucos dies idibus Iunij Deo spiritum reddidit. Cuius fortis in moriendo animus, & Christiano viro digna pietas, necnon plenæ dilectionis admonitiones cum iusto quamuis exiguo totius vitæ compendio, adeo præcordijs meis fixa adhæserunt, ut nullæ deliciæ, nulla locorum amœnitas tantum doloris abstergere, nulla temporum vetustas tanti viri memoriam delere possit. Quapropter terminatis iam annalium nostrorum monumentis, & fluentibus ex oculis la-

chry-

chrymis, huic orationi terminum imposituris nonnullos viros memoratu dignos, qui sub Philippo floruerent, liceat subiungere.

Iosephus Bonasia Ordinis Minorum, licet humili loco natus, tanta fuit ingenij viuacitate, tanta bonarum virtutum indole præditus, ut quamuis aliena ope non adiutus, ad Theologiæ tamen insignia adipiscenda feliciter, & meritò properarit. Panormi mense Decembri, an. 1564. prior in Sicilia Provincialis electus triennio provinciam summa cum laude administravit. tum an. sal. 1570. Cum duobus sequentibus in Apulia Diui Nicolai provinciam Sanctissimè gubernauit. Assisinati Canobio præfectus est, ubi Diui Francisci corpus honorificè requiescit. Neapolitanam etiam custodiam à suis superioribus demandatam, maximi quanquam laboris opus, tranquillo statu peregit. Nec minus publice, priuatimque legendo fuit suavis, quam suos incullatos regendo iustus, & fortis. A generali patrum sui ordinis Synodo ad Summum Pontificem Pium Quintum legatus in Campania Episcopales Cathedras recusavit. Tandem Leontij, dum concionaretur, Commissarius an. sal. 1576. defunctus est, & Neti in Diui Francisci sub marmorea sua imaginis tabula sepultus iacet.

Antonius Specialis Sacræ Theologiæ professor Prædicatorum Ordinis, fuit socius, & scriptor eiusdem Ordinis Prioris Generalis, dum totam Hispaniam visitando peragraret, inde in Comitij Generalibus

ralibus Romæ habitis electus est definitor, mox *Viterbiensis* Inquisitor : demum fuit electus Prior *Prouincialis Siciliae*, quod fuit anno salutis humanae 1575. eamq; *Prouinciam* sexenni gubernauit, mortuus est *Neti* sexto Cal. Mar. an. sal. 1593.

Ioannes Cappellus eiusdem Ordinis, & Professionis in demortui *Prouincialis* locum *Vicarius* in *Sicilia* est subrogatus anno sal. 1583. Septimo idus *Octob.* subinde propositis *Prouincialibus Comitij* *Neti* mense *Maio*, maximo cum *Ciuitatis*, tum *Religiosorum* applausu electus est *Prouincialis*, & *Biennio* rexit. adhuc viuit.

Albertus Pipis Magister eiusdem Ordinis, non minori, quam superiores generis nobilitate prefulgens, an. sal. 1586. *Cameratae* Prior *Prouincialis* electus *biennio* *Prouinciam* tenuit.

Clemens *Netinus* è *Laurentiorum* familia, *Capucinorum* Ordinis, an. sal. 1590. *Pridie* idus *Ianu.* *Syracusanae* *Prouinciæ* *Minister* electus, & iterum, atque iterum confirmatus adhuc idem munus *Sanctissime* gerens viuit.

Michael Cassarinus Ordinis *Apostoli Petri* *Sacerdos*, fuit *Theologiæ*, & rerum ecclesiasticarum peritissimus, in casibus ad conscientiae examen pertinentibus declarandis *Apollinis* oraculum est habitus. Scripsit opus quoddam de verbo Dei miræ subtilitatis, & facundiæ, ubi nullum penè est *Sacræ* *paginae* *vaticinium*, nulla figura, quæ hic non explicetur. Fuit *Sanctorum Patrum* studiosissimus,

mus, & memoria agillimus, quicquid legeret, retinebat. Extrema senectute confectus (dicitur enim nonagesimum ætatis annum vixisse) è vita migravit an. sal. 1581.

Vincentius Landolina Mainitti filius Rinaldi nepos, pater Iosephi Landolina, & Ioannis Vincen-  
tij dominus fæudi Burgij, omni virtutum præstan-  
tia fuit Illustris: in Senatorijs consilijs, politicisq;  
administrationibus admodum instructus, & certus.  
Plurimi valuit apud Ioannem Vegam, & apud  
Ducem Methymnensium & Garciam Toletum Si-  
ciliæ Proreges. A Toletio Generalis exercitus  
Thesaurarius fuit constitutus, quando ad Melitam  
Asiatica obsidione leuadam nauigatum est. an. Do.  
1574. migravit è vita.

Bernardinus Sortinus, Hieronymus Specialis,  
& Antonius Landolina, hi tres milites Hierosoly-  
mitani fuerunt, sub Diui Ioannis Baptistæ patroni  
vexillo, & Religione Militiæ operam nauerunt, in  
grauissima illa, & memorabili Melitenensium oppu-  
gnatione, quàm suprâ memorauimus, pro fide, &  
Religione fortissimè certantes, non tamen inulti oc-  
cubuerunt. Meminerunt horum, qui Melitense bel-  
lum scripserunt.

Iosephus Scala Medicus, & Philosophus præ-  
stantissimus tanta ingenij agilitate valuit, vt pluri-  
mas scientias sine præeunte lectore didicerit. græ-  
cis, & latinis literis ornatissimus in multis Italiæ  
urbibus disputando acutissimus est habitus. natus  
est



est an. sal. 1536. die 28. Aug. Doctor effectus, & declaratus Patavij 1556. 16. Iulij. Quando tamen buberiora eius solertia argumenta expectabantur, annum agens 25. iam multò ante sui fati præsciens abiit ex humanis 7. Idus Iunij. Duo opera scripsit alterum in Dialectica facultate, alterum verò in arte medendi: quibus morte præventus ultimam manum non imposuit. Nec autem minori ingenio præditus, nec prosperiori fato vixit Iosephus Scallapostibumus: quantò tamen in lingue ornatu, & naturalium rerum cognitione (quanquam uterq; & Philosophus, & Medicus) patre fuit inferior, tantò in Mathematicis disciplinis, & certis multarum rerum prædictionibus superior. namque (mirum naturæ opus, imò indubitatum Dei munus) Geometriam, Astronomiam, & Arithmeticam ex sese didicit: Et quarum non fuerat discipulus, Syracusis, Catina, & in Gallia togata (quò suasu, & are Illustrissimi Domini Michaelis Spatafore Rocellæ Marchionis Medicæ scientiæ operam navaturus se contulit) profundissimus extitit Magister. Ephimerides 12. an. cõposuit, & in Marginu Apo-logiam: qui libri dati sunt in lucem. Quædam alia aggressus properante fato reliquit imperfecta. Mortuus est Sabionetæ, quò fuerat à Duce conductus, anno sue ætatis vigesimonono. quod & ipse sibi pluribus annis præsenferat: quo tempore publicam Mathematica in Patavino Gymnasio lectionem recusaverat.

*Marianus Pipis Petri filius, dominus Bompha-  
le, cum biennio publicè, & Dialecticam, & Anicē  
nam legisset, Patani an sal. 1555. nonis Nouemb.  
sub Gabriele Falopio Medico, & Philosopho præ-  
stantissimo, vt vulgata eius opera sunt documento,  
Doct̃oris Lauream honorificentissimè est assecutus.  
Dignus, qui & fama, & re celeberrim⁹ inter præstā-  
tes Medicos annumeretur, cum alter Hippocrates.  
Neti sit habitus. natus fuerat quinto idus Ianua.  
1527. hora nona, vt à Petro eius patre annotatum  
inuenio, dignus quidem tanto parente, & cuius or-  
tus non taceretur. mortuus est Neti 4. Cal. Decēb.  
à Christi Natali anno 1591. testatus apud acta  
Clerici Vincentij Laurentij hos versus à se condi-  
tos tumulto incidendos, mandauit.*

*Hic sua stirpe Pipi Marianus cecidit ossa:*

*Voce tubæ extrema surgere certa die.*

*Iosephus Melfius vir fuit ingenio solertissimo:  
vt qui patriam deserens, opibus penè destitutus,  
tanta diligentia Philosophiæ, & Arti medicæ, ope-  
ram dedit, vt clarissimus in vtraque euaserit, &  
Doct̃oris insignia sibi comparauerit. Quamobrem  
præclaris meritis ita exigentibus apud Mediolanē-  
ses Protomedici dignitate fuit ornatus, ibidamque  
in medio ætatis flore mortem oppetiit.*

*Ioannes Humana vir Politicæ Scientiæ peritis-  
simus tantum in Regia, Curia patrocinando, et cliē-  
tum causas acutissimè dirigendo valuit, vt cum  
plurimas opes, tum maximam gloriam sibi compa-  
raue-*

rauerit, meritoque inter primos Cæsarei iuris alumnos haberetur: dignus subinde, quem hominum memoria diutissime complecteretur. Auitam professionem simul cum præclaro nomine, & cognomine affectus est Ioannes alter Humana dominus scudorum Prati, & Giommariæ non imparem illi gratiam, & laudem affectus, dignus quidem, quem patria Procuratorem susceperit.

Hieronymus Magnanus Musicus fuit clarissimus, qui sine Doctore adeò in sonandi facultate valuit, vt omnibus admirationem attulerit, à Marchione Piscaræ, & M. Antonio Colonna Proregibus maxima cum voluptate fuit auditus, & præclarissimo quoque Musico non inferior existimatus. Noua quædam instrumenta non sine harmonica ratione adinuenit: opus de sonandi ratione melice composuit, & numerosè. Quando verò meliora in dies ab eius ingenio sperabantur, adhuc iuuenis animæ efflauit, an. sal. 1583.

Sunt, & alij bonarum artium studiosi, quos olim nominandos non dubito nobis hæc dixisse satis est. Siquid est, quòd ad res Netinas pertineas omiserim, siue quòd oculos nostros effugerit, siue aliorum incuria nobis ignotum curiosiores annotabunt. Hæc inter multiplices labores currenti calamo collecta patriæ studiosi æqui, bonique consulant.

## AD LECTOREM.



**M**EVIMVS in mandatis candi-  
de lector à Senatu, populoque Ne-  
tino, vt & Netinas Consuetudi-  
nes, municipalia iura, sub Rege Pe-  
tro Secundo literis traditas, & ha-

Et enus, praterquàm in paucissimis, plenè obserua-  
tas, eodem typo excudendas curaremus, & quoniã  
hæc vulgò apud causidicos agitantur, & plerunq;  
latinarum literarum rudibus inculcari solent, ad-  
monitos amici nos voluere ne sermonem, licet Bar-  
barum, & pingui Minerva exaratum, in aliam di-  
cendi formam mutaremus: nequîs fortasse, existi-  
maret aliena esse, quæ traduntur. Cupiebam equidẽ  
vel cultiori Phrasi illas expolire, vel saltem pere-  
grinas dictiones, Romanis auribus inauditas, &  
solæcon omne è medio tollere: sed ingratum est be-  
neficiũ, quod inuitis confertur. repugnante do-  
mino in alienam segetem aliquando sarculum im-  
mittere non licet. qualiacunque hæc à veteri-  
bus accepta, & nobis mandata sunt, in nostro-  
rum ciuium vtilitatem, & obsequium hic explica-  
mus. Tu suscipe diserte lector, quæ placuerint, ca-  
tera verò crassiori calamo iam contentis omitte.  
Vale.

**ORDINATIONES, CONSVETVDINES,**  
 & instituta facta, & edita per vniuersitatē ter-  
 ræ Noti, & consulta deliberatione, & solennita-  
 tibus obseruatis, & in his necessarijs pro bono  
 statu, & melioratione terræ prædictæ, ad hono-  
 rē Sacræ Regiæ Maiestatis, pro legibus, & tan-  
 quam leges de cætero obseruanda, derogatura  
 legibus, constitutionibus, consuetudinibus, &  
 statutis subscriptis ordinationibus forsan aduer-  
 santibus, oblata nuper eidem Maiestati Regiæ  
 per Iacobum Furectum, & Paulum de Cholo  
 ipsius vniuersitatis proprios Syndicos, & per  
 eandem Maiestatem Regiam confirmata, vi-  
 delicet.

**V**IRI, & vxoris bona omnia, & à  
 quacunque parte perueniant, natis  
 filijs confunduntur, & vnum cor-  
 pus efficiuntur: & volentibus vi-  
 ro, & vxore diuidere cum filijs,  
 tertia pars bonorum debetur patri, altera matri, et  
 reliqua tertia filio, vel filijs. præmortuo verò pa-  
 tre, vel matre ab intestato, & filio, vel filijs viuen-  
 tibus, cum patre, vel matre superstite, tertia pars  
 præmortui codit filijs. Et sic ijdē filij debent ha-  
 bere duas partes tertias, vnā debitam sibi iux-  
 naturæ, alteram parentis præmortui. Si verò præ-  
 moriatur testatus, eius stabitur testamento, dum-  
 modo in eodem testamento de eorum tertia filios  
 reca-

recognoscat Si verò premoriatur mater, potest de mobilibus tertiæ portionis suæ pro velle suo testari. stabilia verò, quomodocunque ea mortua fuerit, cedunt filiis natis ex ipsorum ingalium matrimonio. Et si non sunt ei mobilia, potest ex stabilibus portionis, suæ vsque ad medietatem valoris di-  
ctæ portionis suæ iusta æstimatum testari. Ita tamē, ut sublatis lucris sordidis, & male quæsitis de residuo tantum præfatis patri, & matri, & filiis tertia debeat. Propter quod si testator, idemq; maritus, & pater in vltimis suis, vel quolibet mortis periculo constitutus, vel constituendus in breui, puta ad bellum, vel aliò, ubi imminet mortis periculum, sit iturus, iurauerit de sordidis lucris, seu malè quæsitis habere se aliquid, illud. vel tantundē de vniuerso patrimonio, tanquam restitutioni subiectum, sicut, & aliàs constantis matrimonij debito deducatur per patrem, vel per quem ipse constituerit, illis, à quibus ablatum fuerit, vel pijs locis resignandum, & residua tantum vxori, & filiis, ac patri per tertiam diuidantur, ne maritus, & pater in perpetuum lugeant, & vxor, ac filij irrationabiliter lucrifaciant aliena. Si verò non sit in vltimis, nec in mortis periculo constitutus, vel in breui constituendus, sed in senectute, vel senio: quo casu non est verisimile ipsum, ut suæ salutis immemor deicere, & iuravit, ut prædictum est, lucra sordida, & malè quæsitā se habere, ita demum de medio ea, ut prædictum est, detrahat: sic infra mensem



sem ad summum præsentī pecūniā restituat, sicut su-  
perius est expressum.

Vir præmortua uxore, vel uxor præmortuo ma-  
rito ad secunda vota cum sua tertia potest transire  
liberè, & tertia illa cum bonis secundi viri, vel se-  
cundæ uxoris, natis filiis vnum corpus efficiuntur,  
quo vel qua mortua ab intestato, omnia bona illa  
in tres partes diuiduntur, quorum tertia debetur  
viro, vel uxori superuiuenti, tertia filiis ipsius se-  
cundi matrimonij, & in reliqua tertia præmortui  
tam filij primi, quàm secundi matrimonij succedunt  
in capita, si verò testamentum condiderit, & de ter-  
tia filios primi matrimonij non recognouerit, tan-  
quam ab intestato filij succedant.

Debita, quæ apparuerint tempore primi matri-  
monij solui debent ex bonis filiorum primi matri-  
monij, & etiam ex tertia, cum qua pater, vel ma-  
ter ad secunda vota transiit. Debita verò facta  
tempore secundi matrimonij solui debent ex bonis  
secundi matrimonij, & prædicta tertia, quæ cum ip-  
sis filiis natis confusa est. Debita verò, quæ rationa-  
biliter facta apparuerint medio tempore inter pri-  
mum, & secundum matrimonium, ex communibus  
bonis solui debent.

Viro præmortuo, filiis non susceptis mulier su-  
perstes de tem, & dotarium suum consequi debet.  
Et si non fuerit dotarium constitutum, quòd dicta  
uxor habeat omnia vestimenta sibi facta à dicto  
viro suo, reliqua bona præmortui ab intestato per-  
tinent

tinent ad proximiores, ex testamento tamen pertinent ad eos, quibus ipse in testamento reliquerit. Vxore premortua extinguatur dotarium, & dos ad dotantem reuertitur, & restituitur in hunc modum: videlicet quod omnia bona stabilia data in dotem restituatur statim dissoluto dicto matrimonio; & de quantitate pecunie date in dotem tres partes debent restitui tantum, infra sex menses à die dicti soluti matrimonij numerandos. Sed si vir voluerit eam sepelire proprijs sumptibus, habeat seu habere debeat de lecto sibi dato in dotem maritatu vnum, plumatium vnum, par vnum linteaminum, calcitram vnam de melioribus tota verò alia robba, arnesia, & iogalia data in dotem, quatenus extant, & apparent, restituantur statim dissoluto dicto matrimonio. Et si dicta vxor testari voluerit, potest quidem de mobilibus vsque ad quartam partem ipsorum tantum: de stabilibus autem minimè, nec marito, nec extraneis.

Pater, & mater viuentes si voluerint filiam viro tradere, licet eis dare de bonis suis pro voluntate eorum. Si verò filiam emancipare voluerint, de tertia sua possint ei pro voluntate sua dare ultra partem ei contingentem de tertia, quam cum fratre vel cum fratribus habet communem. Quod si omnes filios, vel filias esfamiliauerint, & partem illi suam acceperint, inter patrem, & matrem reliqua bona diuidantur.

Patre mortuo, filijs minoribus cum matre rema-

nentibus, & in minori ætate præmortuis, vel ab intestato, bona eorum stabilia, si peruenierunt eis à matre, ad eandem reuertantur. Et si à patre peruenierint, ad proximiores patris. Præmorta matre, patre superstite, de mobilibus tertia pars, quæ eis suo iure præuenit ad patrem, vel matrem superstitem deuoluitur. Reliqua verò tertia quæ iure maternæ, vel paternæ successionis eis acquisita est, ad proximiores patris defuncti, vel matris reuertitur ita tamen, ut pater superstes habeat, & habere debeat usumfructum omnium bonorum stabilium, donec vixerit. Vtroque verò parente præmortuo, et filiis eorum in minori ætate, vel ab intestato postea defunctis, bona eorum stabilia ad eandem partem reuertuntur, à qua peruenierunt. De mobilibus verò vna medietas ad proximiores patris reuertitur, altera ad proximiores matris deuoluitur. Vtroque parente viuentem, filius etiam factus maior de bonis communibus portionem petere non potest.

Si mortua matre filius factus maior noluerit in familia patris manere, sed per se voluerit viuere, vel & filius non habeat, unde possit viuere ex facultatibus, vel industria quod pater teneatur aut præstare filio alimenta de tertia secundum facultates suas, aut tertiam à matre præmortua peruenientem. Et si pater conuolauerit ad secunda vota, cogatur pater præstare filio dictam tertiam partem à matre peruenientem, & non alimenta: reliquam tertiam eidem filio iure naturali debitam pater, quoad

quoad usumfructum sibi retinere potest, proprietate tamen filio reseruata patre vero premortuo, & matre superstite, si filius in communium matrem uiuere noluerit, duas partes sibi contingentes ab ipsa matre petere potest.

Filio nato, & premortuo, patre, & matre superstitis, quilibet eorum in tertia eiusdem filii pro medietate succedit; & sic omnia bona inter eos sunt communia. Et in hoc casu viro defuncto, uxor superstes habet, & habere debeat dimidiam partem suam omnium dictorum bonorum.

Saluo iure cognatis, eiusdem viri legitimis successoribus. Si bona fuerint stabilia prouenientia ex parte dicti viri, retinendo ea, quanti fuerint iuste aestimata valere: & viceversa saluo iure cognatis dictae uxoris legitimis successoribus. Si bona fuerint stabilia prouenientia ex parte dictae uxoris retinendo ea, quanti iusti fuerint aestimata valere: ita ut dicta uxor superstitis sibi parentibus, vel fratribus, vel sororibus, aut filiis fratrum, & sororum, non possit testari de bonis dotalibus, seu de bonis, quae sibi peruenierunt ex aliqua successione, nisi usque ad quartam partem dictorum bonorum suorum: dictis vero personis non existentibus, seu aliqua ipsarum, quod possit testari, & disponere, ac relinquere omnia bona sua ad libitum suum.

Viro, & uxore sine dote, & dotario, cum uterque nil in bonis habeat, matrimonium contrahentibus, filiis non susceptis, vel susceptis, & premor-

suis, quaecunque acquisita sunt bona, communia sunt.

Minor post quartumdecimum annum testari potest, & decimo octavo anno completo maior efficiatur; & deinde res suas legitime administrat.

Nullus contractus priuatus valet, aut tenet, nisi à duobus, vel pluribus idoneis testibus fuerit reboratus.

Facta, vel pacta à partibus in aliquo compromisso sub pœnæ appositione firmantur arbitrarium sententia in civili negotio.

Vir, & uxor susceptis filiis ex ipsorum iugaliū matrimonio, & constante matrimonio possunt vendere, & alienare, & obligare quaecunque bona voluerint tam mobilia, quàm stabilia, sine consensu dictorum filiorum suorum. Et quòd dicta venditio seu obligatio, seu alienatio facta per dictos iugales sine consensu dictorum filiorum, suorum sit rata, & firma, & nullo modo, ceu cassa, à dictis filiis eorum possit retractari.

Filia verò maritata, & dotata non admittitur ad successionem reliquorum bonorum parentum suorum: sed illa bona residua remaneant fratribus, & sororibus non maritatis in familia dictorum parentum suorum, vel alterius eorum remanentibus, nisi sit decepta in dote ultra dimidiam partem contingentem sibi tempore dotis constituta, in quo casu deceptionis computatis dotibus vnà cum fratribus, & sororibus, decepta mulier in parentis defun-

*Si hereditates succedat. Quòd si alijs filij, vel filius prater dictum maritatum non supersit, ipsa, non obstante quod maritata, & dotata fuerit, admittatur in hereditate predicta.*

*Si filius, vel filia absque consensu patris, uxorem vel virum duxerit, pater non cogatur ei dare partem bonorum suorum patrimonialium in vita sua.*

*Si filia, vel soror inuicem calorem deuiauerit, & luxuriata fuerit, si postea nupserit, vel innupta remanserit, pater, siue mater, vel etiam fratres, non cogantur inuiti dare eidem partem bonorum suorum.*

*Siquis, aut siqui filiorum liberati à patria potestate morte, vel emancipatione patris, aut remanentes orphani morte suae matris, decesserint post mortem alterius parentis infra pupillarem aetatem, aut etiam maiores nullo condito testamento, fratres, & sorores ex eodem tantum matrimonio suscepti veniant ad successionem eorum aequaliter cum altero parente superflite: alijs fratribus, & sororibus alterius matrimonij, et nepotibus à successionem defuncti fratris exclusis.*

*Maritus, vel uxor, seu ambo similiter de rebus stabilibus sibi in dotem collatis, nihil possint vendere, vel alienare, nisi dotante vel eius herede consentiente, aut prae necessitate urgente, de qua curia manifestè constabit: liberis ex matrimonio ipsorum mariti, & uxoris non procreatis. Et in casu,*



quo maritus sit prodigus, vel dilapidator, alienatio dictorum bonorum stabilium dotalium nullo modo fieri possit.

Si maritus absque consensu uxoris suæ fideiussit pro aliqua causa tam in criminalibus, quam in civilibus causis, uxor non teneatur de rebus in dotem ipsi marito collatis, nec de parte eam contingente de bonis acquisitis per ipsam, & dictum virum suum, fideiussionem dicti mariti sui adimplere, liberis extantibus, vel non extantibus.

Viro ab intestato defuncto, vel eodem testato, & nihil de tutore disposito, uxor superstes filiorum suorum pupillorum tutelam gerere possit, si fuerit honesta, & diligens administratrix, quantum ad secundam vota non transierit. Si verò ad secundam vota conuolauerit, tutor legitimus, si fuerit ad administrandum idoneus, auctoritate curiæ ipsorum pupillorum tutelam facto inuentario de bonis eorum gerere possit si autem tutor legitimus non fuerit, curia ex officio suo idoneum ipsis pupillis tutorem constituat. post mortem verò prædicti intra viginti dies fiant tria inuentaria de omnibus bonis filiorum, omnibus iuris solennitatibus obseruatis, quæ in talibus requiruntur: quorum vnum in Arciuo curiæ terræ eiusdem, aliud penes proximiores, & digniores consanguineum ipsorum pupillorum ex parte defuncti patris, & tertium penes ipsum tutorem, deponantur.

Imminente iusta necessitate, pro qua res mino-

rum

rum obligare debeant, vel alienari necessitatis causa per curiam summarie cognita, possint res minorum cum auctoritate tutoris, si habent; & si non habent, per curiam illis datum, cum decreto curie obligari, vel alienari, nunquam deinde retractare.

Data alicui possessione rei, de qua agitur, per contumaciam aduersarij causa rei seruanda, siue ante contestatam, siue post contestatam litem, si infra dies 50. se in iudicio presentauerit, data fideiussoria cautione iudicio sistendi, actore citato, & presente, possessionem recuperat, perseuerante vero in contumacia usque ad menses quatuor inclusiue, apud eum, cui data fuerit, remanebit.

Fratribus nolentibus in comuni viuere, & volentibus paternam, vel maternam hereditatem inter se diuidere, maiori natu datur diuisio celebranda, minori optio eligenda concedatur: & sic graditur usque ad maiorem.

Duabus de causis contractus gabellæ rescinditur, pro venditione, & data dote; præterquam rei dominus, qui locauerit, expressè se obligauerit, non posse pro altero istorum Cabellam infringere, vel impedire, vel renuntiata consuetudine terræ Noti. quia omnis contractus ex conventionè legem accipit.

Domus locata auferri non potest ante constitutum tempus locationis, præterquam si Dominus, qui locat, in ipsa domo habitare voluerit; vel res suas ex necessitate in ea reponere. Si vero conductor ante finitum tempus conductionis ad propriam

domum postea per eum acquisitam ad habitandum migrare voluerit, seu ad alias terras domicilium mutare potest, exceptis tabernis, & domibus locatis, in quibus impositum sit vinum, dummodo transacti temporis soluat conductionis pretium: ultra non teneatur. Locator verò domus pro pensione sibi non soluta potest per se res in ea existentes auferre, & retinere, donec pensio sibi solvatur, usque ad octo dies: quibus elapsis, si conductor requisitus non soluerit, locator possit ipsas res vendere sine licentia curiæ, debita tamen subhustatione præmissa.

Siquis pecuniam mutuauerit ad taxillos, vel ad quemlibet ludum perditionis, ei actio denegatur, & mutuata pecunia amittit. Si autem promiserit, aut conuenerit, seu iurauerit aliquid dare, is, cui promissum est actionem non habet, & datum non repetitur: cum in turpi causa melior sit conditio possidentis.

Venditiones, seu distractiones rerum maiorum presentium, vel absentium citatorum, vel contumacium, pro debitis, pro quibus appareant publica instrumenta, per curiam baiuli, & iudicum terræ eiusdem cum causæ cognitione factæ permanebunt.

De solutionibus autem mercedis, vel solidorum custodum vinearum, vinitorum, agricolarum, tabernariorum, vel quoruncunque seruitiorum, & operariorum conductorum ad annum, vel ad mensem, fidei, & iuramento Domini stabitur usque ad tarenos

tarenos auri septem, & medium, deinde vsque ad tarenos auri quindecim, illis, & vni testi creditur, nisi lenis, aut reprobabilis sit persona: nisi etiam secus probetur per operarium, vel locatum: ita tamen, vt si questio fuerit inter dominum, seu conductorem, & personam locantem operam, & serui tiam suae personae, de solidis, seu mercede, quod ipsa persona, qua locauerit operas suas, non possit petere, nisi solidos, seu mercedem vnus mensis: & dicto domino credatur de solutione mercedis, vt praedictum est. Et si forte persona locata infra tempus locationis à seruitijs conductionis indimissa recesserit, teneatur restituere domino totam mercedem, quam ab eodem receperat, dummodo ex malitia, vel proteruitate Domini hoc non eueniat. Si verò dominus infra dictum tempus locationis sine iusta causa dimiserit operarium, vel seruitorem, ipse dominus totum conuentum pretium mercedis ei solvere teneatur.

Et consequenter pronisum est, & statutum per vniuersitatem praedictam, quod nulla mulier, quae publice prostituat se, vel faciat questum sui in cōuincinio honesto stare, nec in domo conducta, nec in domo propria habitare possit. Quia saepe contingit, quod vna ovis morbida totū gregem contaminat. sic & mulieres prauae & inhonestae nituntur puritatem suis maculis sordidare.

Vt habitatores distae terrae fertilitatibus gaudeant, & exultent, statutum, & Ordinatum est, vt  
qua.

quarumcunque mercium ad prædictam terram adductarum, & venditarum pro usu domorum eorū habeant portionem pro eodem pretio tantum, quo emptæ prius extiterunt, intra duos, vel tres dies, postquam fuerint venditæ, præstito tamen per illum, qui huiusmodi sortem voluerit, quod merces ipsas ad opus proprium, ut supra, voluerit, debito Sacramento.

Ac atapani terræ ipsius, eo quod retroactis temporibus diuersas exactiones & extorcionēs irrogare solebant, recipiant à quolibet apothecario, seu ricatterio, & bucherio terræ ipsius pro mercatura rotulorum, & aliorum ponderum, & mensurarum per totum annum sarenū vnum. Et si forte aliquo casu infra dictum annum dicti rotuli, & pondera seu mensuræ amitterentur, prædicti acatapani rotulas ipsos, & ipsa pondera, seu mensuras nullo pretio propterea eis soluto mercari facere teneantur. Item de quolibet quartucio tabernarū grana decem: & pro quartucio Bargesis gr. 5. item pro iustatura tumini gr. 5. etiam pro quartucio molendini gr. 5.

Ac patronis verò, & mercatoribus vendentibus seu vendi facientibus carnes ad rotulum seu hēdos, seu agnos viuos, nullum ius prædicti acatapani exigere, seu recipere teneantur.

Item si aliquis exter pisces, aut oleum vendendum ad præfatam terram apportauerit, acatapani ipsi pro iure ponderum, seu mensurarum ad rationē  
de

de rotulo vno tantum pro quolibet cantario ipsorum piscium seu olei, possint exigere, & habere, à cantarij verò dimidio infra, nihil.

Item, quòd nullus de terra prædicta possit, & valeat exercere choreas noctis tempore cum cereis sub pœna vinciæ vnius vniuersitati ipsius terre solvendi ab eo, qui contrà fecerit, ob contemptum consuetudinis præfatæ.

Ut omnino singulis turbationis materia superflua auferatur statutum, & ordinatum est, quòd in quocunque funere, & visitu cuiuscunque defuncti, seu defunctæ fiat visitatio per propinquos, vel alios homines terræ ipsius à die scilicet oblitus defuncti, vel defunctæ vsque per totum diem sequentem, & non vltra. Nam contrà huiusmodi ordinationem qui temerarie venire præsumpserit, soluat pro pœna angustales duos, cuius medietas solvatur iustitiario, vel Capitaneo dictæ terræ Nocti, & altera medietas commodis dictæ vniuersitatis acquiratur, dummodo pœna ipsius denuntietur per Iuratos terræ ipsius.

Si animalia alicuius inueniantur inferentia, seu facientia damnum in sato seu seminato, segeti us, vineis, viridarijs seu hortis alicuius alterius, quòd Dominus seu patronus dicti seminati, segetum, vinearum, viridariorum seu hortorum, quibus dictum damnum illatum, seu factum fuit, qui inuenerit dicta animalia inferentia, seu facientia dictum damnum possit auctoritate propria capere ipsa animalia.



lia caussa emendationis, & satisfactionis sibi facien-  
da de dicto damno, & quod de inuentione dictorum  
animalium inuentorum inferentium seu facientium  
ipsum damnum, credatur, & fletur fidei, & iuramē-  
to ipsius Domini, seu patroni, cui illatum, seu factū  
fuerit dictum damnum, sed si dicta animalia nō fue-  
rint inuenta inferentia facientia dictum damnum à  
dicto domino seu patrono, cui factum est ipsum dā-  
num, sed ab alio, quod eo casu est necesse, quod inue-  
ntio ipsorum animalium inferentium dictum damnum  
probetur saltem per vnum testem fide dignum, non  
obstante, quod testis ipse sit filius, vel famulus pa-  
tientis damnum prædictum. Aestimatio verò dicti  
damni debet fieri per personas de communi partiū  
voluntate ad hoc electas, & constitutas: ita tamen,  
vt si dominus dictorum animalium inferentium di-  
ctum damnum requisitus ad eligendum, & consti-  
tuendum dictas personas, per quas fieri debeat esti-  
matio dicti damni, noluerit seu distulerit hoc face-  
re: quod dictus dominus seu patronus, cui factum  
est dictum damnum, possit licitè eligere, & consti-  
tuere personas, per quas fiat, seu fieri debeat dicta  
æstimatio ipsius damni.

Quod si aliquis inuenerit in seminato, seu sege-  
te, vinea, & viridario, seu horto suo, vel patris, vel  
domini sui animalia alicuius inferentia, seu facien-  
tia sibi damnum, in dictis rebus, licitè, & authorita-  
te propria potest capere dicta animalia inuenta fa-  
cere dictum damnum, & ea potest deducere ad ter-  
ram

*ram Notum ad palum : vbi debet retinere, seu re-*  
*tineri facere eadem animalia in hunc modum, vide*  
*licet : si dicta persona, qua duxerit dicta animalia*  
*applicuerit cum ipsis animalibus in ipsam terram*  
*ante Meridiem, debet ea retinere seu retineri face-*  
*re in dicto loco vsque ad occasum solis. Et si ante*  
*occasum solis dominus ipsorum animalium. seu alius*  
*pro eo comparuerit, qui velit ei prestare idoneam*  
*fideiussoriam cautionem de emendando, seu reficien-*  
*do ei dictum damnum, tenetur restituere dicta ani-*  
*malia domino eorum, vel alij pro eo prastanti di-*  
*ctam fideiussoriam cautionem. Si vero vsque ad oc-*  
*casum solis non comparuerit aliquis, qui fideiubeat*  
*post occasum solis dicti diei tenetur assignare, seu as-*  
*signari facere dicta animalia baiulo dictae terrae No-*  
*ti. Sed si dicta animalia adducta applicuerint ad di-*  
*ctam terram post meridiem, dicta persona, qua du-*  
*xerit ipsa, debet dicta animalia retinere, seu retine-*  
*ri facere ad palum vsque ad occasum solis, & dein-*  
*de debet ipsa animalia adducere, & retinere tota*  
*nocte in aliquo loco tuto ad expensas domini ipso-*  
*rum animalium. Et postea die sequenti debet ipsa*  
*animalia reducere ad praedictum palum, & ibi reti-*  
*nere, seu retineri facere vsque ad occasum Solis ip-*  
*sius diei sequentis. Et si non comparuerit dominus*  
*ipsorum animalium, seu aliquis pro eo, qui praestet*  
*dictam fideiussoriam cautionem de emendando, seu*  
*reficiendo damno, post occasum Solis dicti diei se-*  
*quentis debet assignare, seu assignari facere dicta*  
*ani-*

animalia prædicto baiulo ipsius terræ Noti.

Si animalia alicuius intrauerint vineas, viridaria, horti, & alia loca clausa alicuius alterius: & dicta vinea, viridaria, horti, & alia loca sint ita clausa, ut boves habentes compedes, seu pasturam in pedibus anterioribus non possint intrare ipsa loca, dominus ipsorum animalium intrantium dicta loca soluat, & soluere debeat pro ipsis animalibus pro pœna seu nomine pœnæ in hunc modum; videlicet: pro quolibet animali grosso, s. boue, iuuenco, equo asino, & similibus tarenos auri duos: & etiã pro quolibet animali minuto s. oue, capra, porco, et similibus grana auri duo. Cuius pœnæ vna medietas applicetur, seu acquiratur commodis vniuersitatis terræ Noti, & altera medietas domino dictarum possessionum, seu locorum: ita tamen si dominus dictorum locorum, quæ dicta animalia intrauerint, fecerit accusationem, et huiusmodi petierit dictam pœnam solui.

Cum effrenatus aditus intrandi loca clausa alterius sine licentia domini seu custodis ipsorum, præstet materiam inferendi in ipsis locis damnum, quancunque res sibi existentes furtiuè subtrahuntur: statutum est, quod nullus intret, seu intrare audeat vineas, viridaria, hortos, & qualibet alia loca clausa alterius sine licentia, conscientia, & voluntate domini seu custodis dictarum vinearum, viridario-  
rum, hortorum, & aliorum locorum clausorum. Et si aliquis contra fecerit, & dominus dictarum pos-  
sessio-

sessionum, seu locorum accusauerit eum de dicto facto commissso soluat pro pœna seu nomine pœna augustale vnum: cuius vna medietas commodis vniuersitatis terræ Notæ acquiratur, & altera medietas domino possessionum, seu locorum prædictorum. Et nihilominus ipse transgressor huius statuti teneatur emendare, & reficere damnum per eum illicitè dictis rebus.

Quia sub prætextu cessionis iurium, & actionũ simulationes, fraudes, vexationes, & actiones indebitæ fiunt, & sæpius committuntur deliberatè, & consultò: promissum est ac præsentì ordinatione in perpetuum valitura constitutum, quòd nullus posset sub quocunque titulo seu specie contractus cedere, dare, transferre, seu mandare iuxta, & actiones sibi competentes aduersus qualẽcunque personam nomine, & occasione alicuius debiti seu cuiuscunque rei, in qua, seu pro qua diceret se habere aliquod ius priuilegiatæ, seu potenti personæ seu cuiuslibet alijs. Et si contra præsentem ordinationem, seu in fraudem ordinationis huius, aliqua cessio iurium, & actionum facta fuerit siquidem dicta cessio facta fuit simulata, seu priuilegiatæ, seu potenti personæ, quòd ipsa cessio sit nulla, & nullius roboris, vel valoris. Si verò dicta cessio facta sit alijs personæ, & pretendatur vera esse, quòd persona, cui ipsa cessio iurium, & actionum facta sit, vigore dictæ cessionis non possit aliud petere, nec agere seu quæstionem mouere, nec ipsis actionibus cessis experi-

vi, nisi post elapsum annum à die dictæ cessionis ante numerando: excepto, si cessio iurium, & actionum facta fuerit fideiussori, & soluenti debita creditori pro debitore principali, quo casu dicta cessio facta fideiussori, ut præfertur, statim sit efficax ad agendum, & petendum dictum debitum.

Cum enxenia, seu strena, quæ indistinctè à quocunque solebant fieri: seu dari sponsæ post dispensationem, & concubitus sequenti die in lecto iacenti, seu existenti, videatur esse extra honestatem, statutum est, quòd nullus faciat, det, seu offerat dictæ sponsæ dicto die sequenti post dispensationem, & concubitus in lecto existenti, seu alij pro parte sua aliqua enxenia, seu strenum, præter parentes, fratres, & sorores sponsi, vel sponsæ: quos honestè hoc facere posse videtur. Et si contra præsentem ordinationem factum fuerit, tam donans, quàm recipiens dictæ enxenia seu strenam, scilicet quilibet eorū, vel ipsorum soluat pro pœna, vel nomine pœnæ augustales duos: Cuius pœnæ medietas vna applicetur, seu acquiratur commodis vniuersitatis dictæ terræ Noti, & altera medietas solvatur Iustitiario regionis, seu Capitaneo ipsius terræ.

Satis dignum, & rationabile censetur, quòd quisque secundum laborem commodum sequatur. Nam spes commodi pro labore inducit quemlibet in agendis negotijs sollicitum, & attentum. Et si pro labore commodum non speratur, aut ex hoc negligens efficitur, aut quaritur materia extorquendi. igitur  
quia

quia officium Iuratorum est onerosum, et in multis ratione officij sustinet grauamina, & labores, prouisum, & per presentem ordinationem statutum est, quod quilibet Iuratorum terræ Noti pro labore officij sui totius anni habeat, & habere debeat uncias auri duas p. g. de pecunia, seu rebus vniuersitatis dictæ terræ Noti.

Res stabiles sitæ in dicta terra Noto, seu eius territorio, si vendantur alicui ab aliquo pro certo pretio pecuniæ inter eos conuento, consanguinei vsq; ad tertium gradum, secundum gradus prærogatiuam venditoris eiusdem rei stabilis possunt ipsum stabile venditum petere, exigere, & ad se reuocare à quocunque emptore ipsius rei stabilis eodẽ pretio pecuniæ, quo venditum fuerit, intra annum, numerando à die venditionis ipsius, elapso verò anno, à recuperatione dicti stabilis excludantur. Et si fortè consanguineus, vel vicinus dicti stabilis venditi extra dictam terram Netum, & eius territorium habitauerit, intra annos duos numerandos, vt suprâ. possit recuperare, & habere stabile venditum supradictum: quibus duobus annis elapsis minime audiatur. Et si extra Siciliam aliquo casu habitauerit, intra annos quatuor possit recuperare, vt suprâ. stabile antedictum: quibus elapsis, à recuperatione dicti stabilis excludatur, omnino. Et si fortè dictus consanguineus, vel vicinus fuerint requisiti per dictum emptorem, quod habeant tantum dies quindecim ad recuperandum stabile prædictum.



Ius protomiseos competit tam iure, vel ratione sanguinis, quàm contiguitatis. loci, & hominis. protomis ex consanguinitate vsque ad tertium gradum inclusivè à fratribus, seu sororibus numerandum præfertur ei, qui habet ex contiguitate loci. Et qui accepit per protomiseum rem venditam stabilem, debet restituere iustas expensas.

Ecclesia, monasteria, Comites, seu Barones ius protomiseas in dicta terra Noto, & eius territorio habentes non habeant in bonis burgensaticis venditis, vicinis, seu contiguis ecclesiis, Monasterijs, Comitibus, seu Baronibus supradictis.

Antiquum usum in iure protomiseos in terra Noto observatum, per quem pecunia oblata in iudicio pro re stabili vendita, recuperanda, alicui fidei personæ in depositum præstabatur, vsq; ad finem cuiusvis temporis, in melius corrigentes statuimus, & ordinamus, ut ipsa pecunia oblata in iudicio per octo dies tantum fide digna persona per iudices deponatur. post lapsum verò prædictorum octo dierum ipsa pecunia domino restitnatur: & in questione suis terminis procedatur.

Si viro pro uxore tempore contracti matrimonij inter eos antè, vel post, fundus, hortus, solùm, seu casalenum aliquod datum fuerit in dotem: & in ipso fundo, horto, solo, seu Casaleno constructum, seu ædificatum fuerit aliquod ædificium, seu fuerit plantatum, vel insertum per virum, seu maritum prædictum durante matrimonio prædicto: & uxor præ-

præmortua fuerit, filijs ex eodem matrimonio non susceptis, totum ædificium factum in ipsis hortis, seu Casaleno, cum introitu, & cortili spectante ad ipsū ædificium: & totum, quod plantatum, vel insertum fuerit in dicto fundo communiter diuidatur inter dictum virum, & proximiores venientes ad successionem dictæ vxoris præmortuæ. Et si fortè in rebus prædictis in partem fuerit aliquod ædificium, plantatum, vel insertum, quod in ea parte, in qua fuerit ædificatum, plantatum, vel insertum, similiter diuisio fiat, vt superius est expressum: in reliquis verò partibus, in quibus nihil extitit ædificatum, plantatum, vel insertum, dicti proximiores dictæ vxoris præmortuæ succedunt, tanquam in rebus dotalibus stabilibus, eis per virum restitutis.

Antiquum vsus prædictæ terræ per quem litigantes in Curia Ciuili terræ Noti duplicatam tricesimam exoluebant, videlicet pro qualibet vncia tarenos duos, in melius corrigendo statutum, & ordinatum est, quod iuxta quod obseruatur in Magna Regia Curia litigantes in curia ciuili supradicta iuxta tricesimam, videlicet tarenum vnum pro qualibet vncia soluere teneantur baiulo, & iudicius ipsius terræ, scilicet qualibet pars ipsorum litigantium grana decem.

Quia aqueductus, qui sunt in vijs publicis, deuastant, & impediunt communem aditum, seu transitum, & ex his imminet, & insertur periculum transeuntibus per ipsas vias statutum, & ordinatum.

sum est, quod quilibet, qui facit aquaductum in aliqua via publica sita, seu existente in territorio dictæ terræ Noti, causa ducendi aquas ad irrigandū vineas, uiridaria, seminata. seu aliquas terras, quod teneatur, & debeat in ipsa via publica, ubi est, siue sit aquaductus, facere seu fieri facere pontem tali modo, quod transcentes sine impedimēto dicti aquaductus, & absque aliquo præiudicio, seu periculo possint bene, & decenter transire per ipsas vias: sub pœna augustalium duorum, cuius pœna medietas solvatur Institiario Regionis, seu Capitaneo dictæ terræ Noti, & altera medietas applicetur commodis vniuersitatis eiusdem terræ.

Ut de salarijs debitis notarijs publicis pro confectiōe instrumentorum tam contractuum, quàm testamentorum, dubitatio aliqua minimè oriatur, statutum est, & ordinatum est: quod si quantitas pecunie, seu rei, de qua factus est dictus contractus, seu testamentum, sit à quinque vncijs infra, quod notarius pro confectiōe dicti instrumenti, habeat, & habere debeat tarenum vnum auri. Si verò dicta quantitas fuerit ab vncijs auri quinque vsque ad vncias auri 20. notarius habeat, & habere debeat pro confectiōe dicti instrumenti, seu testamenti tarenos auri duos. Et si dicta quantitas fuerit ab vncijs viginti vsque ad vncias auri quinquaginta, notarius habeat, & habere debeat, si est instrumentum contractus, tarenos auri tres: & si sit testamentum, tarenos auri quatuor: si fuerit à dicta quantitate

titate vaciarum auri 50. vltra quod notarius habeat, & habere debeat pro salario confessionis instrumenti, seu testamenti, ad rationem granorum duorum pro qualibet vacia.

Præterea prouisum est per prædictam vniuersitatem, & salubriter ordinatum, quod nullus possit, seu debeat immittere taxum, seu herbas venenosas in fluminibus existentibus in territorio terre Notii. Siquis autem contra præsentem ordinationem temerarius venire præsumpserit, in pœnam augustaliū auri duorum se nouerit incursum quæ pœna acquiratur Iustitiario Regionis, seu Capitaneo dictæ terre Notii, & vniuersitati prædictæ.

Pro euitandis periculis, quæ sæpius accidere solent habitatoribus prædictæ terre, pro salubriori statu terre ipsius, statutum, & ordinatum est, quod nullus possit, nec debeat ludere, ad rundulum seu rollum intra media dictæ terre, sub pœna augustaliū duorum, Iustitiario Vallis Notii, & vniuersitati prædictæ ab eo, qui contra fecerit, exoluenda. Amen.

Datum Messanæ anno Dominica Incarnationis  
1341. die secundo Iunii, nona Inditionis.

F I N I S.

W

VINCENTIVS

LITTARA

ILLVSTRI VIRO

CAROLO IAVANTI

Buxelli, Saccollini, Ciarramij, &amp;

Planæ fœudorum domino

S. P. D.



**I**NNATAM esse  
 omnibus animis reli-  
 giosam pietatē, quæ  
 & Deum præ cate-  
 ris colere, & Divos  
 Dei gloriam adeptos  
 venerari doceret, summi Philosophi, &  
 Theologi tradidere. Hac autem inter alia  
 tuarum virtutum genera ita in te firmiter  
 insedit, ut euentissimos pij cordis produ-  
 xerit effectus. Namque (ut alia omittam)

in excolenda Beati Conradi nostri patroni solennitate ita officiosum te semper prestitisti, ita pro eius celebritate adhuc laboras, ut non modo popularem auram, (quod vulgare quidem est, licet, & debitum virtuti officium) verum etiam efficacissimum Diuorum patrocinium tibi comparaueris: quod cum in fortunarum prosperitate, tum in summi boni fruitione tibi pro futurum speramus. Inter cetera autem, quæ ad recolendam Diui Conradi memoriam pertinent, hæc tua fuit cura; ut tota eius historia breuissimo compendio latinis literis mandaretur: ut cum opus esset, citra stomachum ab omnibus, præsertim à concionatoribus percurreretur. Nā cum multa edita fuerint hæc de re opuscula, nullum tamen adhuc extat, quod, & sermonis elegantia, & styli breuitate, tanto viro dignum haberetur.

Quamobrē equidē iā diu tibi inseruire ex-



# DIVI CONRADI HISTORIA.



CONRADVS, miles Placentinus, genere nobilis ob venatum, cuius mira capiebatur voluptate, terrenis opibus expoliatus ad cælestes comparandas omnem operam adhibuit.

Accidit enim, vt magno rerū apparatu feras infecutus, quòd in Sylvas, & saltus reprobis obsitos incolumes confugerent, aliquando voti compos effici non posset. Idigitur loci flammis aperiendum iussit. At ignis modicis initis intantum ventorum impetu creuit incendium, vt latius, quàm vt extingui ad libitum valeret, omnia combusserit. Latenter, & pavidè reditur in urbem: quòd non longè post crematorum nemorum nuntius sequitur. Il, quibus illatum fuerat damnum, à Ciuitatis Gubernatore Satellites exorant, per quos repertum incendiij authorem in Vincula conjicerent: nec quenquam, præter infimæ plæbis homunculum, fortè obuium habent: increpant, trepidantem arripiunt, & ei iam metu omutescenti iniecta flammæ crimen impingunt. Ad quæstionem verò ductus scelus, cuius erat innocens, vel ex certa nequitia, patrasse confitetur. Nec mora patib-

lo damnatus traheretur ad supplicium. At Deus, qui iustis non deest, Conradi conscientiam monor-  
dit: qui, audito infelicitis hominis euentu, illum à  
carnificum manu audacter liberat, ad miseruat, li-  
ctoresque dimittit, qui dicerent culpam alieno casu  
commissam insontis nece nō expiandam. Quod, &  
ab Imperatoris Vicario accersitus ultro professus  
est asserens non dolo, sed venationis desiderio addu-  
ctum in tale, nec opinatum malum incidisse. adeoq;  
dicendo appositè sapienter se habuit, vt, quod im-  
prudentiæ peccasset, condonarent, quòd autem illa-  
to damno se satisfacturum polliceretur, admiserint.  
Quod & toti populo, cui suis virtutibus erat gra-  
tissimus, fuit iucundum. Tum aperit uxori feminae  
tanto viro dignæ consilium: quæ vel suam illi dotē  
ad resarciendam hominum pauperiem libenter ob-  
tulit. postero igitur die omnibus æquè persoluit.

Nec multò post considerata mundi vanitate, te-  
tum se Dei obsequio ( quod singulare est Christia-  
norum munus ) mancipandum statuit. exorat igitur  
à coniuge, vt conceptam pietatem exequi permitte-  
retur. Illa perinde, ac vir, pia eiusdem consensu mo-  
nialium instituta professa, opibusque tum laeis,  
tum monasterio distributis, virum forti animo di-  
mittit. Qui noctu patriam, & necessarios destituēs  
solus, & tenuis egreditur: in quendamque locum  
receptus est, vbi p̃ij viri diuino cultui seorsum à  
mundi pompa vacabant. Ibi habitu Religiosorum,  
qui diui Francisci terciarij dicuntur, indutus san-

Etissimis vitæ præceptis imbuatur. loco vero ob pa-  
 triæ propinquitatem dimisso, Romam contendit, sa-  
 cras ædes visitat: inde profectus lygustica nauî Pa-  
 normum appulit: ibi de Siculorum probitate co-  
 gnoscens Netina Vallis populos, Netinosque Ci-  
 ues ceteris, & pietate, & charitate præstare audi-  
 uit. Hæc ergo concessit: sed in ipso statim, agri Ne-  
 tini limite, Palatiolum prætergressus contraria  
 verbis opera experitur. nam viâ labore fessus in  
 vicino ouili refectum iri sperabat. Sed rustica, &  
 immanis pastorum impietas molestè viri aduentû  
 tulit. Quamobrem iniuriâ cedens à loco diuertit-  
 tur: Et quamuis canes illi irritauerint, illæsus ta-  
 men Netum vsque peruenit. In Diui Martini Xe-  
 nodochio hospitatus eleemosinas mendicabat: do-  
 nec Ioannis Menci opera, seorsum à turba quie-  
 scere cupiens Gulielmo Buccherio commendatur.  
 Fuerat hic quidem robustis Viribus, quemadmo-  
 dum postea mira sanctitate, & Friderico Siculo-  
 rum Regi. cuius equo aper insultabat, opem latu-  
 rus à truculenta, fera rostro percussus est, ut elum-  
 bis, & penè exanimis corruerit. A Rege demum  
 benigne omnia pollicente, domunculas in superiori  
 Netinae urbis ingressu, in quas peregrinos liben-  
 ter excepit, obtinuit. Hic Conradus aliquot annis,  
 omnibus iucundus, licet inflatis quibusdam odio-  
 sus, commoratur. Namque Petrus Gulielmi fi-  
 lius, qui hoc vnum pietatis habebat, quod Claudû  
 parentem aleret, & viseret, agre ferebat illum

dulcissimo Conradi alloquio captum apud hospitem diuersitare.

Cum verò hominum frequentia ab orationibus auocaretur, à familiaribus Nicolao Vassallo, & Bartolo Longo contendit, ut si quam eremum procul ab vrbe scirent, præmonstrarent. Signant illi quosdam colles, quibus nunc à Divo Conrado nomen superest, quamuis illius mentis ignari secum iussitarent. Quamobrem à Gulielmo ægre dimissus rectà ad locum nullo præeunte se confert. Vnde vi & cibi inopia discedebat. Ibi inedia, & orationibus, atq; monasticæ vitæ perfectionibus exercebatur: humi cubabat, & nunc solo pane, nunc solis herbis vitam alebat. Statuit quandoque sextâ quaque feria ad Crucifixum adorandum, cuius celeberrima est apud Netinos imago, in urbem accedere. Quod ubi primò fecisset, ab Antonio Sessa prandio excipitur. Sed colloquendo Antonius acerbissimo Laterum dolore corripitur: eius tamen, p̃i conuinc precibus, acerbitate lenatur. Tum solis nucibus contentus cætera respuit, & hinc digressus apud Malsitaniam locum olim sartoribus frequentem amicum reperit, cuius infans herniæ morbo laborabat. Hunc rogatus visit, & Crucis signo sanat: & incognito adhuc miraculo Dini Nicolai templum ingreditur, & mox ad suū domicilium reuertitur: quamuis sanati pueri pater gratias acturus inclamaret.

Nec alia defuere, quibus viri sanctitas magis, atque

atque magis elucesceret. Misit ad illum Bartolus duo ænophora. at servus ebriosus alterum sibi abscondit, altero Conradum donat. qui fraudis non inscius hominem corripit, & futuri admonet periculi. nam anguis vasculi orificio inuolutus iuvenem morsurus esset, nisi præmonitus virga repelleret. fuit hic tantæ rei testis, & nuntius. Eundem visurus sereno cælo quidam exierat: inter eundem tamen crudelis exorta est tempestas, ut nubilus aer nimbis, & fulminibus fremeret. Confugit in antrum, & curis fessus obdormiit. interim revelatum est Conrado virum illum cælesti sagittâ periturum. Unde exorata à Deo venia, locum adiit, adhuc sopitum excitat, facti admonet, & incolumem domum dimittit. Laurentius Cardus filio mandavit, ut legumina quædam Beato Conrado deferret, quem invidus humani generis hostis conspiciatus ducem se puero ad virum Dei pollicetur: sed, ut sui moris est, super editam, & præcipientem rupem inductum deserit, & evanescit. At, dum cæleste implorat auxilium, affuit Dei admonitu Conradus, qui adolescentulum ex altera profundissimæ Vallis parte Consolatus mox ex horrendo illo præcipitio eductum sanctis præceptis onerat.

Crebras, & venereas diaboli tentationes corporis maceratione, assiduisque precibus fortiter vicit. Crebras etiam gula blanditias, & lautas epulas edendi allestamenta admirabiliter superavit.

Nam-

Namque suilla carnis, pinguis gallinae, & placenta caseata desiderio ardentissimè tentatus adeò hostiles pugnas elusit, ut munuscula ab amicis impetrata non priùs attingeret, quàm diu derelicta, & vermibus scatentia ipsemet sensus abhorreret: unde vasana illa esuries facillimè abigeretur. Cumque præcoces fici maturescerent, suarum manuum fructus iam degustare incessanter appetitur, quare appetitum domiturus, deposita tunica, tandiu nudos artus vepribus, & rubetis volutat, donec fluente sanguine edendi æstus deferuesceret. Quod ubi demon opinione maius vidit, non dissimulante opprobrijs, & conuicijs beatum virum lacescebat, ille verò deuictis certaminibus gratias Deo victoriæ auctori agebat. Interim Petrus Buccerius Gulielmi filius frigoris morbo corripitur, & à Patre ad Conradum missus pristinae sanitati restituitur. Petijt aliquando à Nicolao Vassallo veteri amico casei formam, quam filio, qui primus à Beato Conrado in Baptismate susceptus Conrado nomine inter Nesinos appellabatur, ferendam iussit: quamvis vxor reluctata integram mittendam negaret. Vbi verò Conradus Conradum reperit, sanctus ille senex dimidiatum caseum, quòd inuita matre daretur, remisit, quamvis puer abnegaret: quicquid enim iurgij inter parentes ortum fuerat, se præscijsse ostendit. In plurimis quidem tum gratiam curationum, tum propheticum spiritum habuisse patuit. Rogatus ab amico ad prandium



dium negat oportere, tum quod terrenas dapes non expeteret, tum quod pisces huius rei gratia emptos felis subripuisset. quod cum ille non crederet, regressus irata vxoris iurgijs excipitur, & rem haud secus, quam audierat, veram esse expertus est.

Delata est ad Syracusanum antistitem Beati Cōradi fama, sanctum vitæ genus, & miraculorum celebritas. ille rei certius cognoscenda cupidus Netum venit, Eremum adit, antrum omni supellectili vacuum admiratur, mox Eremitam obuium habet, qui Episcopi pedibus prouolutus benedictionem suscipit: & ab eodem cæna inuitatus in cellam precucurrit, & quatuor calidas, candidasque placentas, rem omnibus admirabilem attulit. Denique viri sanctimoniam, & facundiam Episcopus agnoscens latus Syracusis inclytas hominis virtutes predicauit. Iam totam Siciliam tanti Eremitæ sanctitas peruaserat, quod cum quidam pessimi viri irriderent, hominem decipiendum statuunt scilicet ut piscibus inuitato prohibita die veneris carnes apponerentur. Adest rei patranda commoditas: cum Conradus de more Crucifixi templum viseret, præsto sunt omnes, & simulato vultu pietatem ostentantes rogant apud se prandere. Cognita Beatus fraude verbis annuit. tum sacculos asportos in mensam exhibent, nec aliud ipsi inducant. Dumque vel hominis improbitatem culpaunt, vel simplicitatem derident, impia consilia produnt, ab  
quod

quòd tantus vir sexta feria suillam comedisset . negat Eremita, & pisces, quibus fuerat inuitatus, fatetur accepisse . In cuius rei testimonium spinas, sentes, & squammas ex industria sub mappa absconditas detegit & homines arguit impudentia . In antrum suum regressus obuij agricolæ manus osculatur, & petentem orationem Dominicam, & salutationem angelicam crebrò recitandam docet .

Post hæc à scelestissimis quibusdam venatoribus probris afficitur, & virgis percutitur . Sed à Deo misericordiam precatus singulos panes angelorum ministerio præparatos suis percussoribus hilarè animo distribuit . qui rei novitatem admirati tacito gressu, ne cui illata iniuria pateret, profugeret: sed tanti flagitij fama præuenerat . res magistratui defertur: scelerisq; authoribus in vincula coniectis, interrogatus Conradus euentum fatetur, malefactores autem, quòd & habitu, & animo videret immutatos, non agnosce testatur . de eisdem tamen à temporali iustitia absolutus, aterna pœnas desumpsit miserrimè enim periere . Idem Syracusas ad præsulom profectus iuxta palatium plurimis auiculis circumdatur, quæ quodammodo Beati viri aduentum gratulabantur . Ea re à ministris delata, descendit Antistes & honorificè Conradum excepit, qui Pontifici siquas habebat, culpas confessus non longè post in Eremitum regreditur . tunc sub Hybla in maceriei ouilis innisus similiter ab auibus saluatur . quod viator quispiam  
videns

videns viri nomen, & instituti genus voluit intelligere. quæ libentissimè percepta suis Hyblensibus nuntianit: apud quos magna etiam erat nominis celebritas proinde ac apud Netinos. Quorum tantus erat conuentus, siquando Eremita in urbem, & potissimum in adem Diui Petri Apostoli ad suum confessorium diuertebat, vt declinanda multitudinis frequentia clanculum accedere oportuerit.

Accidit, vt excisum in antro saxum, vbi Crucifixi imagini locum in aræ modum accommodabat, curans educendum accolæ accerferet, qui operam suam præstituri saxi molem suis viribus grandiores expauebant. At Conradus Deo fretus homines cohortatur, & ex vno ipse latere suscepit, ex alijs adiutores collocat, tum facillimè lapidem re leuiorem eduxere. Confestim egressis ex antro, vbi nihil paulò ante reliquerant, tot dulcissimos, & adhuc fumantes panes attulit, quot singulis satis essent: qui vtroque miraculo commoti Domino benedicebant. Horum quidam se Conrado, & socium, & discipulum obtulit: ille proposita rei difficultate hominis animum perquirebat: quem vbi firmum sensit, Eremitico habitu voluit indutum, & biennio strenuum, & obsequentem expertus est. At humana salutis inimicus innat, liuore exandescens adeò iuuenis fomitem incendit, vt se ad repugnandum imbecillem, & ineptum fateretur. De desperata perseuerantia aperit Conrado consilium,

filium, quod relicta Eremita ducenda uxoris desiderio astuaret. quamvis autem vir Sanctus crebris, & grauibus admonitionibus ab obscena illa cogitatione abstergeret, tamen a sententia ignaui hominem deducere non potuit. Spe tandem destitutus dimittitur, & tria illi pericula imminencia praedicuntur: quod anguis calceo latentis morsu appetendus, quod dimicans, quod auersa hasta prolapsus evidentissima mortis discrimina subiturus esset. Surdior ille freto redit ad vomitum, & infelicissimo exitu vitam clausisse dicitur.

Inuaserat Siciliam, alioqui frugum parentem, acerbissima annonae caritas, adeo ut miseri mortales inedia confecti mortis speciem praeculis ostentarent. Confugiunt nonnulli ad Diuum Conradum, a quo benignissime excepti caelesti pane satiantur, sum alij, atque alij eiusdem refectionis cursum tenent, & singuli suis panibus diuina gratia creatis explentur. Cognouerat vates Deo dilectus quendam adolescentem mortali peccato detineri, & certissimum vitae periculum subituum: adit parentem, in area laborantem, ei que mandat, ut filium Sacramentali confessione a certa labe purgandum admoneret. Quod ubi fecit, in paternam aream regressus, quanto periculo detineretur, agnouit. nam exorta repentina tempestate, & proxime fulmine à caelo lapso, penè exanimis corruit. Reipraescius Conradus pendentibus etiamnum imbribus affuit, amicos consolatur, & à lethalibus criminibus

minibus absterret. Agnoscunt illi sancti Eremita  
precibus vitam inueni seruata[m], & acceptam.  
Deo referunt.

Instabat autem exoptata dies, qua post tot de-  
uicta certamina ad celestis gloria palmam euoca-  
retur. diuino oraculo temporis admonitus Netum  
ad suum confessorium se confert, Eucharistiae Sacra-  
mento reficitur, & pius illum Sacerdotem sum-  
mis precibus rogat, vt perendie in Eremum se re-  
ciperet. Quod cum fecisset, detegit Conradus im-  
minentem sui transitus horam, pradicat fore, vt os  
Netini, & Hyblæi de cadaueris possessione armis  
contenderent, nec quiquam mali inferendum. se-  
que velle in Sancti Nicolai sepeliri. Continere nō  
potuit lacrymas vir ille Conradi amantissimus, eo-  
que tanti viri amissionem plorante, febris corre-  
ptus coram Crucifixo nuda genua flectit, & se  
suosque Netinos Domino commendat: tum mirabi-  
li splendore locum illustrante, animam Deo reddi-  
dit. Fulgore perterritus Sacerdos Conradum re-  
spicit adhuc genuflexo stantem, adeo vt viuum cre-  
deret: cum tamen mortuum vidit, grauiori luctu  
cruciat. Voluit, & hoc Deus pijs populis mira-  
biliter innotescere. Nam Campanæ & Neti, &  
Hyblæ, nullo pulsante, adeo omnes, & fortiter so-  
nuere, vt homines rei nouitatem anxie scrutaren-  
tur. Gulielmi domicilium petunt, quem à Sancto  
uiuendi genere omnibus charum, mortuum crede-  
bant. ab eodē tamen admonentur, & de Beato Co-  
rado

rado cognoscerent. Continuo armati illuc aduolūt,  
 & adhuc summisso poplite, ac si oraret, inuentum,  
 asportandum facillimè credunt: nec tamen loco di-  
 mouere possunt. Affuit Sancti viri confessorius, &  
 ab eodem in arcam deponitur, quò honestius defer-  
 retur. Ecce tamen Hyblenses aduentant, & a quo  
 audaciores è Netinorum manu gratissimam illam  
 sarcinam auferre conantur. Conserunt vtrique ma-  
 nus, pugnatur acerrimè: nec tamen (quæ Conradi  
 fuit protectio) aut occisus, aut vulneratus est quis-  
 piam imò proiecta tela suis in pharetris recondita  
 inuenerunt Quod vbi miraculum vident, nuntiant  
 Netini, inter quos sacrum illud depositum semper  
 residebat, certi iam diuinæ voluntatis, vt quaterni  
 ex vtrisque populis, & primi Hyblenses arcam hu-  
 mo tollerent: quod si possent, alij cederent: sin mi-  
 nus, ipsi opus experirentur. Accipiunt Hyblenses  
 conditionem, nec tamē arcam illam humo sustollere  
 valere. succedunt Netini, quibus Charum pōdus  
 adeò leue visum est, vt alacres, nulloque impeden-  
 te Netum contenderent. In urbem ingressis place-  
 bat quibusdam, vt in ædibus Diuæ Mariæ à Castro,  
 quibus nunc à Crucifixo est cognomen, deponere-  
 tur: at dum illuc inferre student, omnem operam  
 perdunt. Quapropter Conradi confessorius Sancti  
 voluntatem aperuit, vt in Diui Nicolai, quæ ma-  
 ior, vel tunc temporis, erat ecclesia, efferreretur. eo-  
 que à duobus leuissimè perlatus est, cæteris hono-  
 rificentissimè funus deducantibus. tantaque fuit po-  
 puli



puli pietas, & frequentia, beatiq̃ue gratia, vt pluri  
mi infirmi, herniosi, cæci surdi, claudi, muti, & alijs  
morborum generibus oppressi sanitati restitueren-  
tur. Quæ omnia idoneis testibus, & per fidelissimos  
commissarios literis mandanda in posterorum me-  
moriæ quatuor uiri curarunt. Demum Leo Deci-  
mus anno sui Pontificatus tertio concessit Netinis  
Beati Conradi reliquias posse coli, adorari, & per  
urbem circunduci. vnde an. sal. 1516. prima Conra-  
di solennitas incepta est. plurima eius diei miracula  
Ioannes Humana Netinus, episcopus Scuterensis,  
qui Apostolica sedis rescripto interfuit, collegit.  
Concessit etiam Paulus Quartus Diui Conradi fe-  
stum vel extra Ciuitatem Netinam, & Syracusa-  
nam diæcesim, vt aliorum beatorum, quos nondum  
in sanctorum numerum Ecclesia retulerit, posse ce-  
lebrari, & venerari. Datum est diploma Romæ an.  
sal. 1544. 3. cal. Nouemb.

Fuit Conradus statura procerus, forma elegan-  
tissimus, aspectu magnanimus, sermone grauis, &  
facundus. natura cessit 11. cal. Mar. anno à Chri-  
sti natali 1351. Eius corpus in argentea arca re-  
conditum apud Netinos in ornatissimo tumulo, &  
sacello conseruatur: vbi cotidie diuina virtutis si-  
gna experimur.



| Numero | Linea | Erratum        | Correctum.                            |
|--------|-------|----------------|---------------------------------------|
| 11     | 9     | super inscri.  | inscriptionibus.                      |
| 30     | 7     | habeat         | abeat.                                |
| 66     | 17    | Apulia         | Apulia.                               |
| 67     | 3     | lapide         | lapidem.                              |
| 69     | 16    | omneis         | omnes.                                |
| 74     | 15    | hora           | oram.                                 |
| 80     | 14    | ab             | ob.                                   |
| 81     | 25    | istam          | ista.                                 |
| 88     | 27    | prælitam       | prælitam.                             |
| 100    | 15    | electi         | electis                               |
| 102    | 3     | istis          | isti.                                 |
| 133    | 7     | unicas         | uncias.                               |
| 137    | 27    | prauī          | grauī.                                |
| 33     | 25    | astringerentur | astricti                              |
| 34     | 12    | vrbi           | vrbs.                                 |
| 41     | 11    | Netū, & Cic.   | Netinos Neetū<br>& Cicerone Neetinos. |
| 50     | 15    | deffidia       | diffidia.                             |
| 214    | 20    | absolutus      | absolutis                             |

Series Chartarum.

† ABCDEFGHIKLMNO.

Omnes Quaterniones.

PANORMI,

Apud Io. Antonium de Francis.

M. D. XCIII.

SVPERIORVM PERMISSV.

Scilicet Characterum.

A B C D E F G H I K L M N O

Quatuor Quadrantibus

P A N O R M A

Apud Io. Antonium de Franciscis.

M. D. XCIII.

SEPTIORVM PERMISSV.









